


WINIM TIKET!! STARSHIP NA WANTOK NIUSPEPA WINIM TIKET RESIS!! LUKIM RESIS LONG PES 4 NA KISIM MOA SAVE LONG PILAI!

SSH
Current
Shelves
DU
740
A2
W3
v. 1668



WANTOK



Wantok (Boroko, Papua New Guinea)
SSH Current Shelves
UC San Diego
Received on: 07-31-06

Namba 1668 NIUSPEPA BILONG YUMI OL PNG STRET!

Wan Wik, Julai 13 - 19, 2006 K1.00 long
Mosbi tasol - Ausait Mosbi K1.30

Mani sindaun i gro yet

Andrew Molen i raitim

SINDAUN bilong ekonomi bilong kantri long namba wan 4-pela mun bilong dispela yia i winim gro bilong en long pinis bilong 2005.

Dispela i soim olsem ekonomi o strong bilong mani insait long kantri i wok long abrusim mak

bilong gro bilong en las yia.


Sapos ekonomi bilong kantri i gro long wankain spit, bai mani sindaun bilong kantri long pinis bilong 2006 bai gutpela moa yet.

Dispela bai namba 4 yia nau we dispela gro i wok long kamap long ekonomi bilong Papua Niugini.

I go moa long pes 3

Moa long insait:

Ol straik tisa bai kisim mekimsave - PES 2



Wenge autim tingting long Philemon na PM belhevi - PES 3

Ramu Main pipel wari long wara - MOMASE NIUS - PES 6



Nupela balus sevis - BISNIS NIUS - PES 25



Sore i stap...

DISPELA wite trinde ol wokmanmeri bilong Sen Johns Ambulans i bin go planim ol indai manmeri hus...
fami bilong ol i no rausim ol long Pot Mosbi Jeneta...
haus Sik mog o haus bilong putim ol indai man...
dispela manmeri i bin stap long mog Jas yia i kam inap...
na... olsem... i bin i stap na nogot famili...
i kam kisim ol long Trinde, Sen Johns Ambulans...
wokmanmeri na wan wan ol famili i bin go lukim mat...
mat bilong ol Wanpela bikmeri bilong Sen Johns i tok...
olsem em i no namba wan taim ol mekim dispela...
wok

Foto na Stori: NICKY... WARD

PLET BILONG GIVIM KAIKAI NA WARANG LONG KAKARUK

PLET BILONG KAIKAI
3kg, 6kg, 8kg, 10kg
na 15kg istap

PLET BILONG WARANG
3lt, 5lt, 6.5lt na
10litre istap

Mipela igat kaikai
bilong kakaruk;
Starter, Grower na Finisher
istap long 40kg, 20kg, 10kg na
liklik 4kg paket.

Wapetim wok didiman long yumi.
Brian Bell
Shop with a friend

BOROKO 325 5411 HCC, GORDONS 325 8469 HCC, LAE 472 3200 TOP TOWN 479 1918 GOROKA 732 1622 MT HAGEN 542 1999 KOKOPO 982 9027 MADANG 852 1899

Straik paulim ol tisa na sumatin

Veronica Hatutasi i raitim

STRAIK ol tisa insait long Nesenel Kapitel Distrik na kantri i wokim i paulim ol tisa na sumatin, Tisa Sevis Komisina, Operesens Michael Pearson i tok.

Stat yet long dispela wik Mande, ol Eksekutiv o lida bilong Tisa Yunien long kantri, em PNG Tisas Asosiesen (PNGTA) i tokim ol tisa long noken go long wok.

Dispela em i stat bilong Tem tri long 2006 skul yia na ol Elementeri na Praimeri skul sumatin i lusim klostu wanpela wik bilong ol tisa i no wok na ol tisa Yunien memba na ol edukesen atoriti i no stretim yet straik we i kamap bikos long tisa pe.

Long mun Mas, ol tisa long kantri i bin holim tupela wik straik na singaut long gavman na Edukesen Dipatmen long stretim

...Edukesen glasim ol ripot yet

tripela samting i sut long pe bilong ol.

Em long laikim 4 pesen pe, andapeimen o stretim gut pe long level bilong ol na givim moa haus-ing alawens.

Bihainim agrimen o Memorandum ov Andastending (MOU) we Nesenel Gavman na Edukesen i bin sainim wantaim ol Tising Sevis Komisn (TSC) na PNGTA Eksekutiv na Siaman bilong Tising Sevis Konsiliesen na Abitresen Traibunel Siaman long Me 19, 37,000 tisa long kantri i bin go bek long wok.

Ol bikman i bin wanbel long 9-pela samting we bikpela ol tisa i bin wanbel long en em long gavman i stretim pe bilong ol stat long potnait pe i pinis long Julai

5,2005.

Sampela ol narapela wanbel samting em:

"Tupela pati wantaim i luksave long asua long pe bilong ol tisa taim ol i go insait long nupela HRM kompyuta pe sistem i bin kamapim hevi long 25,000 na moa tisa we Edukesen Minista i bin kisim long "Ripot long ol Kleim";

"Tupela pati i luksave olsem bai gavman i painim mani long peim ol tisa andapeimen wari taim task Fos i luksave na sekim ol wan wan tisa na de dispela wari i karamapim ol ;

"Ol pati i luksave long 4 pesen pe i go antap long ol tisa aninit long Klos 3 Diteminesen

Namba 2 bilong 2004 we ol i luksave long pe bilong 6,000 tisa ol bai stretim;

"Long stretim 4 pesen pe i go antap na andapeimen, ol i sanapim wanpela Task Fos long glasim na apdetim ol rekot bilong ol wan wan tisa bipo ol i mekim ol peimen stat long pe piriet i pinis long Julai 5, 2006 na 4-pela moa.

Mista Pearson i tok "trupela samting em planti tisa i no kisim stretpela pe (andapeimen) na Task Fos i lukluk long em i stap nau na bai stretim. Tasol em bai kisim taim bikos ol bai sekim fail bilong ol wan wan tisa.

"Stat long MOU saining long mun Me a, olgeta wok i go long stretim dispela. I nogat nid long holim straik bikos MOU i wok long

lukluk long olgeta wari bilong ol tisa.


"Dispela straik i wok long givim hevi nating long ol sumatin," Mista Pearson i tok.

Em i tok aste, ol bin raun long ol skul insait long NCD na lukim ol tisa long skul tasol nogat pikinini bikos Tisa Yunien i tok nogat skul.

"Mipela i laikim ol tisa i go bek long wok bikos mipela i wokim olgeta samting long stretim hevi," Mista Pearson i tok.

Long wankain taim PNGTA bos, Tommy Hecko i tok ol tisa bai sanap wantaim na skruim straik inap ol edukesen atoriti inapim wari bilong ol.

Wantok i bin ringim Mista Hecko na Andrew Nuabo, em Siaman bilong NCD han bilong PNGTA long kisim toktok bilong ol, tasol nogat gutpela bekim i kam long ol.



OL KRISTEN MAS WOKABAUT LONG NIUPELA PASIN.

Olsem na yupela i mas lusim pasin bilong gian. Yupela olgeta i mas mekim tok tasol long ol arapela Kristen. Long wanem yumi olgeta stap hap bilong wanpela bodi. Sapos vbel bilong yupela i hat, orait yupela lukaut. Nogut yupela i mekim sin. Nogut yupela i belhat yet i stap na san i go daun. Nogut yupela i opim dua long satan. Ol sui man i noken stil moa. Nogat. Nau ol i mas wok. Ol i mas meim gutpela wok long han bilong ol yet na ol bai i kisim planti samting inap long ol i ken helpim ol man i sot long ol samting.

Efesus 4:25-28

Ol straik tisa bai kisim mekimsave

Veronica Hatutasi i raitim

OL tisa i stap long straik o stop wok nau bai kisim mekim save.

Siaman bilong PNG Tising Sevis Komisn (PNG-TSC) Allan Jogioba i tok dispela straik o stop wok ol tisa i wokim nau i no bihainim lo bikos ol tisa i no holim sikret balot na tu, givim gen toksave i go long Abitresen na Konsiliesen Traibunel Siaman, Pex Avosa.

Olsem na Mista Jogioba wantaim Edukesen Seketeri Dokta Joseph Pagelio i askim olgeta tisa long noken joinim

straik, tasol tingim skul bilong ol sumatin na go bek long skul.

"Straik i no rot long bihainim long stretim wari. Em i no gutpela long ol PNG Tisa Asosiesen lida long go stret long media na autim wari bilong ol. Dispela i paulim pablik.

"Long mun Me, ol tisa i bin straik na mipela i no bin hathat long ol tisa na givim mekim save bikos i bin gat Memorandum ov Andastending (MOU) agrimen we ol pati i go insait long wari i bin sainim long en. Tasol nau, i nogat MOU na olsem, bai mipela i go hetim lo na givim

mekim save," Mista Jogioba i tok.

Em i tok tupela mun i no inap long apdetim ol rekot na pe bilong 37,000 tisa na baim ol.

"Tupela mun i no nap. Mipela i mas sekim ol ripot bilong ol wan wan tisa bihainim ol data na skelim na glasim bipo mipela wokim peimen. Mipela i no inap wokim nating. Dispela i bikpela wok na i no fea long ol tisa i tok olgeta pe bilong ol tisa em mipela i stretim na go insait long pei peket bilong ol long Julai 5," Mista Jogioba i tok.

Em i tok i moabeta long ol bikman i sindaun wantaim na

toktok long stretim wari.

Na em i tok stat yet long Mun Me taim ol tisa long PNG i bin go long straik long pei bilong ol, ol lidaman bilong PNGTA i no wok long stap insait long em bikos dispela em rot long painim we long stretim hevi.

"Dispela em Spese! Task Fos i gat 10-pela memba i makim Edukesen Dipatmen, Abitresen na Konsiliesen Traibunel we Deputi Edukesen Seketeri Luke Taita i Siaman long en na Jerry Kuhena, em wanpela TSC Komisina i Deputi Siaman long en.



COFFEE INDUSTRY CORPORATION LTD

OL WIKLI MAKET PRAIS - Wik i pinis long Fraide Julai 7, 2006. TINGIM: Olgeta prais ol i makim long Kina long wan wan kilogram

| | GREEN BEAN (Delivered-In-Store) | | | | PARCHMENT (Factory Door) | | | CHERRY | |
|-----------|---------------------------------|--------------|--------------|--------------|--------------------------|--------------|--------------|--------------|--------|
| | ARABICA | | | | ROBUSTA | ARABICA | | | Cherry |
| | A | X | PSC-X | Y1 | Robusta | Class 1 | Class 2 | | |
| KAINANTU | NB | NB | NB | NB | - | 3.50 to 3.60 | - to 3.30 | - to 0.90 | |
| GOROKA | 6.00 to 7.00 | 5.80 to 6.05 | 5.50 to 5.80 | 5.30 to 5.50 | - | 3.50 to 3.70 | 3.50 to 3.55 | 0.90 to 1.00 | |
| KUNDIAWA | NB | NB | NB | NB | - | - to 3.60 | NB | NB | |
| MINJ/BANZ | NB | NB | NB | NB | - | 3.20 to 3.50 | 2.90 to 3.20 | - to 0.90 | |
| MT. HAGEN | NB | NB | NB | NB | - | 3.10 to 3.50 | 3.00 to 3.40 | 0.97 to 1.00 | |
| LAE | 6.00 to 6.90 | 5.80 to 5.90 | 5.40 to 5.50 | 5.20 to 5.30 | - | 3.10 to 3.30 | 2.80 to 3.00 | NB | |
| AVERAGE | 6.39 | 5.91 | 5.55 | 5.34 | NB | 3.33 | 3.14 | NB | |

NQ: Nogat Prais. NB: I No Baim. NA: I No Gat

Ol prais bilong Arabika kopi i pinisim wik daun liklik long US\$2.20/kg bihain long em i lusim 1.1 cents/lb taim robusta i bihainim wankain rot na i pinis antap liklik long \$1272/ton (US\$1.27/kg). Long bris bilong sip, net F.O.B. averes prais bilong Y-Gred i pinis daun liklik long K5.41/kg bihain long em i lusim 14 toea long dispela wik. Averes DIS prais bilong Y-Gred na fektori dua prais bilong pasmen wantaim i go antap inap long K5.34/kg na K3.33/kg yet. Seri prais i stap wankain na i no senis long K0.95/kg.

Lukautim Kopi na Kopi Bai Lukautim Yu

Tingting long wanpela Teknikel na Vokesenel setifiket tasol

Noreen Dada i raitim

WOK i stat pinis long kamapim wanpela setifiket tasol we ol kampani i ken luksave gut long en.

Edukesen Dipatmen i lonsim Nesenel Teknikel na Vokesenel Kwalifikesen Stiaring Komiti bilong lukluk long mekim sampela senis long ol tred kwalifikesen bilong ol vokesenel skul sumatin.

Nau yet ol teknikel na ol vokesenel skul i gat wan wan tred kwalifikesen o tred setifiket bilong ol yet.

Dispela stiaring komiti bai lukluk long kamapim wanpela tred setifiket we ol teknikel na vokesenel skul i ken givim ol sumatin na bai

em i kamap olsem wanpela rot bilong ol kampani i ken luksave gut long en.

I gat wanpela ten siks (16) memba long dispela komiti we ol i bin lonsim las wik Fonde.

Ol memba i kam long Edukesen Dipatmen, Opis bilong Haia Edukesen, Institut bilong Enjinias, Nesenel Aprentisip na Tred Testing Bod, Pot Mosbi na PNG Semba bilong Komes na sampela arapela moa.

Planti ol memba i tok i mas gat wan wan level bipo ol sumatin kisim ol tred setifiket we bikpela luksave mas go long lukim sapos ol sumatin i ting save gut long ol samting ol i lainim long wan wan level.

John Maru bilong Dipatmen bilong Komyuniti Developmen i tok i gat foapela bikpela samting long lukluk long en sapos ol i kamapim dispela luksave setifiket.

"I gat ol kain kain ejensi o bodi husat i ronim ol institute husat i save givim trening na yumi mas lukluk long stretim toktok wantaim ol.

Narapela samting em rot long karim aut skul.

Namba tri samting em long kamapim trening we i rait o gutpela long komyuniti na wanem kain treing em gutpela long tok orait long en.

Dispela ol samting em stiaring komitit mas lukluk long en," Mista Maru i tok.

Mani sindaun i gro yet

I kam long pes 1

Long wankain taim namba bilong ol manmeri i holim wok i go antap long namba wan hap bilong dispela yia.

Paul Barker bilong Institut bilong Nesenel Afes (INA) i tokaut long dispela aste long bung bilong wok maining insait long PNG we i stat long Trinde na bai pinis tude (Fonde).

Long 2005, olgeta kona bilong ekonomi i gro tasol maining we i gat 11 pesen bilong gros demostik prodak (GDP) i pundaun bek 4.5 pesen taim graun bruk i kamap long Porgera gol main na ol i no mekim gut gol.

"Wel na ges sekta i kisim bikpela namba stret we i lukim ol i kamap wantaim 11.1 pesen," Mista Barker i tok.

Em i tok prais bilong sampela samting long dispela eria i go daun tasol em i wok long kamapim planti moa long salim i go aut long kantri (ekspot).

"Planti ol bikpela kaikai olsem kopi kisim gutpela prais we i lukim ol i salim 72, 000 tan i go oyasis, laspela taim kain bikpela namba bilong kopi go aut long kantri em long 1999," Mista Barker i tok.

Namba bilong ol manmeri i holim wok tu i go antap long 2005 na i gat bilip olsem dispela bai kamap yet sapos gro bilong ekonomi go yet.

Long dispela bung Minista bilong maining, Sam Akoitai tok maining sekta i save givim olsem 52 pesen bilong mani bilong gavman na ol i laik strongim moa yet.

"Dispela bai go het yet long narapela 10-pela yia sapos ol dispela main olsem OK Tedi, Lahir na ol arapela i op yet," em i tok.

Em i tok tu olsem planti bilong ol dispela main bai pinis wok bihain long 10-pela yia na dispela i no luk gut tumas long kantri.

Tasol 4-pela nupela main olsem Ramu Nikel projek husat bai wok inap fopela ten (40) yia, i kamap nau na bai strongim kantri i go het.

Dispela projek i gat ol hevi i stap namel long ol papagraun bilong Ramu husat i autim bikpela belwari bilong ol olsem main bai bagarapim busgraun na wara bilong ol.

Lukim stori long pes 6 - MOMASE NIUS

NAQIA putim tambu long Sandaun

Andrew Molen i raitim

I GAT tambu i stap long ples Malol insait long Sandaun provins olsem i nogat wanpela kakau i mas go aut long hap.

As bilong dispela em long wanpela binatang nogut we i kamap long hap na i wok long bagarap kakau.

Nesenel agrakalsa na kwarantn inspeksen otoriti (NAQIA) i tokaut long Tunde dispela wik.

Sinia entimolosis o man bilong skul long ol binatang, David Tenakanai bilong NAQIA i tok dispela binatang i nogut tru na i ken bagarapim kakau bilong ol manmeri.

...Binatang nogut i bagarapim kakau

Dispela binatang ol i kolim "Pod Borer" i kain olsem mot o bataflai bilong nait.

Em i save karim kiau long skin bilong kakau na taim kiau i bruk, pikinini olsem liklik sinek i save mekim hul i go insait long kaikai bilong kakau na kaikaim insait bilong en.

"Bai yu no inap lukim bilong wanem em i save mekim liklik hul stret," Mista Tenakanai tok.

Em i tok dispela binatang i nogut moa long wankain binatang bilong PNG.

"Binatang bilong PNG

i save stap long skin tasol, dispela bilong Esia i save go insait stret long kaikai bilong kakau na i save bagarapim stret," em i tok.

Ol narapela samting dispela binatang i save stap long en tu em ton na rambutan.

NAQIA nau i gat ol man i stap long was long dispela ples olsem nogat wanpela man i mas karim ol dispela kaikai go aut long dispela eria.

"Dispela samting i stap tasol long Malol eria tasol i no go aut yet long narapela hap bilong provins o kantri,"

fiai go, sapos yu kukim bai paia i kisim skin tasol na i no i nap kisim insait we binatang i stap," em i tok.

Dispela binatang i no inap bagarapim ol manmeri tasol wok bilong em long bagarapim kakau i ken kamapim hevi long sait bilong maket na kisim mani.



POTO: David Tenakanai - NAQIA

BAGARAP: Taim binatang i go insait long kakau em i ken bagarapim olgeta.

Manmeri givim mani yet

James Kila i raitim

PLANTI manmeri insait long kantri i wok long givim yet mani long ol giaman mani bisnis.

Ol dispela lain pipel i no harim tok bilong Beng bilong PNG (BPNG) o Sentral Beng na go het yet long givim mani i go long ol dispela giaman mani bisnis.

Fainensel Sistems Supavaisa bilong BPNG Ellison Pidik i bin tokaut long dispela i no long taim i go pinis long ol manmeri long Goroka taim em i bin toktok makim opim nupela Tisa Sevings na Lon Sosaiti opis.

Pidik i tokaut tu olsem BPNG i no inap helpim o karim hevi bilong ol dispela lain manmeri husat i putim mani insait long ol piramid skim na ol giman

lain husat i save go raun na giaman kisim mani long ol pipel.

Em i tok dispela ol giaman lain i no kisim tok orait long Sentral Beng long karimaut wok bilong ol. Tasol ol i sakim tok na go het yet long giaman-ol manmeri na kisim mani bilong ol. Ol dispela lain i save giaman na tokim ol manmeri olsem taim ol i putim mani ol bai kisim bikpela winmani tru bihain.

Mista Pidik i tok Sentral Beng i bin putim aut planti pablik toksave long niusepepa na redio long tok agensim ol dispela mani skim. Tasol i gat planti manmeri i no harim tok na ol i go het yet long givim mani i go long ol dispela giaman lain.

Insait long Isten Hailans provins, dispela wok bilong ol giaman mani bisnis i bikpela tru..

Wenge autim tingting long Philemon na Somare kros

GAVANA bilong Morobe, Luther Wenge i autim tingting bilong em long kros namel long bipo fainens minista na memba bilong Lae, Bart Philemon na Praim Minista Sir Michael Somare na askim long wanem as tru na Mista Philemon i no laik autim olgeta samting bipo.

Mista Wenge i autim dispela askim bihain long Mista Philemon i bin tokaut long ol as bilong em i lusim wok bilong em olsem fainens minista.

Mista Wenge i tok ol sut toktok Mista Philemon i mekim em ol bikpela samting tru, tasol bilong wanem na em i no laik tokaut bipo bikos em ol bikpela samting insait long kantri.

"Mi bai wanbel wantaim tresera long tok olsem pasin bilong praim minista i no bihainim laik na sindaun bilong kantri. Em

(Philemon) i mas tokaut long ol dispela samting bipo yet taim ol i kamap. Bilong wanem na em i larim i kam inap nau long autim?" Mista Wenge i askim.

Em i tok tu olsem ating Mista Philemon bai no inap long autim ol dispela samting sapos gavman i no rausim wok long en.

Mista Wenge i autim tu belhat bilong em long Sir Michael i go pas long wok bungim mani bilong helpim Angau haus sik long Lae.

Mista Wenge, husat i bin wok strong long traime kisim helpim bilong stretim Angau i tok olsem gavman i bin i gat 4-pela yia long givim helpim long Angau, tasol em i no helpim inap nau.

"Sapos gavman i gat bikpela tingting long stretim Angau, em i mas makim mani nau insait long baset long mekim dispela wok."

POSF
TOKTOK
SUPA

HAUSING ETVANS SKIM

POSF Hausing Skim (Housing Scheme) em i wanem samting?

Suparenuesen lo i strong tru long larim ol memba i kisim winmani bilong ol bipo long ol i ritrens o lusim wok. Tasol wanpela rot we ol i ken kisim hap winmani bilong ol em long hausing etvans skim.

Dispela Hausing Etvans Skim em i wanpela rot bilong ol memba husat i ken yusim long rausim hap bilong ol kontribusen bilong ol long helpim ol baim o sanapim haus bilong ol.

Hausing Etvans i kam aninit long tupela hap:

1. Sanapim wanpela haus antap long Kastomari Graun
2. Baim o Sanapim wanpela haus antap long Gavman Graun

Husat i ken kisim wanpela Hausing Etvans?

Long kisim wanpela haus ing etvans yu mas i gat olgeta dispela samting:

1. Yu aplai namba wan taim
2. Yu mas stap memba bilong Fan inap 5-pela yia o moa
3. Dispela haus i mas haus we yu yet bai sindaun long en. (Yu mas sindaun insait long haus bihain long yu baim o sanapim pinis).

Memba i ken rausim manimak inap long hamas tru?

Manimak yu ken rausim i no inap abrusim 60% bilong olgeta sevings bilong yu.

Tasol sapos yu laik baim o sanapim wanpela haus we manimak bilong em i K75,000, yu bai inap kisim manimak inapim stret mak bilong ol kontribusen bilong yu bihain long ol i rausim takis.

Yu ken painimaut moa long Hausing Etvans neks wik

Long moa toksave ringim:
 POSF Counseling Officer - Ph: 309 5252 o
 Fund Administrator - Ph: 308 3888 o
 180 1010 (Fri lain)

POSF Regional Offices:
 Lae 472 2272, Mt Hagen 542 1182, Rabaul 982 8900

WINIM TIKET!!

Starships - Wantok Niuspepa winim tiket resis...

WETIM MI! MI WIN YA!



Wantok Niuspepa, niuspepa bilong yumi ol PNG stret i luksave long hevi bilong bikipela prais long ron long balus. Olsem na em i wok bung wantaim Rabaul Shipping long givim yupela ol rida bilong mipela gutpela sans long winim ol tiket long ron long ol sip bilong Star Ships PNG Limited.

Rabaul Shipping i gat 11-pela pasindia sip i save ron aninit long Starships (PNG). Ol dispela sip ol i save kolim ol "Queen" sip. Ol nem bilong ol sip bilong ol em: Alotau Queen, Atolls Queen, Buka Queen, Kavieng Queen, Kimbe Queen, Kokopo Queen, Madang Queen, Morobe Queen, Pomio Queen, Rabaul Queen na Solomon Queen. Planti long ol dispela sip i save karim kago tu.

Ol i save ron i go olsem long Alotau na ol ailan bilong Milen Be, Biiala, Buka, Kavieng, Kimbe, Lae, Pot Mosbi, Rabaul, Samarai, Wewak na Vanimo.

LONG STAP INSAIT LONG RESIS...

Yu mas bekim stret ol dispela askim long Starships (PNG) Limited. Taim yu bekim pinis na yu ting em i stret, salim entri bilong yu i kam long Wantok Niuspepa na bai i gat wanpela bikipela dro long 14/ 09/ 06.

I gat tripela prais yu ken winim insait long dispela resis.

Namba 1 Prais: Wanpela Sekta Ron bilong Tupela Fes Klas riten tiket.

Namba 2 Prais: Wanpela Sekta Ron bilong Wanpela Fes Klas riten tiket.

Namba 3 Prais: Wanpela Sekta Ron bilong Wanpela Ekonomik Klas riten tiket.

Olgeta dispela tiket em bilong ol ron long ol dispela sip tasol: Solomon Queen, Rabaul Queen, Madang Queen, Morobe Queen na Kimbe Queen. Ol arapela Queen sip bai nogat.

Sapos yu win, yu no inap long senisim tiket yu winim long kisim mani.

Sapos yu win, yu mas yusim ol tiket bipo long **Desemba 31, 2006**.

Sapos yu win, yu mas bihainim olgeta lo bilong Rabaul Shipping Ltd.

Starship-Wantok Niuspepa winim tiket resis

OL ASKIM...

Askim #1: Givim nem bilong han kampani bilong Rabaul Shipping husat i save bosim ol sip bilong en?

Askim #2: Sapos yu win, bai yu ken yusim tiket bilong yu long wanem ol Queen Sip bilong Rabaul Shipping?

Askim #3: Ol "Queen Sip" bilong Rabaul Shipping i save ron i go long wanem ol ples?

Askim #4: Sapos yu winim tiket bilong ron long sip, bai yu go long wanem hap insait long PNG?

NEM:

ADRES:

TELEPON:

YU MAS BIHAINIM OLGETA DISPELA SAMTING LONG STAP INSAIT LONG RESIS:

- Olgeta entri i mas kam long Wantok Niuspepa bipo long Fonde, Septemba 7, 2006.
- Dro bai kamap long Fonde Septemba 14 na ol nem bilong ol wina bai kamap insait long Wantok Niuspepa long Septemba 21, 2006.
- Salim i kam long Winim Tiket Resis
P.O. Box 1982, Boroko NCD, Papua New Guinea
- Ol wanfamili bilong olgeta wokmanmeri bilong Rabaul Shipping na Starships Limited wantaim Wantok Niuspepa i no inap stap insait long dispela resis.



Fainol disisen tude long NCD bai-ileksen

Noreen Dada i raitim

PETISEN em namba wan rot long bekim bilong William Skate Junior sapos em i laikim nupela ileksen bilong Nesanel Kepitel Distrik (NCD) i kamap.

Dispela em i strongpela tok-save we i kam long loya bilong llektorel Komisen, Dokta John Nonggorr long Tunde kot hiaring we Mista Skate Junior i bin kamapim.

Tasol long olgeta toktok we i bin kirap, hiaring we Jastis Kubulan Los i go pas long en i givim disisen long stopim wok long kaunim vot inap tude (Fonde) we em bai givim disisen bilong en.

Dispela disisen long nau apinun bai tokaut sapos kaunim bai go het o long nupela poling long kamap insait long NCD.

Mista Skate Junior i bin givim pastaim wanpela oda bilong kot i go long llektorel Komisen long Julai 8 long komisen i mas tokaut long hamas balot pepa ol i mekim na givim long wan wan poling tim.

Ilektorel Komisen i bin bihainim askim bilong Mista Skate na

i bin givim bekim bipo em i givim long wanpela de tasol loya bilong Mista Skate i tok long dispela hiaring olsem ol i no bihainim gutpela rot.

Loya husat i makim Mista Skate, John Poro i tok hap we komisen i mekim asua em ol i no holim wanpela pri-kaun konprens bipo kaunim i stat.

Mista Poro i tok aninit long ileksen sistem, komisen i mas holim wanpela pri kaun konprens long tok klia long ol kendidet ol namba bilong ol balot pepa ol i mekim, namba bilong ol poling but na ol arapela bikipela toksave.

Mista Nonggorr i tokaut olsem llektorel Komisen i bin putim 197 poling but na i bin mekim 1686 balot pepa.

Dispela toksave Mista Nonggorr i tok, em Mista Skate i bin kisim long Sande morning.

Bungim Mista Skate insait dispela hiaring em Powes Pakop we loya John Napu i makim em, loya Edward Waifaf husat i makim kendidet Wari Vele na Dan Kakaraya husat i makim em yet.

Mista Skate i mekim sampela senis long kot oda em i bin

givim pastaim na i askim kot long luksave olsem poling long wiken i no stret.

Long saptim toktok bilong en long Mista Skate i mekim petisen, Mista Nonggorr i lukluk long tupela kot ripot bilong bipo we kot i mekim disisen olsem pawa we llektorel Komisen i gat long ronim ileksen i stap long han bilong ol.

"Gutpela rot long salensim komisen long pawa bilong en i long karim aut petisen egensim komisen we ol pati husat i kisim komisen i go long kot i ken givim gutpela evidens.

Mista Skate i kisim bekim bilong em pinis we em i save long hamas balot pepa na poling but na ol kain samting olsem llektrol Komisen i kamapim.

I nogat as aninit long lo long Mista Skate i askim kot long tok olsem poling i no stret na kamapim nupela poling.

Long dispela, mi askim kot long lus tingting long dispela hiaring na lukluk nau long go het wantaim kaun bikos taim i sot," Mista Nonggorr i tok.

Jastis Los bai givim disisen bilong en tude.

RDB go pas long helpim Angau Haus sik

Noreen Dada i raitim

FAN RESING wok long baim wanpela nupela kensa masin i kisim narapela bikipela helpim i kam long Rurel Developmen Beng (RDB).

RDB husat i bikipela sponsa bilong fan resing kaikai bilong Praim Minista long Lae, i givim K10,000 aste long statim fan resing wok bilong Angau Memoriel Haus sik Askim bilong Praim Minista.


Praim Minista bai holim wanpela bikipela fan resing kaikai long Lae Intanesenel Hotel dispela Sarere we em i bilip olsem ol i bai resim planti mani.

"Mipela i salim pinis tupela ten (20) tebol we yumi sasim K10,000 long olgeta tebol.

Antap long dispela mipela i kisim K100,000 long wanpela grup long Pot Mosbi na bekim long dispela fanresing i kamap gutpela.

Mi gat bilip olsem Sarere nait bai kamap win stori," Sir Michael i tok.

Em i tok tu olsem planti ol meri i bungim bikipela bagarap long



OPIM HAN: Praim Minista Sir Michael Somare i kisim sekmani inap long K10,000 bilong go stretim Angau Haus sik na baim nupela kensa masin.

kensa bilong susu na em i taim ol pipel na komyuniti i givim sampela helpim na i no wetim gavman long mekim olgeta wok.

Bod Siaman bilong RDB William Lamur i tok beng i luksave olsem Angau i riferel haus sik long Momase rijen na planti long ol Hailans provins na helpim bilong ol i long lukim olsem helt sevis i ron.

"Pipel i noken lukim

dispela patnasip olsem pasin long givim helpim nating tasol long strongim wok long helpim komyuniti na kantri bilong yumi," Mista Lamur i tok.

Neks fan resing wok bilong fan resing askim bilong Praim Minista bai kamap long Nonga Haus sik insait Kokopo, Is Nu Briten.

Komiti Siaman bilong fan resing askim, Timothy Bonga bai lukluk tu long kirapim fan

resing insait Hagen bipo yia i pinis.

"Saplimentri baset bai kam aut long Julai 26 na mi lukluk long glasim situesen bilong Angau, Nonga, Hagen na Popondetta Haus sik.

Mi no klia long hamas fan o mani bai go long wan wan haus sik tasol ating bai i gat sampela liklik senis long rheim rot long painim mani long ol," Praim Minista i tok.

Foto: Nicky Bernard

Nu Ailan pipel amamas long Aini kamap Difens Minista

OL PIPEL bilong Nu Ailan i autim tok amamas bilong ol i go long Praim Minista long luksave long nesenel memba bilong ol, Martin Aini, na putim em olsem nupela Difens Minista long nupela Kabinet senis i bin kamap las wik..

Nu Ailan Gavan Ian Ling-Stuckey i bin autim tok amamas i go long Sir Michael Somare long makim pipel bilong em.

Gavana Ling-Stuckey i tok Mista Aini i bin wanpela gutpela Pangu Pati memba na Sir Michael i wokim gutpela disisen long givim wanpela Ministri i go long Mista Aini.

Tasol em i sori long narapela Pangu Minista em Atimeng Bihupe husat i bin Hausing Minista i lusim dispela wok.

Nu Ailan Gavana i tok em i kirap nogut long Sir Rabbie Namaliu i kisim wok olsem Treseri Minista bikos em lukautim rait Ministri, em Foren Afeas.

Em i tok Sir Rabbie i mekim gutpela wok stret olsem Foren Afeas Minista na bikpela luksave long em i stap long ovasis na PNG yet.

Na em i tok i gutpela long mekim klia long ol pipel bilong PNG olsem Pangu Pati na Sir Rabbie i no bin wokim wanpela askim long Sir Rabbie i kamap Minista bilong Treseri.

"Mipela i bilip olsem Bart Philemon (Praim Minista i rausim em long bosim Treseri na Fainens) na ol woklain bilong em i mekim gutpela wok olsem hap bilong strongpela tim we Praim Minista i go pas long en," Gavana Ling-Stuckey i tok.

Long wankain taim tu, Namatanai memba long Nesenel Palamen, Byron Chan i bin autim tok amamas tu bilong em long Praim Minista i makim Mista Aini olsem Difens Minista.

Em i tok provins i no bin gat maus long ministri na Nesenel Eksekyutiv Kaunsil longpela taim liklik skelim ol planti neturel risos olsem kopra, kakau, welpam, pis na gol na kopa we Lihir Main i kamapim.

Em i tok Mista Aini i gat bikpela salens nau long wok em bai mekim insait long Difens

Man Kieta redi long salim kopra ovasis

Aloysius i raitim

WANPELA Sentrel Bogenvil man husat i save baim na salim kopra i redi long salim kakau ovasis nau.

Olsem na man Kastoms i bin go sekim ol kopra i redi long salim na sekim sapos Kieta bris i orait long kisim ol ovasis sip long en.

Joe Sindaun em dispela man nau i gat moa long 800 tan kopra i redi wetim sip long kam na kisim i go long kantri Filipins.

Kampani bilong Mista Sidaun i save baim na salim kopra em Navueta Kopra Ekspot Limitit.

Kastoms opisa bilong

Bogenvil Yunaitet Siping na Kastoms Ejensi em Clement Rumina i bin go long Kieta long sekim stret kopra, sevis bilong kisim kopra i go long sip, ol kopra na ol arapela samting long lukim olsem dispela mas kamap stret na nogat samting bai rong.

Mista Rumina i sekim gut ol samting na rot we sip bai karim ol kopra i go long Solomon Ailan na bhain long Filipins olgeta.

Nambawan, Menesa bilong Habours Board long Kieta, Charles Tarurava, i tok olsem olsem wof o bris long Kieta i redi long wanem em i bin kisim ol ovasis sip long sampela taim i go pinis nau.

Em i tok long las yia wanpela Bank Line sip i bin kam long Kieta bris na em i bin kisim 1000 na moa ton ol gutpela kwaliti kopra i go long Yurop.

Em i bin tok narapela sip bilong Bank Lain bai i kam long Oges, 15 long karim sampela moa kopra long narapela kopra ekspota long Kieta.

Hevi long kopra bilong Mista Sidaun em 800 tans we MV Morgan bai karim i go long ol lain i laik baim kopra long Filipins.

Menesa bilong Habas Bod i tok Kieta bris laikim wok mentenens long inapim intanesenel stendet Em i tok PNG Habas

Bod i bin mekim mani long taim ol i stat long yusim Kieta bris na na pulim bikpela mani moa winim seils bilong las yia.

Em i tok mak long ol kakau na kopra we Kieta bris i bin salim i go aut las yia i bin kamap long 1000 tan.

Long wankain taim, Mista Sidaun, i toktok long ol man i save baim long Bogenvil long bung wantaim na statim wanpela bisnis grup we ol i ken salim ol kopra i go long ovasis maket.

Em i singaut tu long ABG long helpim tu ol lain i baim na salim kopra na kakau husat i painim hat long mekim mani long Otonomes rijen.

HAP.MERI TRU YA:

Cathy Hiob em i wanpela hap meri bilong lukautim ol maleo stret. Em bilong ples Lugagun long Nu Ailan. Em i save lukautim ol dispela maleo na givim ol kainkain ol kaikai olsem tinpis. Ol dispela maleo i save gut long en na ol i no save bagarapim em. Dispela ol maleo bilong Cathy nau i kamap wanpela ples ol turis i save laik raun i go lukim.



Foto: James Kila

Manus bai gat nupela han bilong Tisa Seavings

James Kila i raitim

PAPUA NIUGINI Tisa Seavings na Lons Sosaiti (TSL) bai opim nupela opis long Lorengau taun insait long Manus provins long dispela mun.

TSL Bod Siaman, William Varmari i bin tokaut long dispela las wik long Goroka taim TSL i bin opim narapela nupela brens bilong en.

Mista Varmari i tok TSL i lukluk i go het long givim gutpela sevis i go long ol memba bilong en.

Nau yet ol i kamapim pinis13-pela opis insait long provinsel rol aut progrem bilong ol we i bin stat long las yia.

Em i tok dispela nupela TSL opis long Manus bai sevim ol tisa i memba husat i save painim hat long kisim lon o dinau long

ol sevis bilong TSL.

Em i tok TSL em i wanpela bikpela Seavings na Lons Sosaiti insait long PNG na i gat ol samting o aset bilong en inap long mani mak long K176 milien.

Long wankain taim, Mista Varmari i tok TSL i gat moa gutpela pien i stap long sevim ol memba bilong em.

TOYOTA Limited Offer

INNOVA FAMILY WAGON

- ✓ 2.5 litre Turbo Diesel
- ✓ 5-Speed Manual
- ✓ AM/FM Radio cassette
- ✓ Airconditioning
- ✓ Power Steering
- ✓ Seven Seater

K89,990

DRIVE AWAY



FREE WINDOW TINT

Hurry Offer Expires : 31st July, 2006.

Sales Enquiries Contact

Ph 3229400

www.elamotors.com.pg



Ela Motors

TOYOTA

Your First Choice

Conditions Apply

Ramu Wara pipel laik lukim Envaironmen Plen

...Wari long main pipia bagarap

Veronica Hatutasi i raitim

OL PIPEL bilong Ramu Wara na Midel Ramu eria i wari tru long bagarap we pipia bilong Ramu Nikel Main bai kamapim long wara bilong ol na ol i laik lukim envaironmen plen bilong main divelopa, Saina Metalesikel Kampani (China Metallurgical Company o CMC).

Mausman bilong 70,000 pipel i stap long Ramu Wara na Midel Ramu eria, Michael Kasuk, i tok ol pipel bilong em i lukim pinis

hevi na bagarap we pipia bilong Ok Tedi Maining kampani i kamapim long bikpela Flai Riva na olsem, ol i laik autim ol wari bilong ol na long gavman i lukluk long em na stretim bipo wok long main i go het.

Ol i laik save tu wanem samting ol bai kisim sapos bagarap i kamap long Wara Ramu.

"Mipela bai bungim hevi long laip na sindaun bilong mipela taim main i go het. Olsem na mipela i laikim bai gavman i karimaut aweanes long dispela envaironmen plen na

tok klia long mipela ol pleslain bilong Wara Ramu eria.

"Mipela i wari long laip na ol samting bai i stap olsem ol tumbuna bilong mipela. Envaironmen o busgraun na wara em i olsem susu bikos wara em i givim abus na kaikai, wara bilong dring, kuk na waswas em i laip bilong mipela," Mista Kasuk i tok.

Em i tok PNG Gavman na Saina maining kampani, CMC bai kisim gutpela samting taim main i stat wok, tasol ol Ramu Wara pipel bai kisim bagarap tasol, olsem na wok maining i noken stat kwik inap gavman na divelopa i stretim wari bilong ol.

"Maining i noken stat kwik inap gavman na divelopa i lukluk gut na stretim wari bilong mipela.

Gavman mas soim mipela envaironmen plen bilong Saina kampani bikos mipela i save olsem Saina i gat nem nogut long sait bilong maining na bagarapim bus, graun na wara. Mipela i no laik long dispela bai kamap hia long PNG.

"CMC na PNG gavman bai mekim wanem taim sindaun bilong mipela i bagarap taim maining i stat? Mipela i les long wankain asua olsem ol lain long Wara Flai na Porgera long Enga i bungim," em i askim.

Bulolo polis holim strongpela trabel man

MUMENG komyuniti i holim pasim pinis wanpela biknem raskol man long Bulolo distrik.

Ol pipel bilong Zenag na Kamalu i bin holim pasim Joe Sam, wanpela long ol strongpela trabel man husat i givim hevi long Wau Bulolo pipel insait long 5-pela yia i go pinis na givim em i go long han bilong ol polis long Bulolo.

Sam husat i bin stap insait long ol bikpela trabel long Wau Bulolo Distrik i wok long ronawe long ol polis long sampela yia nau.

Polis Komanda long Bulolo, Willie Gumain taim em i tok amamas long helpim we komyuniti i givim long holim pasim em i singaut tu long ol arapela trabel man long givim ol yet long han bilong polis.

Em i tok i no gutpela long wanpela trabel man i pretim na kamapim hevi na sindaun bilong komyuniti i no stap gut.

Em i tok komyuniti i mas sanap na putim han wantaim long holim ol dispela kain trabel lain na putim ol long kalabus.



KIRAPIM PIPEL REJISTA PROJEK: Lo na Jastis Sekta grup long Bulolo

Bulolo bai rejistaim ol manmeri na helpim ol long daunim trabel

BULOLO taun insait long Morobe provins bai rejistaim olgeta manmeri bilong em long helpim daunim kram o bikpela trabel.

Lo na Jastis Sekta (LJS) insait long Bulolo bai karimaut dispela wok long rejistaim olgeta haus insait long Bulolo taun.

Polis na Distrik Etmnistreta i laik karimaut dispela wok long sekim ol man i go na i kam we long taun na lukim wanem eria trabel i kamap long en.

Polis Stesen Komanda long Bulolo, Willie Gumaim i tok dispela samting bai helpim polis long painim ol trabel man na kain trabel ol i wokim na holim pasim ol dispela i stap insait long

en
"Long olgeta wik, mak long 5-pela pipel i save go insait long Bulolo Taun long stap bikos long tupela nupela main i kamap long hap. Na wantaim dispela wok, mipela bai save wanem hap sampela ol trabel i kamap long en," Mista Gumaim i tok.

Em i tok komyuniti i sapotim dispela tingting bikos ol bin kisim planti hevi long ol trabel man na ol i autim bikpela sapot bilong ol long dispela.

Em i tok long rejistaim ol manmeri na pikinini long ol wan wan haus na ol setelmen eria i wok gut long ol arapela hap bilong kantri na em i bilip bai i wok gut tu long Bulolo.

"Komyuniti sapot em i bikpela samting. Mipela i traim dispela projek long Kainantu na em i wok gut. Mi gat bilip olsem em bai wok gut hia tu," Mista Gumaim i tok.

Em i tok i gat Mobail Yunit em i helpim gut long daunim ol lo na oda hevi long eria.

Em i tok wantaim dispela nupela projek, komyuniti mas papa long en na wok wantaim ol narapela patna na CLJ sekta.

Mista Gumaim i bin autim tok amamas bilong em long ol memba bilong Bulolo LJS na Bulolo etministreta long sapotim dispela projek.

120 bonde bilong sios bai lukim planti bikman

Veronica Hatutasi i raitim

MOA long 10, 000 pipel bai kamap long selebresen bilong amamasim 120 krismas bilong Luteran Sios long PNG.

Siaman bilong komiti i go pas long stretim dispela bung, Roy Miringke i tok dispela em i bikpela de bilong sios na ol laikim planti Evanjelikel Luteran Sios (ELC/PNG) manmeri long kamap long dispela Sande wantaim lotu sevis long Sir Ignatius Kilage Stadium long Lae siti.

Em i tok progrem long dispela selebresen i redi na sampela bikman long nesenel na provinsel gavman, praivet sekta, sios na komyuniti husat i memba bilong Luteran Sios na i bin kisim skul long ol Luteran Sios skul bai kamap long dispela bikpela bung.

Hetbisop bilong Luteran Sios long PNG, Reveren Dokta Wesley Kigasung bai go pas long misa.

Em bai givim ripot long ol wok kamap Luteran Sios long kantri i mekim insait long ol wok divelopmen na sevis long sios, gavman na olgeta eria bilong laip insait long 120 yia.

Mista Miringka i tok sampela long ol bikman ol i salim ol askim long

kam long selebresen em Polis Komisina, Sam Inguba, bipo Sief Jastis, Dokta Arnold Amet, nau Deputi Sief Jastis bilong kantri, Salamo Injia, Bos bilong Rurel Divelopmen Beng, Noreo Beangke, Morobe Gavana Luther

Wenge, na Siaman bilong Luteran Lig o ol Luteran Sios Palamen memba na ol arapela moa.

Long ol Kristen sios long PNG, ELC/PNG i gat namba tu bikpela sios memba long PNG, bihain long Katolik Sios.



GUTPELA WELKAM: Ol skul sumatin i welkamim ol deleget i bin kamap long opim bilong Asurumba Praimeri skul long Madang provins. Ol bin kirapim skul long kisim ol sumatin long ol kea senta we Manam maunten paia i bagarapim ol na nau ol i stap long hap graun long Bogia, bikples Madang. Foto: DWU



PUBLIC NOTICE



NATIONAL AGRICULTURE QUARANTINE AND INSPECTION AUTHORITY

DECLARATION OF DISEASE AREA

The Public is hereby advised that Hon. Sasa Zebe MP, Minister for Agriculture and Livestock, has on the 4th July 2006, declared Aitape District of the Sandaun Province as the DISEASE AREA in accordance with Section 8 & 16 of the Plant Disease Control Act (Chapter 220).

This declaration prohibits movement of Cocoa Plants, parts and beans and other alternate plants, of the Asian Cocoa Pod Borer, from Aitape District to other areas of Sandaun Province and other parts of Papua New Guinea. There is danger of an outbreak of a virulent disease or pest. The declaration has been published in the National Gazette No. G132 dated 5th July 2006.

ANDREW YAMANEA
Managing Director

Ol sumatin karim hevi bilong tisa straik

Aaron Gunbi i raitim

OL SUMATIN insait long ol skul long Simbu i karim hevi bilong tisa straik, long dispela wik taim ol i go long skul na ol tisa i salim ol i go bek long haus.

Planti pikinini i krai na i go bek long ples taim Wantok Niuspepa i bungim Daniel Suara husat i krai na haitim pes bilong em taim em i harim olsem nogat skul na em i go long haus.

Daniel em gret 5 sumatin bilong Mingede Praimari Skul. Em i tok olsem em i no amamas long go bek long ples, long wanem em i laik stap long skul na lainim ol samting.

Planti pipel long Simbu i no laikim ol tisa i straik. Ol i no laikim ol politisen long sapatim ol tisa long go straik. Long wanem, dispela pasin i bringim bikipela hevi long ol sumatin na tu ol papamama husat i hat wok tru long baim skul fi.

Michael Gaglma, wanpela papa bilong Kerowagi i tok, "Ol tisa i mas tingim ol pikinini na i stap long klasrum na tis. Ol pikinini em bihain taim long kantri bilong yumi. Yumi olgeta i gat wok long lukautim kantri na olgeta pipel bilong em. Sapos wok sevis bilong helpim ol arapela na i no wari tumas long mani samting, yumi wok gut tru na kantri bilong yumi bai go gut," em i tok.

Wanpela Katolik pater husat i wok long Simbu longpela taim i tokim Wantok Niuspepa olsem ol bikhet tisa i laik hambak na go straik i mas raus long skul.

"Kantri bilong yumi, i gat hevi long ol yangpela i nogat wok. Planti ol gutpela yangpela manmeri i pinis skul long koles na yunivesiti tasol i painim wok na i stap long strit. Sapos tisa i laik hambak orait rausim olgeta long wok na rikrutim ol nupela olsem ol lain i greduet long yunivesiti na painim wok," em i tok.

Pater ya i tok dispela pasin bai strongim ol tisa long tis gut.

Tasol ol Katolik skul insait long Simbu, ol i laik bai ol tisa i stap long skul.

Joe Direkore, em Katolik edukesen sekretari long Simbu i bungim planti tisa long ol Katolik skul na askim ol long go bek long klasrum. Long redio seket bilong Kundiawa Daioses, Mista Direkore wantaim namba tu bilong em, Alphonze Ekin i askim olgeta tisa bilong ol Katolik skul long go bek long klas long wanem toktok bilong straik i no klia tumas.

Long Trinde Mista Direkore wantaim Mista Ekin i bung wantaim ol tisa bilong Saut Simbu long Dirima bilong plenim ritrit na insevis bilong ol tisa bilong ol Katolik Skul.

Ol Kainantu mama laikim mobail skwat stesin



Foto: James Kila

PULAP: Kanaintu taim i pulap wantaim ol manmeri bilong ol arapela hap insait long Hailans rijen.

mekim wanpela petisen na givim i go long ol lain insait long atoriti na stretim hevi bilong lo na oda insait long Kainantu taun.

Wanpela lida bilong ol mama i tokaut strong olsem Polis Minista bipo Bire Kimisopa wantaim Polis Komisina Sam Inguba i bin bungim ol mama long Kainantu na ol i bin tokaut olsem ol bai kamapim wanpela Polis Mobail Skwat stesin long Kainantu. Dispela toktok bilong ol i no karim kaikai yet.

Narapela tok em Polis Komisina Inguba i mekim em long kirapim wanpela Polis Stesin long Barola Maunten, ples we planti holdap na raskol pasin i save kamap long Hailans Haiwe. Ol dispela tok promis ol lain bilong gavman i bin mekim i no karim kaikai na planti ol mama grup insait long Kainantu taun i no amamas tumas.

Ol mama i no amamas tumas long lukim olsem wanpela 10-sita Toyota lenkrusa em polis dipatmen i givim long lukautim hevi bilong lo na oda insait long Kainantu nau i wok long ron i go kam long Goroka. Ol i tok planti taim tru ol i save lukim dispela kar i go kam long Goroka na i no save mekim wok bilong em long patrol long Barola Maunten.

Ol mama i tokaut olsem ol i bin krai na mekim bikipela protes mas long Kainantu na dispela ol samting i kam.

Enga redi long Kalsarel So

Peter Sowaip-Pia i raitim

ENGA provins i redi nau long holim namba 12 Eruel Kalsarel So long mun Ogas.

Dispela so bai kamap long Ogas 11 i go inap 13 long bikipela Mommers fil insait long Wabag taun.

Enga Ekting Provinsel Etwaisa bilong Komes, Kalsa na Turisim Nicholas Mangen i tokim Wantok Niuspepa olsem dispela so bai kamap narakain liklik.

Mista Mangen i tok Enga Kalsarel So komiti i go pas long olgeta wok redim na ol i stap sambai tasol long go het wantaim wok.

Mista Mangen i bin go pas long so i kamap las yia we i nogat wanpela hevi o trabel i kamap. Olsem na em i klia pinis olsem wankain bai kamap dispela yia.

Em i bin wok wantaim polis na So Komiti long mekim las yia so we i bin kik stret.

Em i tok so long dispela yia bai soim ol bikipela samting olsem 'Sili Muli' singsing grup, Yalu Talu Minigi, Lek Lau na ol narapela tumbuna laipstail o pasin bilong bipo.

Tasol Mista Mangen i tok So Komiti bai senisim long sait bilong bilas we ol i mas i gat tumbuna bilas tasol. Long dispela as, prais mani bai go antap sapos so komiti i kisim gutpela

bekim long ol pas ol i salim i go aut long wan wan bikipela kampani na bisnis.

"Ol kampani i givim gutpela tok bekim em Britis Ameriken Tobako (British American Tobacco o BAT), Porgera Join Vensa (PJV) Barrick, SP Bruri (SP Brewery) na Coca Cola Amatil Ltd. CCA i givim pinis K8,000 mani na inap long K2000 mak long ol dring," Mista Mangen i tok.

Em i tokaut tu olsem Enga provinsel gavman i givim K150,000 long so olsem namba wan bikipela sponsa bilong em.

Na long wankain taim, Mista Mangen i singaut long olgeta lain husat bai stap insait long so long rejista hariap.

James Kila i raitim

KAINANTU taun insait long Isten Hailans provins i bin kisim nem nogut tru bihain long ol lain long redio na niuspepa i bin givim ripot nogut taim ol lain kalabusman i bagarapim tupela sumatin meri bilong Divain Wod Yunivesiti (Divine Word University o DWU).

Lod Meya bilong Kainantu taun, Seki Wako i tok olsem dispela hevi i bin kamap taim ol liklik lain man nogut i kamapim hevi na givim nem nogut tru i go long planti ol lain gutpela manmeri bilong Kainantu taun.

Mista Wako i tok

olsem Kainantu em gutpela ples na ol bisnis komyuniti i noken pret long kamapim wok bisnis bilong ol long hap. Em i amamas long lukim sampela ol nupela stua na bisnis i kirap long taun olsem Papindo, nupela Farmset stua, Bintangor na ol narapela liklik Saina bisnis.

Lod Meya i tok olsem bikipela wok nau i stap long han bilong plis wantaim ol komyuniti lida long wok bung wantaim na lukautim hevi bilong lo na oda na daunim insait long wan wan eria bilong ol yet.

Las wik sampela ol mama grup insait long Kainantu taun i bin bung long Lutheran Mama senta na pasim tok long

Hey ol wantok! Skelim dispela tupela Setelait Fon yah!! Ol rait stret... Baim wanpela nau!

ACeS FR190G FR 190G Satelait Fixed Terminel Sistem

- Nogat hevi na isi long karim raun
- Em isi long yusim
- Em i wok long pri-paid kad
- Igat top-up kad tu



ACeS R190 dual mode Satelait/GSM 900 Mobail Fon



- Yu ken yusim long:
- Opis
 - Boat na Sip
 - Long ples na long we long taun
 - Insait long bik bus

Tel: 472 0909 Fax: 472 0339
Email: eastpac@datec.net.pg



Kam lukim mipela nau sapos yu lalk baim wanpela!!

NCD vot long painim gavana

Andrew Molen
i raitim

OL manmeri long Nesenel Kapitel Distrik (NCD) long las wik Sarere na Sande i vot long nupela rijinel memba bilong ol.

23-pela kendidet i resis long kisim dispela sit we i stap nat-ing bihain long bipo memba Sir William Skate i dai, namel bilong ol lain i resis em pikinini bilong em William Skate (Junior).



Taim bilong pol i op em long 8 kilok moning tasol planti no stat long taim na long wanpela hap ol i stat vot long 2 kilok avinun.

Sief ritening opisa Oscar Pomaleu i tok as bilong dispela em bilong wanem sampela samting i krangki na ol i westim taim long stre-tim bipo vot i go het.

"Kain samting olsem rot i pas na ol pepa i no kamap hariap em kain ol samting we i holim taim bilong mipela," Mista Pomaleu i tok.

Planti manmeri tu i no amamas taim nem bilong ol i no stap long komon rol.

"Husat nem bilong ol i no stap long komon



PUTIM MAK: Mama i putim mak bilong em taim wanpela polisman i putim ai istap. Planti manmeri no bin amamas taim nem bilong ol i no stap na ol i no nap long vot.

rol i mas kam long ilektorol komisn opis na givim nem bilong ol.

"Em i no wok bilong komisn long go aut long ol pipol na kisim nem tasol em i save givim dispela sevis," ilektorol komisina Andrew Trawen i tok long gavman Talk Back sho long NBC long Mande dispela wik.

"Save i stap long ol manmeri, sapos kris-mas bilong yu i antap long 18 na nem bilong yu i no stap long

komon rol, yu yet i mas kam na givim nem bilong yu," em i tok.

Em i tok las yia yet na stat bilong dispela yia ol opisa bilong ol i raun na kisim nem bilong ol manmeri na husat i no givim nem long dispela taim i mas givim bipo long 2007 nesenel ileksen sapos ol i laik vot.

Tasol sampela i tok ol i givim nem bilong ol i kamap long vot, nem bilong ol i no stap.

Sampela i tok ol i vot

long 2002 na wanem as na nem bilong ol i no stap nau.

Long dispela Mista Trawen i tok ol i rausim olpela komon rol i kam i nap long 2002 na ol i mekim nupela nau bilong wanem olpela rol i bagarap.

Tasol em i tok olgeta samting i go orait na i bihainim lo tasol ol liklik hevi ol i bungim bai redim ol gut long bikpela samting long 2007.

Wok bilong kandim vot bai kirapim klostu.

HIV/AIDS skul i go long rurel eria



POTO: Sentral Provins Gavman Midia Unit

SURUKIM TOK: Wok i stap long ol lain i kisim kos long go aut na surukim tok bilong HIV/AIDS long ol arapela.

WOK bilong skulim ol manmeri long HIV/AIDS mas i go olgeta hap long kantri na las wik ol lain Kwikila stesen bilong Sentral provins i pinisim wanpela kain awenes woksop.

Wanpela ten fo (14) manmeri bilong sios na helt sekta insait long provins long las wik Fraide i kisim setifiket bihain long ol i kisim skul long HIV/AIDS i nap wanpela wik.

As bilong dispela trening woksop em long skulim ol long go bek na givim dispela save long ol wan wok na komyuniti bilong ol long HIV/AIDS.

Provinsel AIDS komiti (PAC) siaman bilong Sentral Provins, Joseph Eka i salensim ol lain i kisim skul long go aut na mekim wanem samting ol i lainim.

Em i tok dispela em i namba wan taim bilong kain woksop i

kamap insait long provins na em i wok bilong ol long go aut na skulim ol manmeri long HIV/AIDS na pasin bilong lukautim ol lain i gat dispela sik.

Mista Eka i amamasim ol long pinisim dispela kos na tu long Sentral provinsel etministresen long putim moni long en.

Helt divisen menesa bilong Sentral provins, Michael Uaiz i tok HIV/AIDS em i wanpela bikpela samting we gavman i lukluk long en.

Ol narapela em TB, malaria, lukaut bilong ol mama, banis sut na rot bilong was na rausim ol sik.

Sentral PAC wantaim divisen bilong helt na Anglicare Stop-Aids husat i go pas long woksop i tingting long kamapim wanpela kain awenes ken we bai kamap long Goilala distrik pastaim na bihain i go arapela hap long provins.

Mista Uaiz i tok dispela sik i kamap planti namel long ol wokmanmeri na sapos olgeta i dai bai husat i lukautim ol lapun na yangpela.

"Sentral provins i mas lukluk long dispela hevi. Sapos ol dispela lain i no i nap long skulim ol famili bilong ol long HIV/AIDS, bai ol i skulim ol pablik olsem wanem," Mista Uaiz i tok long ol lain i kisim skul.

Em i tok ol i mas stat wantaim ol famili, wan wok na komyuniti bilong ol bai ol i kisim strong long go aut long pablik.

Ol helt volantia i greduet

19-PELA helt volantia bilong ples (VHV) long Sentral provins i greduet las wik Trinde wantaim setifiket long kamap volantia.

Ol dispela volantia i kam long 9-pela ples insait long Rigo distrik na i kisim pepa bilong ol bihain long ol i pinisim wanpela kos we i ron wanpela yia.

Long dispela kos ol mekim ol volantia wok wantaim helt long ol ples we ol i lukautim taim bilong karim pikinini, famili plening na ol arapela.

Long greduesen bilong ol Sentral Provins Gavana, Alphonse Moroi tok ol i tingting long mekim dispela wok olsem ol

volantia bilong wanem ol i laikim ol pipel bilong ol.

Em i tok ol i greduet long givim sevis long ol pipel bilong ol na ol i mekim ol famili na komyuniti bilong ol i amamas.

Mista Moroi tok: "Mipela long gavman bai givim sapot yet na strongim wokbung bilong mipela wantaim ol lain olsem ol Canossian sista na ol arapela."

Gavana Moroi amamasim tu ol trena bilong Sentral provins helt divisen VHV olsem Sista Singut Bieb, komyuniti helt woka (CHW) Marineth Amos, Philip Vagi na Sista Itai Mailau bilong Kwikila

helt senta.

Gavana Moroi givim tu wanpela 4-wil draiv kar Sentral provins gavman i baim we i kos moa long K99, 000 i go long ol trena long helpim wok bilong ol.

Em i salensim Sentral Provinsel etministresen long soim em olsem ol i nap long kisim gutpela sevis i go long provins bai em i ken givim sapot bilong em.

Mista Moroi tok provinsel gavman bilong em i sapotim dispela VHV progrem bilong wanem ol lain i kisim trening i save mekim gut wok.



Poto: Sentral Provins

WELKAM: Ol pipel bilong Rigo distrik i tok welkam long Gavana Alphonse Moroi wantaim wanpela bikpela han buai taim em i go long lukim greduesen o winim skul bilong ol helt volantia bilong ples.

"The King will reply, 'I tell you the truth, whatever you did for one of the least of these of mine, you did for me.'" Mathew 25:40



LOVE YOUR

NEIGHBOUR

Do you know how HIV/AIDS is really contracted?

HIV/AIDS can **ONLY** be contracted in the following ways:

- Through sexual contact with someone infected with HIV/AIDS
- Through the exchange of blood with someone infected with HIV/AIDS
- Through an HIV-positive mother to her newborn child

You **CANNOT** contract HIV/AIDS through the following:

- Living or being in the same room with someone infected with HIV/AIDS
- Shaking hands, hugging, or kissing with someone infected with HIV/AIDS
- Washing or caring for someone infected with HIV/AIDS

Love and care for your family members
and friends living with HIV/AIDS.

They need you.

HIV/AIDS

THERE IS HOPE



STORI TASOL



wantaim

FR. PAUL LIWUN, SVD

Maikrofon i kam bek pinis

SAMPELA wik i go pinis, mi bin stori long yupela olsem wanpela stilman i bin kam insait long sakristi bilong haus lotu long Erima Katolik Sios na stilim wailes maikrofon bilong mipela.

Mi tu bin stori olsem wanem seksen bilong pipel taim mi bin toksave insait long haus lotu.

I no long taim i go pinis, long Sande bilong Korpus Kristi, (2006) stilman i bin bringim bek dispela maikrofon. Em i bin kam long haus bilong mi bihain long namba tu misa, taim olgeta manmeri i go bek pinis.

Taim mi lukim dispela man, mi luksave stret long em. Em i wanpela kon man i save kamap long haus na askim mani o kaikai. Wanpela taim em i bin askim mi tu long sospen.

Olsem na taim mi lukim pes bilong em, mi no laik em i bagarapim tingting bilong mi bihain long misa na narapela wok mi bin mekim long Sande moning inap long apinun. Mi pilim les tru. Mi laik malolo.

Taim em i tokim mi olsem em i laik lukim mi; mi bin mekim tani long en. "Em i orait. Yu ken lukluk long mi nau. Mi no stap hait". Em i kamap klostu long haus dua bilong mi na tokim mi; "Pater, mi pilim sori tru. Plis, pogivim mi. Mi bin mekim bikpela sin stret".

Mi askim em: "wanem kain sin yu bin wokim?" Em i stat long tokim mi. "Pater, ating yu save olsem waiales maikrofon bilong yu i lus long haus lotu.

Mi tasol i bin stilim". Taim mi harim em i tok olsem, mi kirap nogut tru. Bikos mi ting em i wanpela yangpela boi i bin stilim. Bikos taim mi harim nek bilong em long telepon, olsem nek bilong wanpela yangpela boi. Tasol nau man ya i no yangpela man. Em i wanpela lapun man ya.

Isi tasol em i pulim maikrofon i kamaut long bak bilong trausis bilong en. Taim mi lukim dispela maikrofon, mi pilim sori stret. Bikos, em i kamap deti na planti mak mak i stap. Olsem na mi kisim dispela maikrofon na tokim Bobby long testim em. Nogut em i bin bagarap pinis. Tasol em i wok orait yet.

Stilman i tokim mi olsem; dispela em i no namba wan taim. Em i bin stilim samting bilong ol narapela sios tu.

Em i stori long mi olsem - taim em i stap long ples bilong em, em i bin mekim wok olsem wanpela wanpela katekis. Long yia 1995, taim Pop John Paul II, i bin kamap long Mosbi, em i bin kam wantaim peris pris bilong en.

Taim paris pris i go bek, em i bin lusim em i stap long Mosbi inap nau. Em i bin hat wok long painim mani long baim kar i go bek long ples bilong en, tasol inap nau em i nogat mani yet. Em i bin kolim nem bilong ples bilong en. I no longwe, tri o 4-pela awa tasol i go long ples bilong em long PMV.

Em i tokim mi olsem; "bipo long bringim bek dispela maikrofon, long moning taim tru em i bin go na wokim konpesio long wanpela pater long Gabutu.

Taim Pater i harim olsem mi bin stilim dispela maikrofon, pater i tok strong long mi mas bringim bek dispela maikrofon. Olsem na mi kam na lusim dispela maikrofon long yu gen".

Bihain mi tokim em: "Em nau, God i pogivim pekato bilong yu bikos yu bringim bek dispela maikrofon. Sapos yu no bringim bek, sin bilong yu bai stap yet, maski long wokim konpesio planti taim". "Pogivim mipela olsem mipela i pogivim ol narapela i mekim rong long mipela..."

Katolik Sios gat nupela Nunsio

Noreen Dada i raitim

KATOLIK Sios long PNG i gat nupela Nunsio o mausman bilong Pop long kantri.

Hetman bilong Katolik Sios long wol, Pop Benedict 16 i makim Apostolik Nunsio Asbisop Francisco Montecillo Padilla long lukautim opis na wok insait long PNG na Solomon Ailan bilong senisim pastaim Nunsio, Asbisop Adolfo Tito Yllana husat nau i wok long Pakistan.

Nupela Nunsio i bin bungim Gavana Jenerel, Sir Paulias

Matane na Praisin Minista Sir Michael Somare insait long wanpela seremoni long dispela wik Tunde.


Asbisop Padilla husat i bungim Pop Benedict XVI tupela wik i go pinis, i makim Pop long tok pastorel wari bilong en em long lukim olsem sios i kamap gut long kantri long ol pipel bilong en.

"His Holines, Pop Benedict XVI i wok hat wantaim intenesenel komyuniti long promotim bel isi, na gutpela sindaun namel long olgeta kantri long wol. Dispela bai kamap sapos yumi wok long promotim developmen we i holim pasim gut

strong bilong wan wan man na developmen bilong ol man.

"His Holines i ting PNG i wok hat long strongim bikpela senis long tingting na tu givim gutpela lukluk long spirituel sait long laip. Long dispela em i ting hat wok bilong kantri bilong yupela bai stap strong bikos long strongpela pasin long gutpela sindaun na sosel tingting we i bikpela samting insait long kalsa bilong PNG," Asbisop Padilla i tok.

Asbisop Francisco Montecillo husat i gat 52 krismas em i bilong Filipins na mama i karim em long Cebu siti, Filipins.



NUPELA NUNSIO: Asbisop Francisco Montecillo Padilla

Em bin kamap pater long Oktoba 21, 1976.

Em i gat doktoret long Tioloji

Wok bilong em long Diplometik Sevis wantaim Vatiken i bin stat long 1985 long ol Apostolik Nunsiet opis long Dominican Republik, Venezuela, Austria, India na Japan.

Bipo em i kisim nupela opis bilong em insait long PNG, em i bin Kaunsela bilong Apostolik Nunciature insait long Australia.

Em i save long 6-pela tokples na em ol Inglis, Tok ples Itali, Spein, Frans, Jemani na tok ples stret bilong em, Filipino.



STRONGIM FAMILI: Dispela famili i go pas long Famili Laip mas long Mendi taun.

Famili autim HIV/AIDS lain ...Strongim gutpela famili

Aaron Gumbi i raitim

PLANTI pipel i krai taim ol tok klia olsem ol i gat sik HIV/AIDS na ol i karim dispela hevi na ol i stap wantaim famili bilong ol.

Dispela i bin kamap long namba wan konprens o bung bilong Katolik Famili Laip we ol marit long ol 5-pela Katolik Sios Daiosis long Hailans rijen we i bin kamap long Mendi tupela wik i go pinis.

Moa long 100 marit long Hailans i kamap long wanpela wik bung long lukluk long wok mak bilong ol long marit na famili.

Bung i soim gutpela pasin we ol marit i soim long stap tru wantaim poro bilong ol.

Tasol ol i harim tu olsem planti i gat sik HIV/AIDS na ol i karim dispela hevi na ol i stap wantaim famili bilong ol.

Taim sampela papa, ol yangpela na ol meri i stap insait na tokaut long dispela, em i mekim bikpela samting long dispela bung.

Sampela taim ol marit i pilim olsem ol i stap wanpis taim ol i

tingting long kamapim gutpela marit na long karim wok mak bilong ol long lukautim ol pikinini.

Long pinis bilong kibung, planti i bin pilim amamas long harim gutpela stori bilong ol arapela i, serim long famili bilong ol.

Pater Ziggy Kruczek i givim piksa long Baibel na tu long laip bilong Pope John Paul 2 na i tok olsem marit em i singaut bilong God.

Dispela em i wanpela bikpela hap bilong lukluk long em nau long dispela taim na ol pasin we i makim gut PNG nau.

Ol pipel bilong Mendi taun i guria long lukim ol lain i stap long dispela bung i mas i go raun long taun long toksave olsem ol i laik long bringim gut nius bilong famili na gutpela samting long gutpela na strongpela marit bilong kamapim gut kantri.

I gat tingting olsem ol dispela marit i stap long bung i go bek long ples bilong ol, bai ol i surukim tingting bilong gutpela na strongpela marit bai i go long olgeta hap bilong Hailans na moa yet, long stat yet long Mendi.

Bolivip kamapim moa pater

BOLIVIP em wanpela liklik ples insait long Sta Maunten long Not Flai Distrik bilong Westen Provins i kamapim moa pater insait long Westen provins.

Mak bilong ol Bolivip pipel em 2,000 na ol i stap long 6-pela viles.

Insait long Westen Provins, Katolik Sios i gat bikpela luksave long Bolivip bikos em i gat nem long kamapim ol pater na planti ol arapela wok manmeri bilong Sios long Kiunga/Daru Daiosis.

Tasol wok pater na wok misin i no kamap isi long Bolivip.

Ol misinari i bin brukim bus na bringim lotu Katolik i go long Bolivip long yia 1963 samting inap long yia 1975 samting taim bikpela guria tru bin kamap, graun i bruk long olgeta hap insait long Sta Maunten na ol misinari i ronowe lusim Bolovip.

"Taim ol misinari i go, ples balus na misin stesen tu i pas na ol sumatin i lusim skul long Bolivip na painim of narapela skul nabaut (olsem long Kiunga na Tabubil)," Michael Namalok, wanpela man Bolivip husat nau wok wantaim Ok Tedi main i tok.

Sampela taim bihain, Pater Andr'e i go lukim ol lain bilong em long Bolivip gem na ol pipel i askim long wanpela pater i mas stap wok wantaim ol.

Olsem an God i mekim Bolivip i kamap olsem pos bilong Lotu Katolik insait long Kiunga-Daru Daiosis.

Em i blesim Bolivip wantaim planti wokmanmeri bilong Sios na moa yet, Em i kamapim moa Pater long Bolivip i winim olgeta ples na Peris na Distrik insait long Westen Provins, na ating long olgeta Peris insait long Papua Niugini tu.

God i singautim long kamap 4-pela yangpela man Bolivip long kamap pater, tripela moa i mekim pastoral wok bilong ol nau na klostu bai ol i kamap pater na planti moa i stap yet long ol seminari.

Tasol long mun Me long dispela yia, namba wan pater bilong Bolivip, Pater Arnold Afaneng, bilong Not Flai Distrik long kamap Pater na namba tu PNG bilong Kiunga-Daru Daiosis i bin dai.

Long makim maus bilong ol pipel bilong Bolivip, Michael Namalok i tok ol lain bilong em tu i gat bikpela bel pen long lusim brata na nambawan Pater bilong ol.

Tasol em i tok olsem indai bilong Fr. Arnold tu i opim tingting na ai bilong ol olsem bikpela wok misin God i givim long Bolivip, bihainim tok bilong Fr. Andr'e, is tap yet na i mas karim moa kaikai.

Tru tumas, sapos yu wanpela Katolik, bai yu ken luksave olsem planti ol peris bilong yumi long PNG i nogat pater yet.

Bolivip i win tru! Sapos dispela bus ples long Not Flai i ken kamapim 4-pela pater, ating Katolik Sios long Westen Provins i ken kisim strong bilong em long Bolivip.

Gutpela Pikinini Pilai long Gordons

....Kamapim yuniti na pren pasin

Veronica Hatutasi i raitim

GORDONS Yunaitet Sios Seket aninit long Spots Ministri bilong sios i bin lukautim Pikinini Pilai (Kids Games) program we i kamap gut.

Kain program i namba wan long PNG na Yunaitet Sios i kisim i go insait long sios program bilong em long traim insait long kantri.

Program i bin bungim moa long 300 pikinini long Elementeri i go long Praimeri skul level long yunait, sea, bungim ol nupela pren na amamas wantaim long ol program ol bin karimaut.

Midia Kodineta bilong dispela program, Iaita Gigimat i tok sapos ol i kodineta gut dispela program em i ken gro na kamap gut insait long Yunaitet Sios long PNG, bihain long Not Pot Mosbi Seket Kaunsel i lukim, glasim na skelim ripot

bilong Pikinini Pilai Plening Komiti.

Mista Gigimat i tok program ya em Intanesenel Spots Kolisen em wanpela volantia ogenaisesen ol mani grup na wan wan

man i bin givim mani long kirapim tupela ten yia i go pinis..

Bihainim tingting na plen bilong Olimpik Gems we ol bin kirapim dispela program, ol i yusim ol pilai

long yunait na kisim Tok bilong Bikpela long ol yangpela.

Mista Gigimat taim em i autim tok amamas bilong sios na program i go long Sosel Dvelopmen Minista

Dame Carol Kidu long kam long opisel opening i bin luksave tu long ol prais Dipatmen bilong em i bin donetim i go long ol wina bilong ol wan wan kategori bilong pilai.



PIKININI PILAI: Ol pikinini bilong Boroko, Gerehu na Gordons Yunaitet sios seket i bin bung long tupela de pilai spot, sosel na spirituel program las wiken. Wantok i bin kisim ol dispela pikinini i amamas danis long opening bilong program.
Foto: VERONICA HATUTASI

Glasmim Tok

Bisop Peter Fox bilong Angliken Sios husat i save raitim Glasmim Tok Kolom i lusim kantri pinis na go bek long asples bilong em long Ingran long wok long hap.

Klostu long tripela yia, em bin givim ol tok stia long sait bilong lotu na stretpela pasin, long komyuniti na dvelopmen bilong em i go long ol Wantok rita.

Nau Bisop Peter i lusim Glasmim Tok kona, tasol em bai no inap pinis.

Pater Lollington Wiam, husat em i Peris Pater na lukaut papa bilong Sen Martins Angliken Sios long Pot Mosbi bai go het long givim stia bilong en i go long ol pipel insait long dispela kolom bilong em. Lukim namba wan Glasmim Tok bilong Pater Lollington insait long *Wantok Niuspepa* neks wik.

- Edita

Bisop singaut long strongim famili

Noreen Dada i raitim

SKULIM gutpela pasin na tingting insait ol famili i wok long go daun na dispela i lukim kain bagarap i kam insait long famili.

Dispela em i tingting bilong Yunaitet Sios Taun Rijen Bisop, Reveren Oika Gabutu long lukluk bilong en long ol kain kain nogut pasin we i kamap long dispela taim.

"Sapos ol papa mama i laik lukim famili bilong ol i stap amamas wantaim nogat bikpela bel hevi, i mas gat ol famili pasin na tingting ol i kamapim long sindaun gut.

Yumi olgeta save olsem namba wan lainim bilong ol pikinini i kam long ol papa mama bilong ol.

Long olgeta taim, yumi mas traim long promotim pasin long autim trupela toktok na mekim na bihainim trupela pasin.

Dispela em i namba wan rot long banisim kantri bilong yumi long bungim bagarap," Reveren Gabutu i tok.

Reveren Gabutu i singaut i go long ol wan wan man na ol famili tu olsem ol i no mas i noken larim ol samting bilong graun i winim tingting bilong ol.

"Sindaun gut wantaim ol pikinini bilong yu na lukluk strong long strongim famili bilong yu bikos em i as bilong gutpela sosaiti."

Luteran Sios bai amamasim 120 yia

Paulus Tali i raitim

BIKPELA selebresen bai kamap long Lae long makim wan handret twenti (120) krismas bilong Luteran Sios insait long PNG.

Planti tausen Evanjelikel Luteran Sios (ELC-PNG) memba bai bung long Sen Ignatius Stadium long Lae long dispela wik Sarere long luksave long wok we sios i wokim long kantri na pipel long 120 krismas i go pinis.

He tok bilong dispela

spesel de em " Sanap Strong long Bilip na Mekim Wok".

Siaman bilong ogenaising komiti Roy Miringke i tok dispela bai spesel de bilong sios we olgeta Luteran Kristen manmeri i mas kamap wantaim long tingim wanem rot yumi kamap long en na sanap nau long en.

Mista Miringke i tok ol Luteran misinari i bin planim gutnius long PNG long namba wan taim long 1886 long ples Simbang insait long Finsafen distrik, Morobe provins na

bihain, sios i bin go aut long olgeta arapela hap bilong nambis na Hailans rijen.

Misinari bilong Jemani i bin kamap namba wan taim wantaim gutnius bilong Luteran Sios i kam long PNG.

Salens i go aut long olgeta Luteran Sios yut long kamap long dispela selebresen bikos ol bai kisim sios i go het moa long ol yia i kam.

Long wankain taim tu, bai sios i gat ol program long dispela de antap long bikpela lotu bai kamap we Het Bisop Reveren Dokta



OL LUTERAN LIDA: ELC-PNG Het Bisop Dokta Wesley Kigasung (raithan) na Goroka Distrik Presiden Pasto Ohuno Mambu i go pas long ol nupela lida bilong Luteran Sios em Asisten Bisop Zau Rapa (sanap long lephan bilong Dokta Kigasung) na Sios Seketeri Isaac Theo long blesim ol. Ol dispela lida nau bai stap long amamasim 120 yia bilong Luteran Sios insait long PNG.

Bishop Kigasung bai go ELC/PNG peris insait long pas long em. Lae siti bai stap insait long

Tupela ten siks (26)

selebresen.

Mama na yut lidasip i sot

Paulus Tali i raitim

SINGAUT i go long ol Luteran Sios mama na yut long wok gut wantaim komyuniti long strongim wok bilong sios.

Kodineta bilong Sios Nius wantaim Evanjelikel Sios long PNG (ELC-PNG), Yabim Distrik, Gelingwang Siling, i bin wokim dispela singaut long mama na yut lidasip kos i bin kamap long Tami Ailan, Finsafen Distrik long wik i go pinis.

Het tok bilong kos em, 'Soim Bilip, Kirapim Sios'.

Kos i bin lukim moa long 250 yut na mama long sindaun long wanpela wik long autim ol tingting, glasim na

skelim ol bikpela samting i sut long spirituel, sosel, helt na ol arapela eria i karamapim ol, komyuniti, sios na kantri.

Ol lain long kos i bin kam long ol ples olsem Malasiga, Karak na Wanam.

Mista Siling i tok em i amamas long lukim ol mama na yut i bel kirap long karimaut wok bilong sios, tasol lidasip i sot long kirapim tingting long wok wantaim ol manmeri long kongrikesen na peris level.


Olsem na em i bin singaut long ol mama na yut long kam wantaim na go daun long level bilong ol Kristen na karimaut na go hetim wok bilong sios.

Kapuchin pater go skul long Amerika

Veronica Hatutasi i raitim

WANPELA Kapusin Pater i go skul long Amerika na dispela i lukim namba wan Katolik pater bilong dispela kongrikesen i go skul long hap.

Pater Nicholas Yambu husat i gat 34 krismas bilong ples Tigiri long Mendi, Sauten Hailans i bin lusim PNG tupela wik i go pinis long stadi long



STADI AMERICA: LONG Pater Nicholas Yambu

Loyola Kolis, Kolombia Yunivesiti long Baltimo, Marylen long Amerika.

Long 2004, em bin skul long tripela mun long dispela kolis.

Long tripela yia skul bilong em long hap, em bai wokim Mastas Digri kos.

Na taim em i kam bek long PNG, em bai wok wantaim ol yangpela pipel i gat hevi long kisim smok nogut, sik AIDS na ol narapela i

we tingting bilong ol i bagarap na i stap long hevi.

Em bai karimaut saikoloji. (Tingting) tes long ol yangpela man i laik go long seminari skul.

Pater Nicholas i bin wok 5-pela yia olsem peris pris long tripela peris insait long Sauten Hailans na long las 6-pela mun, em bin tisa long Sen Fidelis Kolis long Madang.



Save moa long kus nogut

BIHAIN long wanpela strongpela kus sik i bruk insait long Is Sepik na Madang, planti pipel i gat planti askim long dispela sik. Hia nau em tok klia i kam long helt dipatmen.

Wanem dispela nupela sik kus?

Dispela nupela sik bilong kus em i klostu wankain olsem wuping kof (Whooping Cough) bikos ol hanmak bilong em i klostu wankain olsem strongpela kus.

Tasol dispela nupela sik ol i painim i sanapim kantri na i no olsem wuping kof.

Dipatmen bilong Helt i wokim wok glasim long en i stap. Ol spesol testim masin samting i kamap pinis long PNG wantaim helpim bilong Wol Helt Ogenaisesen.

I stap we nau?

IS SEPIK: Olgeta sikspela distrik i ripot olsem sik i stap pinis long hap. Moa long 700 man, meri na pikinini i kisim pinis. Namel long 30 na 40 lain i dai pinis. Provins i sanapim pinis wanpela Provinsel Autbrek Kontrol Tas Fos. Olgeta tim bilong ol sikspela distrik i kisim trening pinis. Ol i go het long givim banis sut na sekim ol sikmanmeri insait long provins.

MADANG: Sik i bruk long hap long mun Me 2006 wantaim wanpela o tupela manmeri i sik. Nau namba bilong ol manmeri i sik i abrusim 300 pinis. Em i wok makim ol pikinini aninit long 10-pela krismas insait long

Midel Ramu na Sumkar. Ol i wok long sanapim na salim ol rispons tim i go aut long ol distrik.

ORO: Sik i bin bruk long Yoma long bodamak bilong Oro na Morobe provins, Saiho Helt Senta eria na Sangara Helt Senta

eria long sentral Oro, long Oro. Kaiva, na Bago Etpos senta. Wanpela tas fos aninit long lukaut bilong provinsel etministreta i wok long go pas long mekim wok lukautim. Wanpela ten tri (13) tim i redi pinis long go aut na givim banis sut.

Dipatmen bilong Helt i wok long salim ol banis sut i go aut long dispela tripela provins.

NESENEL HELT TOK LUKAUT

Bilong olgeta papamama i gat ol liklik pikinini

I gat wanpela autbrek bilong wanpela sik i klostu olsem wuping kof we i kamap insait long Is Sepik, Madang na Oro provins. Dispela sik i save kamapim kus i ron long nus, snising o kus, na ai save ret na i save wara. Bihain pikinini bai stat kus we i ken i stap i go inap sampela wik olgeta. Dispela kus em bai stap oltaim na taim em i pulim win em bai pairap bikpela. Sampela taim pikinini i ken trau bihain long em i kus o i stop long pulim win.

Sapos pikinini i no kisim marasin, em i ken indai.

Dispela sik em i nogut tru!

Olgeta papamama i mas kisim helpim long dokta o haus sik sapos pikinini i kisim

kus i ron long nus, em i kus o i kus mambu i strong tru.

NOKEN ISI ISI

Ol bikpela manmeri i mas kisim marasin tu bai ol i no inap long givim dispela sik long ol pikinini bilong ol. Ol sikmanmeri husat i gat kus i mas stap insait long haus tasol na noken stap klostu long ol arapela wanfamili o komyuniti inap tripela wik olgeta bihain long kus i bruk.

Ol saveman bilong helt i tok olsem ol dokta na nes long ol haus sik na helt senta i mas sekim gut olgeta wan wan sik na indai bilong ol sikmanmeri bai ripot i go long helt dipatmen i noken paul nabaut.

Dispela toksave bai stap inap Helt Dipatmen yet i rausim.

I gat marasin bilong pinisim dispela sik?

I gat ol banis marasin i wok long daunim dispela sik kus. Em i wok strong moa long ol pikinini long rausim sik long ol.

Ol papamama, sapos yu ting ol pikinini bilong yu i sik, orait, yu mas kisim ol kwiktair i go long helt senta o etpos.

Ol provinsel helt etministresen i mas wok wantaim medical bak stua bilong Helt Dipatmen long salim ol banis marasin i go aut kwik.


Dispela sik i ken kalap i go long ol arapela hap insait long kantri?

Dispela sik i wok kamap long wan wan grup, na i no klia yet long rot em i wok long kalap. I gat belwari i stap olsem olgeta hap bilong kantri bai kisim dispela sik.

Sapos ol papamama i ting ol pikinini bilong ol i kisim dispela sik pinis, ol i mas kisim ol i go kwik long haus sik o helt senta. Ol nes na komyuniti helt wokmanmeri i mas ripot kwik i go long het opis bilong ol.

Bai yu banisim famili bilong yu olsem wanem?

Ol papamama i ken mekim planti samting long banisim ol pikinini. Ol dokta na nes i ken givim banis sut kwik long ol pikinini. Ol papamama husat i lukautim ol pikinini i mas kisim ol i go kwik long helt senta o et pos na kisim ol bebi sut.



ELECTORAL COMMISSION
Papua New Guinea

Toksave

ILEKTOREL ROL NA LPV AWENES

Ilektorel Komisin i statim pinis wok awenes long Limitet Preferensel Vot (LPV) na Ilektorel Rol Rejistresen insait long ol dispela provins:

NCD Electoral Rol

Ol manmeri insait long NCD husat i no enrol i ken go long NCD Ilektorel Opis (olpela Yacht Club) long Pot Mosbi na enrol nau. Yu ken ringim Mista Frank Gabi long 685 7089 o Mista Peter Malai Feope long 681 1759 long moa toksave.

Ilektorel Komisin bai i kamapim nupela ilektorel Rol bilong 2007 generel ileksen na bihain taim bikos dispela ilektorel Rol we em i gat long em nau i gat sampela asua na ol i no inap long yusim.

YU NO INAP LONG VOT SAPOS YU NO ENROL!

MISTA ANDREW S. TRAWEN, MBE

Ol tisa mas go bek wok

Veronica Hatutasi
i raitim

SINGAUT i go long ol tisa insait long Nesenel Kapitel Distrik na kantri bilong go bek long wok.

Na straik o stop wok ol tisa i mekim i no bihainim lo.

Edukesen Seketeri Dokta Joseph Pagelio na Siaman bilong Tising Sevisis Komisn Allan Jogioba i wokim dispela singaut bihainim straik o stop wok ol tisa long NCD i statim i statim long dispela wik Mande, bihainim Julai 5 de we ol tisa long kantri i sapos long kisim ol pe senis na ol stretpela mak long pe bilong ol, i abrus.

Tupela bikman i tok ol Edukesen opisa i hatwok nau long karimaut wok bilong sekim na stretim ol rekot bilong olgeta 37,000 na moa tisa long kantri na i moabeta long ol tisa i wanbel na go bek long wok.

Antap long em, Mista Jogioba i tok pasin ol tisa i wokim i bagarapim skul bilong ol sumatin, westim bikipela skul fi ol papamama i peim na tu, westim bikipela mani gavman i peim ol tisa taim ol i no mekim wok.

Mista Jogioba i tok bikipela samting ol tisa i mas klia long

...Ol opisa i wok long sekim ol tisa fail



Foto: Veronica Hatutasi

GO BEK WOK: Seketeri bilong Edukesen Dokta Joseph Pagelio na Siaman bilong Tising Sevises Komisn Allan Jogioba i tok ol tisa i mas go bek wok.

en em Julai 5 i no de we olgeta pe bilong ol tisa we ol i stretim na givim 4 pesen go antap bai go insait long pe bilong ol.

"Ki wod o bikipela samting em tok klia olsem kisim stretpela pe i stat long Pe Piriet Julai 5. Dispela i min olsem samting bai stat long dispela

taim na i go inap ol i stretim olgeta. Mipela i hop dispela wok bai pinis long mun Septemba. Wok i go het gut na ol teknikel opisa bilong mipela i wok de na nait long apdetim o stretim ol fail. Mipela i laik stretim dispela samting, olsem na ol opisa i

wok long glasim wan wan fail long ol 37,000 na moa tisa long kantri. Gavman aninit long Nesenel Eksekyutiv Kaunsel i harim pinis wari bilong ol tisa na givim K20 millien tupela wik i go pinis long stretim ol tisa husat i stap long lis bilong stretim," Mista Jogioba i tok.

Em i tok wok bilong putim pe i go long o potnait pe bilong ol tisa i bin stat pinis long Julai 13 na sampela tisa i lukim senis long pe bilong ol pinis.

"Putim pei i go long ol pei peket bilong ol tisa i stat pinis na stat long Julai 13, sampela tisa bai lukim senis long pei bilong ol," Mista Jogioba i tok.

Samting we ol tisa i wok long singaut long en em long 4 pesen pe i go antap na bekpe stat long yia 2004, peim stretpela pe long sampela tisa we i no wok long kisim pe long mak stret bilong ol na go antap long hausing alawens we long dispela taim, ol tisa i save kisim K7 long wan wan potnait.

Mista Jogioba i tok hausing alawens em i nupela samting na PNG Tisas Asosiesen i mas putim nupela ripot gen long dispela we bai bihainim stretpela rot aninit long lo bilong gavman i lukluk long en.

TOK LUKAUT



wantaim

DAVID EPHRAIM

Ol yut bilong PNG

YES, long dispela wik mi laik toktok liklik tasol long wok bilong yut insait long kantri.

Planti taim yumi harim planti toktok olsem ol yut i gat planti pasin nogut we i save wokim planti hap bilong yumi i kamap ples raskol na kain kain samting olsem. Yumi traim na skelim pastaim ol rot we Gavman wok long wokim long helpim wok bilong ol yut insait long kantri. Yes planti taim gavman i no wokim planti wok long helpim ol yut insait long kantri.

Yumi lukim planti ol yut i nogat wok o nogat skul. Insait long dispela gavman i wok long harim toktok bilong ol UN o kain kain ol intenesenel human raitis NGO olsem rait bilong ol meri em bikipela samting.


Dispela i wokim planti ol yangpela manki i nogat planti moa sans tude long wok na skul bikos planti taim yumi i no luksave gut long gender equality o wankain level na sans bilong ol man na meri.

Mi laik tok tenkyu tu long gavman na minista bilong Komyuniti Dvelopmen, Dame Carol Kidu, long luksave long yut na wok strong wantaim ol depatmen bilong em long traim long wokim o glasim gen yut polisi.

Bikipela samting stret i kamap we bai lukim olsem long 40 yut delegate bai stap insait long namba wan yut festival insait long Tahiti long dispela mum.

Dispela em soim wok strong bilong gavman long luksave long yut insait long kantri.

Mi yet bai stap insait long dispela taim na bai mi toktok long Korapsen insait long pablik sekta.



ELECTORAL COMMISSION
Papua New Guinea

Toksave

ILEKTOREL ROL NA LPV AWENES

Ilektorel Komisn i statim pinis wok awenes long Limitet Preferensel Vot (LPV) na Ilektorel Rol Rejistresen insait long ol dispela provins:

Wes Nu Briten na Morobe

Dispela awenes bai i stat long Jun 5 i go inap long Julai 30 long dispela yia 2006. Ol opisa bilong Provinsel na Lokel Level Administresen bai i helpim ol lain wokman bilong Ilektorel Komisn long karimaut dispela wok awenes.

Grismani pulap long NCD bai ileksen

Dia Edita

MI WANPELA man i stap long Hohola long Mosbi na mi laikim bai ol arapela manmeri bilong PNG long lukim na skelim.

I gat nupela rot long vot ol i kolim 'LPV'. Planti taim mi bin lukim olsem planti man wok long givim mani long ol manmeri na tokim ol long votim Janet Sape o Wari Vele. Ol i gat planti mani stret long go long ol strit na givim nating mani olsem mani i kamap long

diwai o em i sampela kain pepa nating. Mi no save we dispela mani wok long kam tasol mi gat bikpela wari sapos yu no winim wanpela sit. Bai yu olsem wanem? Tingim dispela tu. Mi wanpela konsen man na mi sori stret long yupela ol kandidate husait i wok long resis long dispela bai ileksen na nesanel ileksen.

Planti mani bilong yu i wok long lus nating bilong wanem yu laik bai ol manmeri i votim yu long kamap lida.

I luk olsem em bai gat nupela sistem we ol kandidate mas gat mani long givim long winim planti vot. Bai yumi kolim dispela nupela sistem wanem? Ol kandidate wok long resis gut tru long hariap long givim mani long ol pipel long winim tingting bilong ol.

Mi stap long Hohola na Wari Vele i bin givim mani long ol man long votim em, tasol wanpela man i kam na em i givim mani tu na em i tok long votim Janet Sape. Aio plis, em wanem nau ya. Ating ol

lektorel Komisen lain mas senisim LPV sistem long Mani sistem o narapela nem long wanem ol kandidate i wok long mekim long nau.

Trupela lida em ol man husat i save wok stret wantaim ol pipel na i no long giamanin ol long givim mani na winim vot. Save bilong dispela stap we?

**PITE KAU
NCD
POT MOSBI SITI**

Olsem wanem long PNG Haus sik?

Dia Edita

MI LAIK toktok long olsem wanem na ol bikman bilong mipela i wok long lukim PNG olsem wanpela namba tu ples.

Mi sori tru long lukim Praim Minista i go mekim medikel sek ap long Cairns.

I luk olsem ol haus sik bilong mipela PNG i nogut o? Olsem wanem long Pot Mosbi Jeneral Haus sik? Plis Praim Minista, sapos ol hausik bilong mipela i no gutpela plis stretim pastaim na yu wantaim ol memba i ken go sek ap long narapela kantri.

I tru yu bikman bilong kantri tasol i moa gutpela long helpim na stretim ol hausik we ol kain tarangu olsem mipela we i no inap go ovasis ken yusim ol samting o go kisim helpim.

**ENGIE INAUNGI
MADANG**

Daunstrim prosesing i mas kamap

Dia Edita

DAUNSTRIM prosesing o yusim ol risos olsem timba, kakau, welpam, kopi, ges na moa long wokim ol samting olsem ol tebol, sia, soklet samting em wanpela rot tasol long PNG i go fowet.

Daunstrim Prosesing i level wantaim rot we ikonomi bilong PNG i ken go gut.

Long putim i kam daun stret, em i min olsem planti mani na planti wok bilong ol pipel bilong PNG.

Yumi noken hariap long pulapim bel bilong ol planti ausait lain husat i kam aninit long lukaut bilong ol narapela we planti nogat samting o rot bilong helpim ol yet.

Mipela laikim mani long salim ol prodak bilong yumi na kisim i go antap. Olsem wanem long Saina na Siapan?

Mi laik sapatim Tim Neville, Hami Yawari na ol arapela husat i singaut long sampela moa toktok long dispela isu.

Plis ol mangi, PNG mas kam nambawan long nau na yu mas sanap long rait hap bilong yu.

Mipela i gat inap 10 pesen ol sels man. Mipela nau nidim lidasip na gutpela lida we bai lukautim ol samting bilong dispela kantri na pipel.

Yu dai bai yu go long Australia, Saina, Malesia na Siapan o bai ol planim yupela long PNG?

PNG i nidim lidasip bilong yu nau noken putim mipela i go daun.

**OKUK MORI ROGERSON
POT MOSBI SITI**



LPV i no wok

Dia Edita

HET tok bilong dispela Limitet Preferensel Vot o LPV sistem olsem 'em i isi' tru i lus nating taim ol pipel i wok long bihainim yet vot sistem bilong bipo.

Wanem samting i kamap long wok awenes bilong votim 1, 2, na 3 we i kamap long ol Telikom telepon kat, ol redio stesen, EMTV na ol bikpela piksa posta?

Planti vota insait long NCD bai ileksen i makim 'X' insait long ol bokis long ol balot pepa taim ol i mas raitim 1, 2, na 3 insait long bokis long sait bilong nem bilong kandidate ol i laikim.

Traim na tingim. Dispela i kamap insait long NCD, we bikpela namba bilong ol pipel i gat TV, redio na ol i save baim ol telepon kat olgeta de. I ken i gat ol manmeri i no wanbel long toktok bilong mi, tasol mi ting bai ileksen bilong Koroba-

Lek Kopiago bai ileksen bai gat planti handret infomol vot na ol kot bai no inap isi agensim Iektorel Komisen na ol gavman bilong ol dispela kain hevi. Dispela kain samting i mas ron bihainim wanpela bikpela wok awenes long LPV sistem.

Planti i ting olsem yumi gat inap save pinis long lainim dispela nupela vot sistem isi tru. Tasol yu lukim wanem samting i kamap insait long NCD?

Mipela i gat planti kain kain pisin, hauslain na tokples na luksave bilong mipela long ol samting i kamap long redio TV na niuspepa em i narakain tru long ol pipel we nambawan tok ples bilong ol em tok pisin, tok inglis o motu na ol i laikim mipela olgeta long lainim save ol dispela senis.

Iektorel Komisen na Midia Yunit bilong em i mas givim ol stretpela toksave na senis long vot sistem na givim mani

long ol non gavman ogenaisesen, ol Komyuniti Bes Ogenaisesen, o ol bikpela yut grup i gat nem long karimaut dispela awenes program.

Ol dispela grup i save toktok long tokples we ol as ples pipel i save toktok, i save long en na i ken lainim insait long ol komyuniti bilong ol. Ol i ken makim wanem kain midia em i strongpela rot bilong go insait long ol komyuniti na karim tok-save i go long ol.

Mi singaut long Iektorel Komisen long askim laik long ol grup o wan wan manmeri long karimaut komyuniti autris program long LPV sistem i go long ol komyuniti bilong yumi bihain long dispela tupela bai ileksen bikos bai gat bikpela hevi moa bai kamap insait long kantri long 2007 Nesanel ileksen.

**MANUDA'APIE
KONEDOBU, NCD**

I nogat ol paul meri long Kimbe Taun

Dia Edita

WATPO na Kimbe taun nogat ol paul meri? Mi save raun long Kimbe taun na mi no save lukim wanpela paul meri.

Na mi save harim olsem long ol arapela provins i gat planti ol paul meri. Long wanem na i gat ol paul meri long ol arapela provins na i no long Kimbe?

Em bikos ol meri long hia em ol bisnis meri na het bilong ol tu i strongpela stret. Mi laik tok olsem kain ol meri em ol rait meri na mi amamas long ol meri Kimbe.

Ol arapela meri long ol narapela provins mas lukluk na lainim long ol meri Kimbe.

**TONY ALPET
KIMBE
WES NU BRITEN PROVINS**

Ol MP mas wok olsem Minista bilong Woks

Dia Edita

MI NO wanpela famili man bilong minista bilong Woks. Tasol long planti taim i go pinis mi bin ritim long niuspepa long wanem samting em i save mekim long ilektoret bilong em.

Ol pipel bilong ilektoret bilong em i safa longpela taim i kam inap nau. Na long 2002 Nesanel ileksen ol i makim rait man, Hon. Gabriel Kapris. Em i wanpela yangpela lida na tu em i wanpela ensinina.

Long dispela as, ilektoret bilong em i kamap hariap stret long liklik taim tasol long 2-pela yia. Olsem na mi laikim bai ol narapela lida long bihainim pasin bilong em.

Ol manmeri bilong yumi i hangere longpela taim i go pinis na ol i makim yu long kamap memba bilong palamen long halivim ol long ol bel hevi bilong ol i no bilong putim long poket bilong yu.

**M. OSBORN
PNG**



Yu laik autim tingting bilong yu - Salim wanpela pas i kam long Edita long: Ol Pas i go long Edita P. O. Box 1982 BOROKE NCD

Sapos yu save long email, yu ken salim pas bilong yu i kam long: editorial@wantok.com.pg Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa. Wantok i gat rait long katim o stretim ol pas bai em i bihainim olgeta lo bilong niuspepa.



WANTOK
KOMENTRI

Taim bilong belwari

TRU TUMAS, yumi stap long taim bilong bikpela belwari tru nau. Yumi bin stat wantaim ron bilong namba wan bai ileksen insait long Nesenel Kapitell Distrik (NCD) yet.

Planti manmeri husat i bin laik vot i bin abrus taim ol i painimaut olsem nem bilong ol i no stap long komon rol. Maski ol i bin go givim nem long Iktorel Komisin. Namba tu bai ileksen antap long Koroba Lek Kopiago tu i go het long dispela wik. Em tu i gat ol ripot i kam daun long Mosbi olsem i gat sampela kain wok paulim i kamap long hap.

Na i kamap ples klia tu olsem sampela kendidet i resis insait long dispela tupela bai ileksen i no bihainim stret lo taim ol sapota bilong ol i wok long raun i go long ol haus bilong ol manmeri insait long Mosbi siti na givim ol gris mani bai ol i votim ol kendidet bilong ol.

Dispela pasin em ol i mekim ples klia, tasol Iktorel Komisin tu i wok olsem ol i no inap go sasim nating kendidet na em i stap long han bilong ol manmeri yet husat i kisim dispela ol gris mani long go long polis na givim ripot wantaim evidens. Em nau polis i ken kisim na sasim ol lain i mekim dispela paul pasin korapsen.

Long dispela as, yumi ol gutpela manmeri i belwari olsem neks yia ileksen bai bungim ol wankain hevi. Na sapos i nogat inap wok stretim bilong daunim ol dispela hevi i stap nau, em bai olsem wanem long ileksen 2007?

Long sait bilong politiks tu, sotpela rot i go painim ileksen neks yia i wok long kirapim liklik das insait long gavman. Bipo fainens ministra Bart Philemon i autim olgeta hait samting na pasin i save kamap insait long gavman. Dispela kros pait namel long em na Praim Minista Sir Michael Somare i gat inap strong long senisim wokabaut bilong gavman i go insait long ileksen 2007.

Mista Philemon i makim gut tru taim bilong em long autim ol bel hevi bilong em. Insait long ol bel kros bilong em, em i autim sampela kain pasin we planti manmeri i no inap bilip olsem papa bilong kantri i wok long mekim. Tasol em ol tingting bilong Mista Philemon. Sir Michael i no opim maus yet long bekim ol dispela toktok bilong em.

Tasol sapos yu glasim gut ol dispela samting, bai yu lukim olsem Philemon i wok long stretim rot bilong em long ileksen neks yia.

Long sait bilong gavman, ol nupela senis ol i mekim insait long ol ministri em planti i lukim olsem ol i redim ol yet long ileksen nau.

Dispela taim long nau i go inap long stat bilong ileksen 2007 bai lukim planti kros pait namel long ol politikel pati, insait long ol han opis bilong gavman na planti kain sut toktok i kamap.

Tasol yumi no save nau. Ol hevi bilong dispela yia bai stretim bipo long yumi painim 2007 o nogat?

Olsem na yumi olgeta i sindaun lukluk wantaim bikpela belwari long bihain taim bilong mama PNG.

Nogut 2007 ileksen bai bagarap

BIKPELA Nesenel Ileksen long 2007 bai kamap olsem na nau em taim bilong stretim planti samting i stap gut bikos yumi lukim na harim olsem planti pipel i nogat nem long Komon Rol Buk bilong bai ileksen long NCD long wik i go pinis.

Bikpela samting em ol lain bilong karimaut ileksen. Ol i mas stretim gut ol nem bilong ol manmeri long dispela buk nau long karimaut dispela nupela vot sistem bilong preferensel vot sistem.

Planti pipel i tok ol i gat nem long 2002 jenerel ileksen na ol bin vot tasol olsem wanem na ol i nogat nem nau long dispela bai ileksen.

Sapos Iktorel Komisin i stretim ol nem gen long bihainim nupela pasin o sistem bilong vot, orait em i mas mekim ol dispela samting nau. Nogut bai planti tausent manmeri insait long PNG i bin vot long 2002 bai i nogat nem long 2007.



Ol wokmanmeri bilong Iktorel Komisin i mas stretim rot nau bikos ol i namba wan lain bilong mekim ileksen i kamap gut. Sapos ol i no mekim gut wok bilong ol bai ileksen i bagarap. Na dispela inap kamapim planti hevi na trabel long ol Iktorel na gavman bai inap tromoi bikpela mani tru long karimaut ileksen gen o go long kot long stretim ol hevi i kamap.

Olsem na bikpela samting em opis bilong Iktorel Komisin i mas glasim gen Komon Rol Buk pastaim long em i go insait long 2007.

Long 2002 nesenel ileksen long kantri planti Iktorel i bin bungim planti hevi. Taim ol dispela hevi i kamap, ol kendidet o

lain i lus long ileksen i go long kot. I gat luksave olsem sampela bilong ol hevi i kamap long ileksen em asua bilong ol wokmanmeri bilong karimaut ileksen yet. Ol Iktorel Opisa na Ritening Opisa i mekim sampela asua tu we ol inap long stretim pastaim long go het na tokaut o diklerim nem bilong wina.

Kain olsem sampela balot bokis i gat nem bilong wanpela kendidet tasol insait. Sampela balot bokis em ol asples lain yet i karim i kam na nogat gavman opisa o polisman i kam wantaim. Sampela balot bokis i nogat na ol i pulapim balot pepa long katen bokis o patrol bokis na karim kam long tali rum. Em planti kainkain komplek na kros we i bin kamap long 2002 nesenel ileksen na bipo tu.

Dispela i mekim planti kainkain kot bilong Disput ov Ritens i kamap long planti Iktorel we i pulim kot i go longpela taim tru na ol memba i no sin-

daun gut na mekim wok bilong ol bikos ol i raun raun i go kam long kot.

Nupela ileksen sistem bilong Priferensel Voting Sistem bai kamap insait long kantri olgeta. Olsem na mekim samting stretim bai yumi ken lukim dispela nupela stail o pasin bilong vot i ken kamap gut long kantri na i ken wok gut tu long planti ileksen i kam bihain.

Ileksen em bikpela samting long kantri bikos em taim bilong yumi makim ol lida na mausman bilong yumi i go long palamen long mekim ol bikpela disisen na lo bilong lukautim laip na sindaun bilong yumi na kisim dispela kantri i go fowet long gutpela rot. Kantri i bungim planti hevi long korapsen o stil pasin long mani na ol samting bilong pipel na olsem palamen tasol inap long stretim dispela wantaim ol strongpela na gutpela lo. Olsem na trupela lida em pipel mas makim long kamapim dispela samting.

Long strong bilong spirit bilong God bai yu sanap long wok

DISPELA komentri i toktok long wok bilong lida long olgeta hap we pipel i stap long en, i gat nid long lidasip.

Lidasip bilong sios, komyuniti na long kantri, gutpela lidasip bai planti gutpela samting bai kamap. Taim pipel i gat gutpela lida bai ol i stap gut wantaim bel isi na amamas.

Long dispela komentri i gat tok long eria olsem lida em i wanem kain man na meri, ol sampela prinsipel we i ken helpim yumi long stap gutpela lida. Na tu lidasip em God yet save makim na yumi laik kamap gutpela lida yumi mas bilip long em na bihainim tok bilong em. Em yet bai givim yumi save, tingting na stia long kamap gutpela lida.

Gutpela lida we i bihainim tok na pasin bilong God yet bai inap long brukim ol bagarap o kes we pasin bilong lotu long ol spirit nogut na devil i bringim i kam.

Sampela lida taim ol i laik kamap lida ol i save yusim ol pawa bilong graun na Satan long helpim ol long winim



lidasip posisen.

Dispela save opim dua long Satan long kam insait long komyuniti, provins na kantri o insait long sios tu long stopim ol gutpela developmen na wok i go het bilong ol pipel.

Blesing i save kam long God tasol.

Dispela komentri i ken helpim yu.

Lida i mas i gat strong. Taim mi toktok long strong, mi no minim long strongpela het, strongpela maus, strong pasin, o strongpela kain rot bilong antap na narapela na daunim arapela i go daun. Nogat! Mi no tok long dispela kain strongpela rot na pasin.

Mi toktok long kain strong we yumi gat insait.

Dispela kain strong long spirit na bel bilong yumi long bosim

gut laik na tingting bilong yumi yet. Long Inglis yumi kolim Inner Strength o strong bilong bel. Dispela kain strong insait long man bai helpim lida long sanap strong long taim bilong traun na hevi. Dispela kain strong bai kisim yu go longpela rot na bai yu i go moa yet. Taim yu i gat dispela kain strong bai pasin bilong pret na surik bek, guria long ai bilong manmeri i no stap wantaim yu.

Insait long tingting yu winim ol tingting nogut, bai yu winim dispela kain pasin long i noken daunim yu long ausait. Yu win long insait, bai yu win long ausait. Sapos yu lus na pundaun long insait, bai yu lus na pundaun tu long ausait long ai bilong ol manmeri tu. Sapos yu win long ples hait, bai yu win tu long ples klia.

Olsem piksa mi ken tok olsem. Taim yu gat dispela kain strong i stap long yu na yu daunim ol laik nogut long insait bai yu win long ausait laip na wokabout bilong yu.

Long wanem, eksen i kam bihain, laik i stap bipo yet.

Manmeri i gat dispela kain

strong bai ol i win insait long laip na sindaun bilong ol. Long marit laip, wok bisnis, sios na komyuniti laip. Na long wok na sindaun bilong ol wantaim arapela manmeri long laip we ol i stap. Dispela kain strong em i strong we yu i gat insait long yu na i mekim yu sanap strong na bosim gut tingting na bel bilong yu long tingting gut na toktok stret. Olsem sampela taim yes, bai belhat na wari na kraik laik winim yu, tasol yu sanap strong na kontrolim yu yet.

Brata na susa long taim bilong hevi yu bai i no inap givap na ronawe long hevi, o wanem kain toktok. Taim yu gat dispela strong insait long yu bai dispela strong yet i mekim yu winim olgeta kain kain hevi na taim nogut na bai yu go moa yet long wok bilong yu. God bikpela em laik toktok long yu.

"Yu no inap mekim wok long strong bilong ami o long strong bilong yu yet. Nogat. Strong bilong spirit bilong mi bai stap wantaim yu, na long dispela strong tasol bai yu mekim wok." - Sekaraia 4:6

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

| | |
|-----------------------|------------|
| Ples: | Air: |
| PNG | K220.00 |
| AUSTRALIA | US\$110.00 |
| ASIA PACIFIC na JAPAN | US\$150.00 |
| AMERICA na EUROPE | US\$210.00 |

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS
 from Radio Australia
 radioaustralia.net.au

Harim TOK PISIN long
 Radio Australia
101.9FM
 Port Moresby

Tok Pisin Service
 6am - 7am 6080; 7240(KHZ)
 7pm - 9pm 5995; 6020; 9710; 1280(KHZ)

Jose Ramos Horta kisim gutpela sapot

DIFENS Fos bilong Australia i tok pipel long ol strit bilong kapital Dili i amamas na sapatim Jose Ramos Horta bihain long ol i makim em olsem nupela praim minista bilong Is Timor (East Timor).

Meja James Baker i bin tok dispela i no kamapim senis long wok bilong lukautim wok sekuriti em ol soldia bilong Australia i go pas long en.

Meja Baker i tok, bikpela samting em long lukim Is Timor i go fowet na pipel i amamas.

Namba wan bikpela samting em ol Timoris pipel i mas pilim olsem ol i muv i go het na ol i amamas. Mipela yet i amamas, maski husat man ol i makim, em bai no inap senisim wok bilong mipela. Sapos olgeta wok bilong ol i kamap long gutpela ples. Mipela i amamas olsem dispela i kamap nau."



NUPELA PRAIM MINISTA: Foren Minista bilong Is Timor, Jose Ramos-Horta i tromoi han long ol niusman bihain long em i bin bung wantaim Presiden Xanana Gusmao long Dili long Is Timor. Presiden Gusmao i bin makim Mista Ramos-Horta long sarere yet taim em i tokaut long kamapim nupela gavman bihain long bikpela kros pait i bin holim Is Timor long ol mun i go pinis. (AP Poto/Jordao Henrique)

Ol bipo rebel bilong Aceh i no amamas long peace bil

LONG Indonesia, ol bipo sepratis paitman husat i save laikim Atse (Aceh) provins long bruk lusim Indonesia i tok ol i no amamas long pepa ol i raitim pinis em bai kamap pis agrimen narhel long Aceh na Indonesia gavman.

Dispela pepa o bil bai kamap lo bihain. Ol i ting Indonesia palamen bai oraitim dispela lo, em aninit long en Indonesia gavman bai givim Aceh provins planti kain otonomi pawa.

Wanpela man bilong wokim lo, Prio Budi Santoso i tok Indonesia gavman bai holim wanpela miting long tok oraitim dispela bil

long dispela wik.

Wanpela mausman bilong ol rebel paitman bilong Fri Aceh Muvmen, Irwandi Yusuf i tok sampela hap long dispela drap lo i go agensim ol samting ol i bin wanbel na sainim long muh Ogas long yia i go pinis, bihain long 2004 sunami.

Em i tok atoriti bilong sentral gavman i bikpela tumas na Aceh i mas narakain long ol arapela rijen bilong kantri.

Mista Yusuf i tok, ol tingting tu i karamapim wok bilong militari long dispela bil, i no klia gut.

Meri i kilim Prins na Prinses bilong Tonga i kot long US

WANPELA yangpela meri ol i bin sasim long kilim tupela memba bilong Tonga royal famili na draiva bilong ol bihain long bamim kar bilong ol i tok em i no asua.

Mercury News i ripot olsem yangpela meri ya, Edith Delgado, krismas bilong em 18, i bin sanap long San Mateo County Superior Kot long San Fransisco, bihain long ol i sasim em long kilim dai man na long spit long kar na kamapim dispela birua long Trinde i go pinis.

Ol i sasim Mis Delgado, husat i bin kisim tasol laisens bilong em long mun

Februari, long kilim indai Prins Tu'ipelehake, Prinses Kaimana na meri draiva bilong tupela husat i bin dai bihain long kar bilong ol i bin rol long wanpela haiwe long saut bilong San Fransisco.

Mis Delgado em yet i no bin kisim bagarap.

Polis i tok, Mis Delgado i bin wok spit tru long samting olsem 160 kilomita long wan awa taim em i wok long resis wantaim narapela kar, na bihain em i bamim kar i karim prins na prinses bilong Tonga na mekim em i krosim sampela len pastaim long kar i kapsait na silip long rup bilong en.

Difens loya bilong em i tok, Mis Delgado i wanpela gutpela sumatin husat i save hatwok long skul na wok bilong em olsem wanpela beng tela na husat i no min long kamapim birua.

Sapos ol i painim em gilti long manslota bihainim dai bilong dispela tripela, Mis Delgado i ken go kalabus inap long 8-pela yia.

Prins na Prinses bilong Tonga i bin go long Amerika long toktok long politikel rifom bilong Tonga, na Prins i bin hetman bilong nesene komiti em i wok long glasim long kamapim demokratik rifom bilong Tonga kingdom.

Is Timor gavman bai kisim yet ol paitgan bilong ol rebel

PRAIM Minista bilong Is Timor i bin tok gavman bilong em bai go het long kisim ol paitgan i kam long ol rebel grup.

Em i tok dispela em i hap tingting long stre-tim lo na oda long kantri.

Dokta Jose Ramos Horta i bin kisim mak long holim wok bilong Praim Minista insait long wanpela seremoni long Dili dispela wik.

Em i kisim ples bilong Mari Alkatiri husat i

bin bungim ol toktok olsem em i bin go pas long ol tingting bilong ol pait na trabel em i bin bagarapim tru kantri.

Dokta Ramos Horta i bin tok bikpela wok bilong em nau em long strongim wok sekuriti.

Em i tokim ol nius lain long Dili olsem ol gutpela wok i wok long i go het nau wantaim halivim bilong ol soldia bilong narapela kantri.

Tonga gavman bai go het long salim ol bisnis bilong em

TONGA i go het nau long dispela tingting o program bilong em long salim ol bisnis han bilong gavman.

40 pesen bilong gavman sea em i gat long Westpac Beng, telepon kampani, pos opis, Tonga Chronicle nius-

pepa em olgeta bilong ol i luk redi long larim ol praivet kampani i baim ol.

Dispela tingting i bin kamap stret long taim klostu planti tausen ol pablik sevan i tingting long kisim 'volantari ridandensi'.

Sekreteri bilong Fainens bilong Tonga, Aiseke Eke, i bin tok gavman i gat laik long lukim ol pipel bilong Tonga em ol i gat mani na save long wok long i mas inves long ol dispela kampani bilong gavman.

Solomon Praim Minista tok lukaut kantri bai bagarap

SOLOMON Ailans Praim Minista, Manasseh Sogovare i bin givim tok lukaut olsem sapos ol i no kamap wantaim sampela bikpela senis, kantri bai bihainim rot bilong 'poveti' na bagarap.

Em i tok Solomon Ailans i no bin kamapim planti gutpela samting insait long dispela 28 yia i go pinis, i tru em i bin putim planti mani na wok long en.

Praim Minista i bin tok bihain long 29 nesene baset na planti ol developmen program i nogat planti samting ol bai amamas long en long saut bilong wanem ol gutpela

samting dispela program i kamapim long sindaun bilong ol pipel.

Solomon Star Niuspepa i bin ripot Praim Minista Sogovare i bilip kantri i wok long pas i stap na i no bin muv, na ol i mas glasim gut nau ol developmen polisi bilong en bilong i go wantaim ol senis i wok long kamap nau.

Em i tok dispela pasin bilong Solomon Ailans i save lukluk tumas long 'ovasis helpim' i wok long i go bikpela na dispela i mekim ol ausait kantri o ejensi i kontrolim ol samting.

Pacific BEAT Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Canossa Laip skul singautim ol yangpela meri

Veronica Hatutasi i raitim

17, 2006.

na givim laip skil trening na promotim ol meri.

long 8-pela wik em long Keitaring o trenim ol sumatin long redim na kukim kaikai, na somap.

long 6-pela mun.

Sister Hermie i tok CSL i givim trening long ol yangpela meri long save long wok we bai helpim ol long laip olsem kuk, somap na ol narapela save bai ol i ken kisim mani long en long lukautim famili bilong ol.

Sapos yu laik painimaut moa long dispela skul, yu ken ringim Menesa bilong skul long dispela telepon namba, 3281504 o 3281557. Email: csl@datec.net.pg Atrres: Canossa School of Life, P O Box 5989, Boroko, NCD, PNG.

CANOSSA Skul bilong Laip (CSL) i askim nau ol yangpela meri husat i nogat sans long skul i go abrusim Gret 6 na antap long lukluk long dispela skul olsem gutpela sans bilong ol.

Trening long ol laip skil o save we i ken strongim sindaun em ol vokesenel skul samting we CSL i save givim i go inap 6-pela mun. Na namba tu hap long dispela trening bai stat neks wik Mande, Julai

Skul i stap klostu long Bomana Katolik Seminari na Woa Matmat long Bomana Sogeri rot.

Sister Hermie, em Supiria bilong CSL i tok leit Asbisop bilong Pot Mosbi Katolik Daiosis, Sir Peter Kurongku i bin singautim ol Canossian Daughters of Charity Oda, wokman bilong ol Turangu long 1992 na ol bin kam na wok long ol evanjelaisesen progrem, givim pastoral lukaut long ol siklain na turangu long Sen Therese's Klinik Hohola, ol setlemen lain

Long yia 1999, ol bin kirapim CSL, em wanpela non fomol skul bilong ol yangpela meri bilong kisim trening long helpim ol yet na antap tu long en, givim skul long gutpela pasin.

Ol spesel trening ol yangpela meri i ken wokim em long: Besik Kos long 10-pela wik we ol i lainim Gutpela Pasin, Lidašip, Laipskil, Rilijes Instraksen na Spiritual Developmen, Stap insait long Famili na Komyuniti na Besik Kuk na Somap.

Ol Spesel kos i ron

Ol sumatin i save go wokim prektikol wok trening wantaim ol kampani insait long Mosbi siti na planti em ol kampani i save kisim ol long wok taim ol i pinisim skul, Sister Hermie i tok. Em i tok long aplai i go long CSL, yu mas singel meri husat i pinisim Gret 6-10, gat save, kisim ripot bilong rilijes na komyuniti lida i glasim pasin na mani sindaun bilong em.

Bai i gat skul fi long peim boding fi long skul

Lo bilong Lukautim ol Meri



Skrum tok long lo i tambtim pasin bilong paitim meri

SAPOS man bilong yu i pretim yu long toktok o soim pasin olsem em bai paitim yu, yu ken kotim em long Distrik Kot.

Kot yet bai makim taim we man i no mas mekim dispela pasin, olsem wanpela o tupela yia.

Ol i kolim dispela "Gut Bihevia Bon."

Man i mas givim promis mani ol i kolim "kas sureti" long kot, inap long K50, K100 o moa.

Moa long neks wik...

Sotpela tok lukaut Skrum tok long Sik Kensa

OL samting we i save kamapim kensa bilong susu i no klia tasol i luk olsem sampela meri i gat bikpela moa sans long kisim kensa bilong susu long ol arapela.

Sampela bilong dispela ol meri i ol husat i gat famili histri long kensa bilong susu we mama o susa bilong ol i save bungim bagarap.

Tu sampela ol meri husat i nogat pikinini o husat i karim bhain taim i ken gat sans long kisim kensa bilong susu.

I gat sampela evidens we i soim olsem ol meri husat i save kaikai kaikai wantaim bikpela gris bilong animel i gat bikpela sans long kisim kensa bilong susu.

Moa long neks wik...

Raun Lukim ol Meri na pikinini

PNG RED KROS BOS: Bosmeri bilong PNG Red Kros, Jacqueline Boga, i tok-tok wantaim ol niuslain long wok bilong Red Kros.



SOIM SAPOT: Ol dispela wokmeri bilong PNG Pawa i sapotim wok bilong ol PNG meri dokta long fan resing wok bilong kisim nupela kensa masin bilong PNG bai glasim susu na bilum bilong meri kensa na ol arapela moa.



PULAP: Haus lotu i pulap na ol dispela yangpela meri na mama i sanap ausait long dua bilong sios long wanpela lotu sevis.



NAISWAN: Liklik meri Morobe i putim naispela tumbuna bilas long bilum, ol nekles na bilas bilong het ol i wokim long feda bilong pisin.



BISI LUKLUK: Ol dispela pikinini meri na ol mama i lukluk i stap long wanpela bung.

Ol Meri Goroka kirapim kensa grup

James Kila i raitim

ISTEN Hailans Kensa Grup i wanpela nupela grup we i kamap long tingting bilong ol meri bilong Goroka taun.

Grup i statim fan resing bilong ol long helpim ol susa bilong ol insait long Mosbi na Lae long baim wanpela kensa masin bilong kantri.

Bipo masin bilong glasim sik kensa i stap long Lae i bin bagarap long yia 2000.

Siamen bilong Isten Hailans Kensa Grup, Aloto Goso i tokaut olsem bikpela as tingting bilong grup em long helpim ol mama na yangpela meri long daunim ron bilong sik kensa.

Misis-Goso i tok nau yet planti meri i dai long kensa bilong susu, kensa bilong seviks (rot bebi save bhainim taim mama i laik karim) na kensa bilong bilum we bebi i save slip insait long bel.

"Mi yet i lukim na gat eksperiens taim mi lusim ol susa na kandre meri bilong mi husat i

stap wantaim dispela sik sua long bodi bilong ol na ol i dai. Dispela sik i nogat marasin long pinisim olgeta na em i wan kain olsem sik HIV na AIDS na kilim trangu planti, mama na yangpela meri," em i tok.

Misis Goso i mekim bikpela singaut i go long olgeta manmeri, ol bisnis haus na ol lida insait long Isten Hailans long sapotim dispela bikpela wok long fanresing.

"Mipela i askim ol man bilong mipela long givim sapot bikos ol mama i karim yupela ol man na yupela i kamap bikman, politisen na bisnis man," Misis Goso i tok.

Isten Hailans Kensa i kamapim pinis wanpela fanresing na aweanes long Pis Pak long Goroka taun yet.

Grup bai kamapim wanpela bikpela meraton wokabaut long Kassam Pas i go Goroka na long Daulo Pas i go bek long Goroka.

Wokabaut bai bungim sampela bikman i stap wantaim long bungim sampela mani.



Banana.....

Tok i go pas


BANANA i stap pinis long planti hap bilong Papua Niugini. Long ples drai olsem Markham na Kep Vogel na long nambis bilong Papua, banana em i namba wan kaikai bilong ol. Long planti arapela hap bilong Papua Niugini ol i gat banana tu. Long Hailans tasol long ples i antap tru na i kol tumas, banana i no save kamap gut. Long hap bilong Rabaul, graun bilong wokim gaden i sot, olsem na banana i save helpim ol gut tru.

Long banana i gat planti samting bilong givim strong nating long bodi (ol saveman i save kolim stas). Banana i no gat planti samting bilong helpim bodi i kamap bikpela (olsem protin) na i gat liklik tasol bilong was long sik (olsem vaiitamin na mineral).

Tok bilong tupela kain banana


Bipo, ol Papua Niugini i gat kain banana olsem namba wan piksa i soim.

Rop i kamap longpela, tasol i nogat planti kaikai bilong en, wanpela o tupela han tasol. Na as bilong en i no save stap longpela taim. I no save winim tupela yia.



Banana bilong ol tumbuna. Em i swit. Tasol em i no inap karim planti kaikai. Na as bilong en i no save stap gut plan-ti krismas.

Bihain ol man bilong arapela kantri i bin kisim narapela kain banana i kam olsem namba tu piksa i soim.



Ol dispela kain banana i kam long arapela kantri. Ol i karim planti kaikai, na as i save stap gut plani krismas.

Ol dispela kain banana i save karim longpela rop wantaim planti han. As bilong ol i save stap planti yia. Yu mas kisim ol dispela kain banana tasol, na bai i gat planti kaikai long gaden bilong yu.



Tok bilong planim

Kisim gutpela stik tasol. Lukim stik banana, namel bilong en i longpela na as i patpela, tasol lip i no bikpela tumas, dispela kain i gutpela.

Gutpela stik banana i gat patpela as na liklik lip tasol. Sapos as i liklik na lip i bikpela, bai emi no karim hariap na i no karim planti.

Piksa i soim, em tasol i nambawan stik banana bilong planim.

Sapos namel bilong stik banana i liklik na as i no pat, na lip i bikpela, dispela kain em i nogut. Bai i no kamap hariap, na bai i no karim planti.

Banana i no save kamap hariap. Olsem na yu mas planim arapela samting namel long ol nupela stik banana. Nogut graun i stap nating.

Mekim wanem long Banana

Sampela banana i save mau na yumi kaikai. Dispela kain i gutpela tru long ol liklik pikinini.

Sampela banana yumi save kukim. Tumbuna i kukim long mambu, na long sospen, na long paia. Dispela rot i stap ples klia na mipela i no ken stori long en. Tasol sampela arapela rot moa i stap bilong redim banana long man i kaikai. Nau mipela i laik stori long dispela.



Drai banana (banana mau)

Tok i go pas

Sapos yu mekim banana i kamap drai, dispela bai i helpim yu gut long tupela samting. Bai banana i stap longpela taim na i no inap sting. Na tu, bai em i kamap swit tru olsem suga, na bai yu givim long pikinini olsem senis bilong sispop na babol gam.

Mekim drai banana

Pasin bilong mekim drai em i olsem: Rausim skin, brukim banana bihainim longpela bilong en i kamap 2-pela o 3-pela hap. Sapos bikpela banana, orait, brukim i kamap 4-pela o 5-pela hap.



Bilong mekim drai banana, tekewe skin na katim kaikai, bihainim longpela bilong en.


Lainim antap long liklik waia, karamapim long wanpela hap laplap i gat ol liklik hul, kain olsem taunam, na putim long san. Larim i stap olsem, na antap bilong en i drai pinis, orait, tanim. Bai san i hatim tupela o tripela de na banana i drai pinis.

Sapos yu laik wokim gut tru, yu ken mekim olsem:


Wokim bun diwai na pasim waia kakaruk aninit, na wokim fopela sotpela lek na wokim bet plang na sanapim bun diwai wantaim waia kakaruk antap long bet plang. Yu ken penim bet plan na bun diwai long blakpela pen. Bai em i helpim hat bilong san i kamap strong.

Lainim ban'na antap long waia, na sanapim wanpela sotpela botol o wanpela tin pis nating long namel. Nau karamapim long hap taunam. Bai botol na bun diwai i bosim taunam gut na em i no inap holim banana. Na lang tu i no inap tasim banana. Lukim long piksa.

Bet bilong mekim drai banana. Ol i wokim bun long diwai na bet long waia kakaruk. Aninit ol i wokim bet plang. Ol i penim olgeta diwai long blakpela pen, bai san i hatim moa yet.



Sapos yu gat bokis ais i wok long kerasin, orait, yu ken putim wanpela waia wantaim banana antap long en, klostu long paip bilong smuk. Sapos yu gat ges stov, yu ken mekim drai banana long ges stov tu. Taim banana i drai pinis, orait, putim long tin o botol i gat tuptup na pasim gut. Haitim long ol pikinini na long man bilong yu tu. Nogut ol i pinisim wantu.



Nogut lang i bagarapim banana. Sanapim wanpela glas namel na karamapim bet olgeta long wanpela hap taunam.

Kek Banana

Kisim wanpela banana mau, na liklik susu na hap kap plaua kaukau. Rausim skin bilong banana na memeim banana long fok. Memeim pinis, tanim wantaim susu na plaua kaukau. Putim long kapa bilong kukim skon long stov, na kukim.

Skon Banana

Dispela em i gutpela bilong kaikai wantaim ti o kopi long moning.

Kisim ol samting olsem:

- 2-pela banana mau
- 2-pela kap plaua
- 1-pela spun bekpaura
- 2-pela spun suga liklik wara (o liklik susu, sapos yu laik liklik gris

Wokim olsem:

1. Rausim skin bilong banana na memeim banana long fok
2. Tanim plaua na bekpaura wantaim banana na suga long wanpela dis.
3. Putim wara inap long yu abusim gut olgeta samting (klostu wanpela kap). No ken putim planti wara. Nogut plaua i kamap malumu tumas. (Sapos yu laik putim susu, orait, lusim wara)
4. Putim praipan long paia na putim liklik gris.
5. Taim gris i hat, kisim spun na savolim plaua long spun na putim long praipan.6. Kukim, na hapsait i tain pastaim, orait, tanim na kukim hapsait.

Kuk kona

...wantaim ol kuki bilong Lamana Hotel



KINDAM BILONG SOLWARA (PRON KOKTEIL)

Yu mas i gat:

7-pela bikpela Taiga pron o kindam Wanpela hap kabis (letis) yu katim i go liklik 3-pela retpela lombo
Wanpela hap braun anien yu katim i go liklik Wanpela hap kap tomato sos
Wanpela lemon

Mekim olsem:



1. Boilim wara insait long wanpela sospen na putim hap lemon na sol insait long en
2. Putim ol taiga pron o kindam na larim i kuk inap 5 minit
3. Rausim na putim ol kindam insait long kol wara inap 15 minit. Bihain rausim wara na rausim skin bilong ol kindam.
4. Rausim aiswara na putim ol pron insait long dis bilong miksim wantaim ol arapela ingridien. Letis tasol nogat.
5. Miksim gut. Larim insait long bokis ais inap wan awa bipo long yu sutim bilong kaikai.

Redim bilong kaikai olsem:

Slipim ol hap letis i go insait long dis. Putim kindam miks i go insait na bilasim wantaim hap lemon yu slaisim.
Em nau em i redi long kaikai.



Stretim gut ol setelmen long PNG



PAINIM GUTPELA SINDAUN TASOL...

Em ol kain haus yu bai painim long ol setelmen insait long PNG. Nogat plen, tasol ol i wokim bilong sindaun long en na lukluk long wanem samting ol inap mekim long painim gutpela sindaun na amamas. *Poto: Yakam Kelo*

Yakam Kelo i raitim

LAIP long siti em i no isi. Planti taim i save hat tru long painim gutpela kaikai, gutpela bilas na gutpela hap bilong slip na kisim gutpela win.

Dispela em wanpela bikpela samting yu inap lukim long olgeta taun na siti long wol. Taim i gat siti, i mas gat blok na setelmen yet.

Yumi ting planti manmeri long ol setelmen na blok i lain nating tasol nogat. Planti em ol wokmanmeri na tu ol i save karim pasin bilong ples long wokim gaden na mekim samting i kam wantaim ol long taun.

Olsem na ol i save long painim liklik kaikai na wokim haus bilong slip gut long en.

Tasol taim yumi lukluk gut long wanem kain haus ol i save wokim, em nau bai yu ken save olsem planti samting ol bai yusim long wokim haus i no gutpela. Ol bai painim hat long kisim gutpela diwai o palang bilong wokim haus wantaim. Bai i nogat gutpela pos na ol bai sanapim kainkain hap ain na diwai nabaut olsem pos.

Bikpela samting em haus i mas sanap bai ol famili i ken slip na kuk kaikai insait na tu ol i mas gat haus bilong banisim gut ol kago na ol samting bilong ol.

Mi save gut long planti lain i save stap long setelmen bikos mi yet tu mi bin kamap long setelmen na mi klia gut long we na pasin bilong wokim haus.

Setelmen i wok long kamap long olgeta hap bilong ol taun na siti, maski nogat man o gavman i givim tok orait long ol pipel long go sindaun na wokim haus. Planti setelmen i save kamap taim man i go long laik na sindaun na bihain arapela i bihainim em na ol tu i stat long wokim ol haus i go planti moa.

Planti setelmen i save stap antap long graun bilong gavman tasol gavman i no save mekim wanpela samting long traim rausim o stopim ol. Planti taim gavman i toktok long maus tasol na nogat eksen. Wan wan em ol i karimaot eksen we buldosa na polis i go insait na rausim o brukim daun ol haus na ol samting olsem long Lae, Madang na Rabaul.

Wanpela bikpela samting yu bai lukim em ol haus i no gutpela tumas bikos ol i wokim long kainkain hap palang, hap plaiwut na kapa nabaut.

Ol setelmen i save kamap long ol hap we i nogat plen long en. Gavman i nogat plen long wokim ol haus na givim ol sevis olsem pawa, wara, kolta rot na arapela sevis moa. Taim ples i gat plen, bai yu lukim olsem ol haus i sanap gut long mak na lain we baret na rot i mas ron gut long lain na wara saplai wantaim pawa i mas rori gut long ol haus lain.

Em i isi tu long wokim ol toilet na

ol pipia wara long baret i ken ron gut i go long hap we i longwe bai ol kainkain sik nabaut i noken kamap long ol manmeri. Taim i gat plen bilong dispela hap graun, em nau ol samting i kamap gut na ron gut. Taim i nogat plen, ol kainkain haus bai kamap long laik na nogat spes bilong win i ron, toilet na pipia hap bai sanap nabaut na ples bai smel olgeta we sik inap kamap.


Setelmen em wanpela laipstail we gavman i nogat gutpela plen long stretim hariap. Olsem na setelmen i wok long kamap yet na bai i kamap yet long olgeta hap taun na siti long Papua Niugini.

Taim setelmen i kamap planti, em i soim olsem taun na siti tu i wok long kamap bikpela. Olsem na i gat planti pipel na haus i sot na planti wokmanmeri tu bai i go long setelmen na wokim haus.

Gavman i mas gat gutpela plen nau long stretim hevi bilong setelmen. Noken rausim setelmen tasol stretim gut na plenim gut bai sevis i ken ron gut na ol pipel i ken amamas long stap na go het long mekim wok bilong ol.

I no PNG tasol i gat setelmen, nogat. Arapela bikpela kantri tu i gat setelmen, olsem na yumi painim rot na stretim gut ol setelmen bilong yumi i ken luk nais na gutpela.





Radio Program

Program bilong Wanwan De - Mande - Fraide

6am - 10am - Sankamap show - Host: Kas.T
6:15am - Komuniti Notis Bod
(Toksawe wantaim Vaviessie)
6:30am - Nius Hetlains / Bondei grittings
STOP & SHOP GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Powerhaus Hit prediksen
7:30am - STOP & SHOP GES FAIA KOMPETISEN
8:00am - Major Nius Bulletin - YUMIFM Nius Senta
8:15am - YUMIFM Bisnis / Market Ripot
8:30am - STOP & SHOP GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Radio Pilai)
9:30am - STOP & SHOP GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:15am - Powerhaus Hit Prediksen
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - ESI COOK RICE Belo taim Dedikesen
12:15pm - Komuniti Notis Bod
(Toksawe wantaim Vaviessie)
12:20pm - cont'd ESI COOK Belo taim dedikesen
1:00pm - Nius - YUMIFM Nius Senta
1:10pm - cont'd ESI COOK RICE Belo taim dedikesen
1:15pm - Powerhaus Hit Prediksen
2:00pm - Major Nius Bulletin - YUMIFM NIUS SENTA
2pm - 6pm - Avinun Draiv Taim - Host: UNCLE ET
2:00pm - 4:00pm (Tunde / Fondei) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - NIUS - YUMIFM Senta
4:10pm - SAUT B'long UNCLE ET - foapela singsing
4:30pm - Nius Hetlains
4:45pm - YUMI PANIM WOK Segment
5:00pm - Nius - YUMIFM Nius Senta
5:10pm - 6:00pm - FLAME KULCHA (1 hr)
6:00pm - MAJOR NIUS BULLETIN - YUMIFM NIUS Senta
6am - 00am - NAIT BEAT - Host: ANGRA KENNEDY
6:10pm - 7:00pm Mon kamap sho
6:15pm - Powerhaus Hit Prediksen
6:45pm - Komuniti Notis Bod (Toksawe wantaim Vaviessie)
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW
-Host: Turana KEMI / Kansol

ROD
00:00 - Early Monin Taim Cruz (ol lain brukim tulait shift)
-Musik / Request / Tok pilai
-Kipim Kampani long ol nait shift.

Wiken entatainmen long poto...



OL WIL MANGI: Maski ol toi kar bilong stua. Ol dispela tripela stail mangi i go long woksap na kisim tripela taia na pusim olsem wilwil na raun.




DANIS BILONG PAINIM ABUS: Em nau, kain danis yu lukim bilong ol lain Serui Ailan long Wes Papua ol i kolim long "hunting danis" o danis ol i save mekim bipo ol i go painim abus. Baga i redi long sutim wanpela welpik!



MAUNTEN WESAN: Sapos haus i nogat wesan long en, noken wari. Planti wesan i stap long Ela Beach nambis. Ol dispela yangpela i pilai na mekim haus wantaim wesan.




REDI: Ol mama Hagen i putim ol naispela tumbuna bilas na wokabaut redi long samsam.



WINIM MAMBU: Yangpela man Hailans i winim kaur long wokim musik.

Ol Poto: Andrew Molen, Veronica Hatutasi na Pater Phil Gibbs



GUTPELA BILAS: Gutpela tumbuna bilas ol meri Hailans i putim long ol bikpela selebresen olsem dispela long Famili konprens bung long Hagen.

RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE
Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afe
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Helt
8.15PM Musik/Spots
8.30PM NIUS
8.40PM Spots Riplei
8.55PM Musik
9PM Stesen Pas
TUNDE
Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afe
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas
TRINDE
Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afe
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas
FONDE
Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afe
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas
FRAIDE
Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afe
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas
SARERE
Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas
SANDE
Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Famili Blong Serah (Radio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas
HOME VIDEO SHOW
7.27PM G EMTV TOK SAVE
7.30PM G TOTAL RUGBY
8.00PM TRI-NATIONS SERIES SOUTH AFRICA v AUSTRALIA Live from Brisbane.
10.00PM G SOUTH PACIFIC MUSIC
11.00PM M CSI MIAMI
MIDNIGHT G EMTV NEWS REPLAY
00.30AM EMTV PRIME TIME LINE UP
SANDE JULAI 16, 2006
7.29AM STATION OPEN
7.30AM G BUSINESS SUCCESS
8.00AM G BUSINESS SUNDAY
9.00AM G SUNDAY
11.00PM G NRL FOOTY SHOW
12NOON G SUNDAY ROAST
1.00PM G AFL
4.00PM G SUNDAY FOOTBALL
6.00PM G NATIONAL EMTV NEWS
6.30PM G 7TH HEAVEN
7.30PM G 60 MINUTES
8.27PM G EMTV TOK SAVE
8.30PM M FRENCH MOVIE



HIT PARADE

Sarere 15/07/2006

Table with 3 columns: Posisen, Singing, Musik Atis. Lists songs and artists like Milomilo, Feeling, Tehine Moana, etc.

TV GAID

TV GAID table with columns for time, channel, and program name. Includes programs like STATION OPEN, JOYCE MEYER, NEWS UPDATE IN TOK PISIN, etc.



Musikman bilong Nevi glasim musik indastri



NEVI MUSIKMAN: John Wilson em wanpela sela tasol em i gat taim bilong pilaim musik tu.

DISPELA sela musikman i sindaun long ba long Mokambo (Mocambo) Hotel long Nandi (Nadi) Fiji na i wok long amamasim wanpela kot wan i stap.

Em i sindaun putim ia long musik bilong wanpela laip ben i pilai i stap na em i skelim yet musik laip bilong em. Ia bilong em i kirap taim em i harim wanpela singsing i pulim tingting bilong em. Em i save long dispela singsing. Em i save long olgeta kod na toktok insait long en.

Na dispela PNG Nevi opisa i bin kirap nogut tru bikos em i harim save singsing we dispela man Fiji i wok long singsing i stap. Em i bin singsing long tok pisin tu dispela singsing ol i kolim Oh Dear, wanpela singsing we John Wilson yet i bin raitim na rekodim.

Nevi Leftenen Komanda John Wilson i bin amamas long harim Fiji stail bilong singsing bilong en. Ol Fiji musik man husat i wok long pairapim singsing bilong em i no save olsem papa bilong singsing i bin sindaun i stap. Taim ol i pinis, wanpela poroman bilong John i kisim em i go na em i bungim ol Fiji musik man.

Baroks Volum 1

Singsing Oh Dear i bin kamap long namba wan solo albam bilong em Baroks Volum 1 we John i bin rekodim wantaim CHM long 1997. Long ol musik sat bilong redio insait long PNG, singsing i bin go inap namba 15 ples tasol na narapela poroman singsing bilong en, Yamana i bin go

olgeta long namba 1. Narapela bikpela singsing bilong em long dispela albam, Moi Moi i bin go sindaun insait long top 10 tasol.

Long dispela albam na John, husat em bilong ples Namatanai long Nu Ailan, i bin kisim luksave long sait bilong musik. Em i bin stat bungim ol arapela nupela singsing gen bilong Baroks Vol. 2 we i bin kamaut long 2003 wanpela wik bipo long pikinini meri bilong em, Kila Wilson i bin lusim laip bilong em long wanpela sik i save daunim ol yangpela meri. Kila i bin stap insait long musik vidio klip bilong singsing Yamana.

John Wilson mama i bin karim em long Bakan viles insait long Barok tok ples eria bilong Namatanai. Taim em i wok long bikpela, em i bin gat tingting long kamap wanpela musik man o wok tisa o kamap ilektronik ensinia. Em i bin tingting long kamap wanpela politisen tu.

Skul tisa

Long 1976 em i bin go skul long Goroka Sekenderi Tisa Koles (nau em UOG) we em i skul inap tupela yia. Wantaim ol wanskul bilong em, Thomas Lulungan na Matalau Nakikus, Wilson i bin stap insait long wanpela tieta pilai ol i kolim 'The New Adam'.

John i bin pilai lid gita. Ol i bin karim dispela tieta pilai bilong ol i go long Mosbi na ol i kisim bikpela nem tru. Tasol John yet i no winim skul olsem wanpela tisa.

Long 1979 John i go

insait long Yunivesiti bilong Teknologi long skul Lektroniks Ensinaring. Bihain long en laik bilong em long musik i go bikpela moa yet inap em i les long wok na putim nem bilong em long go insait long PNG Efos long 1981. Em i stap wok long hap inap tupela yia inap 1983 taim em i joinim Nevi.

Tingting i kirap gen

Long 1991 John i bung wantaim Lulungan na Nakikus gen long Mosbi. Lulungan i bin wok olsem Sief Odio Ensinia wantaim CHM Supersounds na Matalau i bin skul yet long UPNG. Olgeta tripela i bin holim strong laik bilong ol long musik yet. John i wok long pilai raun wantaim ol wan wan ben insait long Mosbi long nait na long san em i save wok olsem nevi opisa wantaim PNG Difens Fos.

Long 1985 John i bin kamap asisten produsa bilong ol CHM Supersounds redio so. I no long taim em na Thomas i stat wokim plen bilong katim wanpela albam. Tasol plen bilong tupela i no karim kaikai inap 11-pela yia bihain.

Tingting karim kaikai

Long 1997 nau Thomas i bin redi long rekodim John Wilson. Odio Ensinia Eddie Elias i bin helpim Thomas. Albam i bin i gat ol musik bilong Nu Ailan em singsing Moi Moi, Yamana i bin singsing bilong Rigo we em i bin raitim bilong lewa bilong em Gana, na narapela bikpela singsing em Tauso, wanpela naip danis singsing bilong Motlok.

Namba wan albam bilong John i bin bikpela tru insait long Niugini Ailans rijen. Tasol Baroks Volum 2 i no bin strong tumas bikos pikinini meri bilong em i bin indai. Namba tu albam i bin i gat wanpela singsing Tabar ol i kolim Lovetsi na Matna Goi Goi bilong Namatanai.

"Mi bin lusim wok bilong promotim dispela albam bihain long pikinini meri bilong mi i lusim laip bilong em," John i tok. "Tasol maski em i no salim gut long Nu Ailan,

Nu Briten na Bogenvil i bin gutpela na mi amamas." Taim mi askim em long as long em i save kisim ol musik bilong em, John i tokaut olsem taim em i bin yangpela man yet em i save raitim singsing long ol poroman bilong em long Namatanai.

"Tumbuna musik em i bin mipela samting tru long mi na ol ples string ben i bin givim planti tingting long mi tu."

John i tok bihain nau taim em i kamap bikman, em i bin kisim strongim tingting long ol man Nu Ailan olsem John Wong na Thomas Lulungan na

Nakikus.

"Mi bin ting Lulungan i bin stap long rait ples tru long strongim tingting bilong mi."

Em i tok long 1980s taim em i bin kisim bikpela sapot long wanwok bilong em Leftenen Peter Ilau husat i bin helpim em taim em i bin pilai long ben Black Veru na famili ben bilong em Faces. Peter Ilau nau em i Komodo na Komanda bilong PNG Difens Fos.

Komodo Ilau i bin ritaiarim John olsem Leftenen Komanda long mun Novemba las yia. Nau em i bosim wanpela

sekyuriti kampani long Mosbi.

Famili bilong em i karim hevi bilong lusim pikinini meri bilong ol long wanpela sik i nogat marasin bilong en.

Dispela i bin stilim liklik strong bilong John, na em i no guria long kamapim namba tri albam bilong em. Maski meri bilong em Gana, husat em i wanpela tisa na Karikulum Analis wantaim Nesanel Edukesen Dipatmen, i save sapotim em gut long raitim ol singsing. I gat sampela singsing i stap pinis, tasol i nogat bikpela tingting long

rekodim yet.

"Mi gat wanpela musik sistem long haus we mi save go hait i stap wantaim 4-pela mangi bilong mi husat i save laikim musik tru."

John i wok long wok wantaim Patti Potts Doi long rekodim wanpela albam tasol bikpela hap wok bilong Potts i mekim na ol i no makim taim bilong John long rekod yet.

Tasol John i no sindaun nating. Long 4-pela yia i go pinis, em i wok long tisim musik long ol sios kwaia grup na lukluk long ol lotu grup long Mari Bareks.

Simakugs pairapim Madang musik gut tru

James Kila i raitim

WANPELA stail musik grup bilong Bilbil viles insait long sautkos bilong Madang provins i wok long soim tru kala bilong en insait long lokal musik wantaim ol gutpela namba bilong en i save kamap long redio na CHM Supasaun vidio hits.

Nem bilong dispela grup em Simakugs na ol i katim nambawan kaset bilong ol wantaim CHM Supasaun long Mosbi sampela taim igo pinis. Tasol sampela ol songs bilong ol we i save kamap long redio i save kirapim bel na filings stret bilong

planti ol lain husat i save skin kirap tru long harim Madang musik.

Wantok i bin bungim fran-man bilong Simakugs na man husat i save go pas long raitim na singim ol singsing bilong dispela grup las wiken long Goroka long lsten Hailans provins. Bagaros ros ya em Gideon Mangan.

Gideon i save raitim planti ol gutpela song bilong dispela grup we i stori long laip na sindaun insait long ples na tu kain pasin bilong ol yangpela tude na ol singsing tumbuna we em i tanim na putim gut tru wantaim musik bilong ol masta o waitman stail

long givim moa swit long en.

Gideon i stori olsem Simakugs i bin katim nambawan kaset bilong en wantaim Pasifik Gold Studios long Mosbi long yia 1997. Dispela taim saun-ensinia Douglas Lamo i bin helpim ol wantaim ol narapela musik man olsem Austin Waira na Gabriel Soro ToPotol.

Insait long dispela nupela album bilong ol wantaim CHM, resa mangi bilong pilai kibot na saun ensnia Douglas Lamo i stap yet na i helpim ol long pairap gen wantaim dispela tupela album bilong ol em taitel bilong en em "Pawa Lait". Ol momba bilong Simakugs husat i bin go long Mosbi long rekotim kaset em Gideon yet wantaim Pipoi Nusmai na Lingson Giling.

Tupela song nau i wok long pairap long YumiFM redi stesin em "Matu" wantaim "Mala Ia"


Dispela grup bilong Madang i bin katim pinis wanpela vidio klip we i soim stret bilas bilong Madang wantaim retpela peit, tit bilong dok bilas na ol stail bilas purpur. Dispela vidio klip i no long taim i go pinis i bin holim nambawan ples insait long CHM Supasaun kaun daun.

Gideon in tok ol i laik kalarim dispela kaset bilong ol wantaim ol singsing long ol narapela tokples tu olsem na ol i singim ol song long tokples Rigo, Aroma na Kairuku insait long Sentrel provins.

Sapos yu wanpela man o meri i laik pilim teist na harim gut na kisim filings long dispela kaset bilong Simakugs em yu ken go tasol long ol feveret kaset stua bilong yu na sekim. Tru tumas dispela grup i gat naispela stail bilong en yet na mekim yu amamas wantaim ol naispela singsing bilong ol.



MADANG STAIL: Franman bilong Simakugs ben bilong ples Bilbil long Madang, Gideon Mangan i gat bikpela tingting long strongim Madang musik.



**PEN
PREN**

NEM: Venesa Kapo
KRISMAS: 17 (meri)

ADRESS: Nagum Adventist High School, P.O Box 54, Wewak, East Sepik Province
SAVE LAIKIM: Danis, go lotu na lukim TV.

NEM: Joseph Akove
KRISMAS: 14(man)

ADRESS: St Anne Primary School, P.O Box 134, Aitape, Sandaun Province
SAVE LAIKIM: Pilai Soka na ragbi na go hook.

NEM: Nelly Kelepuma
KRISMAS: 17(meri)

ADRESS: C/- James Kelepuma, Division of Health, P.O Box 392, Goroka, Eastern Highlands Province
SAVE LAIKIM: Harim musik, danis, ritim buk, raitim pas na go lotu.

NEM: Glenda Kaboi
KRISMAS: 18 (meri)

ADRESS: Bernard Vogae Memorial Primary Sch, P.O Box 83, Kimbe, West New Britain Province
SAVE LAIKIM: Ritim buk, kaikai buai, harim musik, raitim pas, singsing na mekim pren.

NEM: Robin William
KRISMAS: 20 (man)

ADRESS: Tipmandu B/Group, P.O Box 546, Wewak, East Sepik Province
SAVE LAIKIM: Pilai spots, harim musik na kuk.

NEM: Darren Ragi
KRISMAS: 17 (man)

ADRESS: Maprik High School, P.O Box 71, East Sepik Province
SAVE LAIKIM: pilai soka, stori, mekim pani na mekim pren.

NEM: Henry Senge Sepso
KRISMAS: 19 (man)

ADRESS: Nipa Secondary School, P.O Box 222, Mendi, Southern Highlands
SAVE LAIKIM: Mekim pani, go lotu, pilai na mekim pren.

NEM: Ethel E Cobbinah
KRISMAS: 25 (meri)

ADRESS: P.O Box CT 370, London Bridge, Cape Coast, Ghana, West Africa
SAVE LAIKIM: Pilai kain kain pilai, go raun na singsing.

Opisa Pokep, OBE

Ol welman kamap long Mumeng...

LONG moning taim san i no kamap yet patrol i stat gen. Pokep i tokim Lapun long tokim ol Kukukuku olsem Mumeng i no longwe nau na bai ol kamap long Mumeng bipo san i go daun. Long rot ol kago boi i tait tasol ol Kukukuku i no luk olsem ol i tait. Long apinun tru klostu long siks kilok patrol i kamap bek long stesin. Ol kago boi i go putim kago klostu long opis bilong Kiap Braun na ol i go stret long waswas. Ol Kukukuku i go wantaim Pokep.

I no long taim olgeta man long Mumeng Patrol Pos i harim olsem sampela welman bilong Kukukuku i stap pinis long stesin. Planti i laik kam na lukim ol dispela liklik welman. Pokep i kisim ol Kukukuku i go long haus bilong en long dring wara, waswas na kaikai. Taim ol i wok long malolo Pokep i askim Lens Kopul Maino long go long stua na kisim sampela trausis. Bipo em i go long stua Lens Kopul Maino i kisim tepmesa na makim sais bilong ol dispela wantentu man. Lapun bilong ol sais bilong en 32 na ol narapela sais 26 na 27. Klak i kam bek long ol trausis na tupela Pokep i traim fitim ol Kukukuku long en. Lapun Bos bilong ol Kukukuku i kisim wanpela bilong ol dispela sais 32 trausis. Em i kisim wanpela tawel na tupela laplap. Olgeta Kukukuku i kisim wankain samting olsem bos bilong ol, Kuskus tu i bringim sampela sop bilong waswas na givim long ol Kukukuku.

Napikuwop i kirap nogut long ol dispela lain man i kam long haus bilong en. Ol i kam long haus na sindaun tasol long veranda. Pokep i kisim wanpela botol wara na wanpela kap na givim long ol long dring. Napikuwop i kuk long haus kuk tasol i poret liklik. Bihain Pokep i kisim ol i go

long hap bilong ol singel polisman long waswas.

Taim ol i waswas pinis ol polisman i soim ol long pasin bilong putim na rausim trausis na bihain pasin bilong komim gras. Ol polisman i traim hat long soim ol long komim gras tasol kom i no nap tru long stretim gras. Bihain ol i kisim sampela plet na spun long haus kaikai bilong ol singel polisman na kam bek long haus bilong Pokep.

Napikuwop i kukim rais tasol. Pastaim tru ol i no laik kaikai tasol Pokep yet i strongim ol long kaikai.

Taim ol i kaikai pinis Pokep i mekim ti bilong ol. Ol i lukim hatwara na ol i no gat laik tru long ti. Pokep i traim hat tru long mekim lapun bos long dring tasol em tu i no laik. Ol i dring wara tasol bihain long kaikai na Pokep i kisim ol i go bek long hap bilong ol singel polisman gen.

Ol polisman i givim ol long tupela rum long slip. Pokep i go bek long haus na i stori long Napikuwop long dispela wanpela wik ol i stap long bus. Napikuwop tu i stori long Pokep long ol halivim bilong ol narapela i kam long em taim em wanpela i stap long Mumeng. Em i tok long Pokep, "Yu mekim wanem long ol polisman bilong yu? Ol i save was gut long hap bilong mitupela". Pokep i smail long em na i tok, "Ol i mekim wok bilong ol tasol".

Tupela i toktok i go inap Pokep i stat long pulim nus. Napikuwop i kirapim man bilong en isi tasol na tupela i go long rum. Pokep i laik sindaun wantaim meri bilong em na stori tasol bodi bilong en i tait olgeta. Em i slip lusim em. Dispela nait Pokep i tait nogut tru na i slip dai inap long moning.

Long moning Napikuwop i kirap pastaim long tupela na i



mekim brekpas. Long hap pas seven Pokep i slip yet tasol Napikuwop i no kirapim em. Em i sore long man bilong en. Emi save tu olsem bihain long longpela patrol husat i go long patrol bai i mas malolo long sampela de.

Long nain kilok Pokep i kirap, i go stret long haus waswas na i sindaun aninit long wara klostu ten minit olgeta.

Em i kamaut long waswas i dres na i kam long meri bilong en long ples bilong kaikai. Tupela i kaikai na pinisim stori bilong tupela long nait. Pokep i tok pilai long Napikuwop bai klostu nau em i harim tok ples bilong ol Kukukuku. Na em i tokim meri bilong en tu olsem dispela lapun ia i gutpela man mo yet. Em i liklik man tasol ol pipel long ples i poretim em. Sapos em i tok wanem ol i harim em tasol. Pokep i stori tu long Napikuwop long as tingting bilong ol Kukukuku long givim hap graun long gavman. Ol i tok se ples kunai ol i givim long gavman em ples nogut bilong telwel bilong ol man ol i dai long en.

Bihain long brekpas Pokep i go long hap bilong ol singel polisman long lukim pren bilong en Lapun wantaim ol narapela Kukukuku. Pokep i harim olsem long moning tru ol Kukukuku i kirap na ol i poret

taim ol i lukim kar i kam kisim ol wokmani go long wok. Taim kar i kam sampela i laik ranawe tasol laki ol yangpela polisman i kirap pinis na sindaun wantaim ol. Pokep i kamap na toktok long han bilong en long lapun olsem ol i mas malolo gut. Pinis, Pokep ilusim ol i stap na em i go olsem long haus bilong Kiap Braun. Em i go bek long opis na tokim klak long larim wanpela trak bai em i soim ol lain Kukukuku long ples Mumeng. Long tu kilok stret trak i kamap.

Lapun na ol lain bilong en i painim rot stret. Sampela ol polisman i holim strong wantaim lapun na ol narapela i sut i go long rum olsem welpik. Bihain ol tripela i kamaut tasol ol i seksek yet taim Pokep i kamap. Samting olsem hap pas tri Kopul Pokep na tuepla yangpela polisman i go wanitaim long ol Kukukuku long trak na ol i raunim stesin.

Taim draiva i spitim kar liklik, ai bilong ol welmana raun.

Wanpela yangpela man i traun. Ol polisman i sore tru long em. Na taim draiva i ron spit wanpela man Kukukuku i sindaun klostu long lapun na Pokep i singautim nem bilong lapun Bos. Ol polisman i kirap nogut stret taim man ia i tok, "Hamat!" "Hamat!" Lapun bos i sanap kwik tru na lukluk long dispela man i singaut. Em nau

Pokep na ol narapela polisman i painimaut olsem nem bilong bos hia em Hamat. Bihain long dispela taim nau ol polisman i save singautim lapun long nem bilong en stret.

Hamat na lain bilong en i lukim planti nupela samting. Long siks kilok olgeta polisman i mas wantaim long lusim pilak na man bilong winim pikul i winim "las pos".

Ol Kukukuku i poret tasol ol i amamas long lukim ol polisman i mas na bringim pilak i kamdaun. Taim ol i go bek long hap bilong slip ol kaikai i redi pinis long kaikai. Kuk i kukim pis tuna draiva i bringim i kam long Lae. Taim kaikai i pinis ol polisman i traim toktok wantaim ol long han na pes bilong ol tasol. Sampela bilong ol Kukukuku tu i wok long harim save sampela hap bilong tokpisin.

Ol i sindaun wantaim long ol yangpela polisman long dispela nait bikos em i taim bilong kompetisen bilong dat. Tim ei (A) i pilai wantaim tim di (D). Ol Kukukuku i lukim ol man i kam na dring SP taim ol i pilai. Sampela i no pilai tasol ol i toktok planti na ol i mekim ol kain pani tumas.

NEKS WIK: OL WELMAN LUKIM PLANTI NUPELA SAMTING LONG MUMENG...

Mi gat wari na mi laikim helpim long Laiplain

Dia Laiplain,

GELPREN bilong mi i ting olsem mi wok long raun wantaim ol narapela meri long wanem mi go wok 6-pela mun pinis na tu, ol bipo gelpren bilong mi i wok long ringim mi, tasol mi tokim ol olsem mi klostu marit nau. **Tasol ol i no lusim mi. Mi painim hat long rausim ol.**

MISUNDERSTOOD

Dia Pren,

PLANTI manmeri tude i wok long bungim wankain hevi. Dispela em i wankain hevi we planti man na meri i save bungim.


Tras o pasin bilong gat bilip olsem narapela i no wokim nabaut namel long

patna na lav em bikipela samting long kain prensip bilong yu na sapos yu no trastim patna bilong yu lav bilong yutupela i ken i dai.

Yu mas traim long skelim long ol wanem samting yu wokim long givim lav long gelpren bilong yu.

Yu save rait o ringim gelpren bilong yu tu o nogat? Gelpren bilong yu i laikim yu long soim em olsem yu gat laik pasin long em yet long wanem, yu wok long we long em.

Yutupela i plen pinis long marit na sindaun bilong yutupela long bihain taim o nogat? Sapos yu wokim dispela, em bai soim em olsem yu gat bikipela tingting long pasin poroman bilong yupela na dispela



bai karim yutupela i kam bung wantaim.

Yu bin tok ol narapela gelpren bilong yu long bipo i save ringim yu long telepon. Yu bin strong long tokim ol olsem yu klostu marit nau long narapela meri tu o nogat?

Sapos ol i save kam raun klostu long yu, orait gelpren bilong yu i mas harim long ol arapela olsem na em i save kros. Long dispela as, yu mas strong long abrusim ol arapela meri.

Sapos ol i no lusim yu, orait yu mas brukim dispela prensip bilong yu wantaim ol.

Tasol long nau yu mas rait yet i go long gelpren bilong yu na sapos ol samting i no kamap gut, orait yutupela i mas sindaun na toktok long dispela.

Yutupela i sindaun na stretim ol wari bilong yupela tu o nogat?

I gat ol pasto long lotu husat i save wokim ol kos na kaunseling o givim stia tok long redim ol manmeri long marit.

Na tu i gat ol buk ol yangpela manmeri i raitim we yu ken ritim long helpim yu na lukluk wantaim bilip na amamas long marit.

Kain buk olsem "I Married You" o "Mi Maritim

Yu" we Walter Trobisch i bin raitim na ol arapela olsem Charlie Shedd i raitim, "Letters to Karen" na "Letters to Phillip" em ol gutpela buk wantaim ol narapela yu ken ritim. Bai yu painim ol dispela buk long ol Kristen Buk Sop (Christian Book Shop).

Laiplain.

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu.

- Laiplain

Yu laikim Pen Pren, Salim i kam long: Pen pren P.O. Box 1982, Boroko, NCD Papua Niugini



Kopi gaden i mas stret olgeta taim: Saveman i tok

....kopi gaden em beng long ples

James Kila i raitim

OL SMOLHOLDA kopi fama insait long kantri i mas lukautim kopi gaden bilong ol olgeta taim. Maski i no taim bilong kopi sisen o taim bilong kopi sisen.

Dispela em bikos kopi gaden em "beng" bilong ol liklik manmeri long ples bikos em i save bringim mani i kam long sapotim planti kain wok insait long hauslain komyuniti.

Dispela em wanpela bikpela toktok tru wanpela eksperimentalis o saveman bilong Kopi Industri Koporesen Risets na Groas Sevises Divisen, Felix Panote i tok.

Insait long PNG tude, planti ol smolholda kopi fama na tu ol iain i gat kopi blok na plantesis i no save lukautim gut kopi gaden bilong ol. Planti bilong ol dispela lain i no save gut long menesman bilong kopi gaden na tu sampela

bilong ol dispela smolholda fama i les tasol na ol i no laik long mekim wok insait long kopi gaden bilong ol long stretim na tu mekim gut long en.

"Kopi gaden em beng bilong ol liklik manmeri long ples na tu em i lukautim wok bilong planti ol bikpela bisnisman husat i gat blok na plantesis. Olsem na ol fama na ol lain husat i gat blok na plantesis i mas givim moa taim long lukautim gut ol blok na plantesis na ol kopi i ken kamap gut na karim moa seri" Mista Panote i tok.

Em i tok olsem planti taim ol liklik manmeri long ples i no save tingim kopi gaden bilong ol. Planti bilong ol i save larim ol gaden bus i karamapim na tu tais wara i go na bagarapim gaden bilong ol. Dispela i no gutpela pasin.

"Mi save lukim olsem long taim bilong kopi sisen i kam klostu nau bai yu skelim olsem ol smolholda fama i save



WOK STRONG: Ol wokman i dikim baret insait long kopi blok long CRI long Aiyura.



WOK SEKIM: Ol bosboi sekim ol pikas i pikim kopi long gaden long Aiyura.

guria tru na wantu tasol go long gaden na traim long pikim ol wan wan seri long gaden na go salim.

"Dispela i no gutpela pasin tumas. Sapos ol i lukautim gaden kopi bilong ol olgeta taim prunim, na klinim gras na dikim baret na stretim ples gut, taim bilong kopi sisen i kam em ol bai lukim olsem kopi diwai bai karim gut na ol bai pikim planti kopi," Mista Panote i tokaut.

"Mipela long CIC i givim bikpela toktok pinis olsem sapos yu lukautim kopi bilong yu, kopi bai lukautim yu. Dispela em wanpela strongpela toktok tru em olgeta fama insait long ol ples na haus lain i mas holim strong long gutpela bilong ol yet insait long haus-lain," Mista Panote i tok.

Narapela wokman bilong CIC husat i wok olsem Kredit na Koporetiv Kodineta, Brian Kuglame tu i givim wankain toktok na i tok ol fama i mas givim moa luksave long kopi gaden bilong ol. Dispela em bikos insait long olgeta yia long taim bilong 6-

mun, kopi tasol i save givim mani long helpim sindaun bilong ol insait long ples na hauslain.

"Kopi mani em i strongpela mani tru insait long ol hauslain komyuniti insait long Hailans rijen. Pawa bilong dispela kopi mani i save winim tru baset we nesenel gavman i kamapim long Waigani long Mosbi. Kopi tasol i save mekim na ol manmeri i save muv i go raun long taun na baim ol samting olsem sop, klos, karasin bilong lam na ol narapela stua kaikai. Kopi mani tasol i save mekim na ol pipel long Hailans i save stretim ol hevi bilong baim meri, peim kompensesen na ol narapela wok insait bihainim kastom bilong ples," Mista Kuglame i tok.

Olsem na tupela opisa ya i givim bikpela tok tru i go long olgeta kopi fama insait long kantri long lukautim gut kopi gaden bilong ol. Ol i mas dikim baret na rausim ol wara insait long kopi gaden. Taim planti wara i stap em bai bagarapim gro bilong ol kopi diwai.

Ol sumatin ai op long wok bilong NARI

Ipul Powaseu (NARI) i raitim

"MIPELA i no save long NARI inap long tude mipela i raun lukim wok bilong en." Dispela em toktok bilong sumatin presiden bilong Omaura Skul bilong Ministri Koles, Peter Manus.

Long mun i go pinis moa long nainpela ten 90) sumatin bilong Omaura Skul ov Ministri bin go raun lukluk long Aiyura insait long Isten Hailans long lainim moa samting long Nesenel Agrikalsarel Risets institut (NARI).

Dispela ol grup sumatin i kam long olgeta provins bilong PNG, 30genvil tasol nogat. Ol sumatin ya i wok skul upela yia long rilijes stadis. Long tokaut long as bilong raun bilong

dispela grup, Skul Seplen Pasto Gideon Aguzi i tok klia olsem ol pasto bilong Seven De Atventis Sios i gat bikpela wok long givim stia long spirit na tu long bodi bilong ol sios manmeri bilong ol.

Namba wan as long raun bilong ol em long ol sumatin bai klia long wok bilong NARI na ol i ken kisim gutpela helpim long wok bilong NARI taim ol i go bek long ples bilong ol.

Ol wokmanmeri bilong NARI Aiyura i soim ol sumatin long ol wok ol i save mekim. Dispela i karamapim ol wok risets na developmen long mais o kon, pinat, ol graun kaikai, kaikai teknoloji, tisu kalsa na strongim bilong ol dispela kain kain wok agrikalsa na didiman.

NARI Aiyura i save

givim ol kaikai bilong planim i go long Omaura Skul bilong Ministri bilong ol fam bilong ol inap long wan hap yia nau. NARI i save tilim haibrut taro, ol tapiok i nogat marasin nogut na i ken stap long taim, ol kain kain kaukau, pinat, kon, stroberi, rais na soyabin. Skul i baim ol dispela gaden kaikai tu long givim moa kain kain kaikai long ol sumatin bai ol i ken kisim ol pikinini na go planim long ol ples bilong ol.

NARI i bin givim ol kain kain rais long ol long yia i go pinis na taim ol sumatin i greduet, ol i kisim wan wan kap rais bilong go planim ol yet.

Mista Aguzi i tok tenkyu long NARI long givim ol gutpela stia tok na save long ol sumatin bilong koles.3

Hagen spais grup salensim hat laip

Maisan Pahun i raitim

HOFA o Hailans Ogenik Famas Asosiesen em i wanpela spais fam ogenaiesen insait long Westen Hailans provins na i save promotim spais insait long 5-pela Hailans provins.

Wanpela bikpela samting i narakain stret long dispela ogenaiesen em i olsem dispela ogenaiesen i stap 20 kilomita ausait long Maunten Hagen taun long Avi blok na i nogat pawa, telepon, haus sik o kolta rot i go long dispela ples.

Dispela salens em i no stopim HOFA long kamapim wok didiman long dispela hap we i gat samting olsem 6,000 manmeri tasol.

Dispela salens olsem nogat gutpela sevis long Avi blok i no stopim HOFA long kamapim bikpela projek wok long planim kadamon, kawar, tumerik na sili o lombo. Sels na Maketin Menesa bilong HOFA Alois Kawagle i tok ol i save planim ol narapela kaikai olsem painapol, kaukau, taro, raun onion na ol kebis nambaut.

"As tingting bilong dispela



SEKIM GUT: Agrikalsa ekstensen opisa bilong HOFA, Mathew Kongan i sekim wanpela kadamon long Avi blok spais gaden bilong wanpela fama. Em i save raun na givim stia long ol fama long rot bilong planim kawar, tumerik na ol arapela spais kaikai.

spais projek bilong mipela em long helpim ol hailans fam komyuniti long kamapim gutpela sindaun, gutpela helt na tingting," Mista Kawagle i tok.

Long yia 2001 HOFA i bin kamap na rejista wantaim Invesmen Promosen Atoriti (IPA) long kamapim komyuniti bes wok long helpim ol fama long wok agrikalsa. Nau yet ol i save tren-

im ol fama long lukautim na planim kaikai bilong ol, na tu ol i save givim fri sid bilong ol spais i go long ol fama.


"Long wok program bilong mipela em mipela i givim save na trenin i go long ol fama. Sem taim mipela i save painim maket we ol fama i ken salim kaikai bilong ol," Fainens Manesa bilong HOFA Anton Ignatius i stori.



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG **Anthocephalus chinensis (nau nem bilong em Neolamarckia cadamba)**

Nem bilong en: Labula
Ples we em i save groa: Anthocephalus i gat tupela kain spisis i save groa long Esia, Malaysia na Australia. Tasol em i ken groa long Sri Lanka, India, Nepal, Bangladesh, India, Burma, Indochina, Sauten Saina, Thailand i go long Malaysia, Laos, Indonesia i go long Niugini na Australia. Long PNG dispela spisis i groa long Nu Briten, Nu Ailan, Sentrel na Galp provins. Em i save groa go daun klostu long nambis. Ol i save groa namel long 250m bihainim ol wara na long ol ples i save kisim namel long 1500 na 5000 milimita.




7cm. Ol pik, bilak bokis, pik na bendikut i save laik kaikaim dispela prut. Yu ken kisim sid bilong em taim em i hangamap long diwai yet o bihain long ol i pundaun lusim diwai. Ol mau prut wantaim mit bilong em i malumalu em yu ken rausim mit bilong em wantaim han na kisim pikinini insait. Sapos mit i strong yet, lusim long ples kol inap mit i malumalu na yu ken brukim wantaim han. Taim sid i kam ausait, lusim i drai inap long tupela de pastaim long yu bungim wantaim o planim. Yu mas putim ol sid insait long ol kontena i gat ai na karamap bilong em. Ol i ken stap inap long 8-pela mun.

***Wanem kain diwai:**
Anthocephalus chinensis i kisim nupela nem na nau nem bilong em Neolamarckia cadamba. Em i save groa hariap tru i go inap long 40 mita samting na namel bilong em i save bikpela inap long 90cm. Het bilong ol yangpela diwai bilong em i save kamap olsem ambrela wantaim planti han diwai long ol bikpela diwai. Ausait skin diwai bilong em i lait na smut taim em i yangpela na grei i go long grei braun taim em i lapun.

Taim bilong em long flaua:
Flaua i save kamap namel long mun Septemba na Desemba. Prut bilong em i save karim planti namel long Januari na Epril. Prut i save lus namel long mun Mei na Ogus. Prut i gat ol liklik pikinini insait long bikpela mit bilong em. Taim prut i go bikpela, em i save tanim yelo na orens taim em i mau. Hevi bilong ol bikpela prut inap long 120 grem na namel bilong em i stap namel long 6 na

Yu ken yusim: Diwai bilong em i wait wantaim wanpela yelo kala na em i save senis taim i stap ausait long win. Diwai bilong em i gutpela long mekim pepa. Yu ken yusim olsem paiawut, plaiwut, faiba bod, masis, sop stik, kanu, kaving na sia tebol bilong haus kuk. Ol i save planim long ples we i nogat moa diwai. Ol lip na skin diwai bilong em ol i save yusim olsem bus marasin. Labula em yu ken givim long ol enimol na ol i save kaikaim prut bilong em.


Rot bilong groim: Tromoim ol liklik sid bilong em antap long ol sid trei, ol yu ken miksim i go insait long wesana. Yu ken putim antap long pepa i wet wantaim wara. Em i save stat gro bihain long 8-pela de na i go inap 14 de bihain. Taim ol sidling i tripela wik na longpela bilong em inap long 3cm na i gat tupela lip tasol, yu ken planim long ol bikpela pot na putim long ples kol we i save kisim liklik san tasol.



MCCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Long kisim tok stia long olgeta wok diwai"

Nupela balus sevis



OPIM HAN: Wantaim nupela balus bilong ol, Mista Wild i bilip Airlines PNG bai kamapim gutpela sevis long ol pipel.

Andrew Molen i raitim

NAMBAWAN Boeing 737 balus bilong wanpela Papua Niugini kampani nau bai kam wantaim nupela bisnis klas sevis long kantri.

Airlines PNG i tokaut long nupela balus na sevis bilong ol las wik long Pot Mosbi we ol i bilip bai helpim gut ol pipol.

"Planti moa pipel i laik raun i go aut long kantri na dispela balus bai kamapim gutpela sevis long ol," Menesing Dairekta bilong Airlines PNG, Simon Wild i tok.

Dispela balus, Boeing 737 bai ron namel long Pot Mosbi na Brisbane, Australia.

Narapela intanesenel sevis bilong ol i save yusim Fokker Dash-8 balus we i save ron long Pot Mosbi na Cairns.

"Dispela sevis bilong mipela long Cairns wantaim Dash-8 i no i

nap na mipela i laik givim moa long ol pipol.

"Dispela Boeing 737 i bikpela moa na i ken karim 60-pela pasindia long bisnis klas level," Mista Wild i tok. Em i tok sevis bilong dispela balus bai gat gutpela kaikai na dring bilong ol pasindia na ron bilong balus tu i hariap na gutpela tru.

Ol i kisim tok orait long gavman pinis na nambawan ron bilong balus bai kamap long 21, Ogas.

Aus Jet, wanpela kampani long Australia i rentim dispela balus i kam long Airlines PNG.

"Mipela i wok wantaim Aus Jet bilong waneim mipela i painim wanpela kampani we i no bikpela tumas tasol i gat i nap save na samting long helpim mipela na kamapim gutpela wokbung."

Mista Wild i tok. Long wankain taim Deputi Praim Minista na Minista bilong Sivil Eviesen na

trenspot, Don Polye i tok amamas long Airlines PNG.

"Mi laikim kain samting i kamap long ol balus sevis bilong yumi," Mista Polye i tok.

Em i tok planti moa balus kampani mas kamapim kain sevis olsem na em i lukluk long sampela ol intanesenel balus kampani long kam insait long PNG.

"Dispela kain sevis bai kamapim gutpela kompetisen o resis we bai daunim prais bilong tiket long ol manmeri," Mista Polye i tok.

Sekreteri bilong trenspot dipatmen, Henry Parakei tok ol i askim ol intanesenel balus kampani long ronim balus bilong ol insait long PNG.


"Mipela bai no i nap pasim wanpela laisens long wanpela balus sapos ol i laik ron i go long ol ples we Air Niugini save i go, em bisnis ya, ol i ken resis wantaim," em i tok.

FACT FILE

| | |
|-------------------------|---|
| Nem bilong balus | - Boeing 737 |
| Balus bilong husat | - Aus Jet i rentim i kam long Airlines PNG |
| Pasindia em i ken karim | - 60 long bisnis klas |
| Hevi bilong en | - 26,581kg |
| Longpela bilong en | - 29.54m |
| Bikpela bilong en | - 3.76m (bel) |
| 28.35m (wing) | |
| Strong bilong en | - Tupela bikpela jet enjin i stap aninit long tupela wing |

Cat® 120H Motor Grader

blends productivity and durability to give you the best return on investment.



Matched and Balanced Components

The Cat® 3126B DITA ATAAC is designed to handle the tough loads. Variable Horsepower matches torque curves to the gear to maximize response, power and efficiency. Dual air system and multi-disc oil brakes assure reliable braking control.

Operator's Station

Low-effort blade controls, electronic throttle control, EMS III monitoring system, and improved ventilation provide world-class operator control and comfort. Excellent visibility to the front and rear increase operator confidence and productivity.

Servicability

Caterpillar® re-engineered inspection and service points, grouping them into a convenient ground level 'service center'. Ground level fueling and extended engine and hydraulic oil change intervals help minimize downtime.

Hastings Deering



Product People Commitment.
We deliver.

PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

| | PHONE | FAX |
|---------|----------|----------|
| LAE | 472 2355 | 472 1477 |
| TABUILL | 548 9162 | 548 9155 |
| RABAUL | 982 1244 | 982 1129 |
| LHIR | 986 4105 | 986 4107 |
| KIMBE | 983 5144 | 983 5144 |



(Antap) LIDA: BB Trading tim husat i go pas long Goroka lig resis.

HOLIM EM: Difens bilong Univesiti Piggies i bin traim strong tru long pasim ol fowet bilong Kone Sharks long POM Ragbi Union salens.



SKOA: Taim bilong skoa long baskebal i save kamapim planti stail.

MEKIM SAVE: Ol meri tu i save hatim skin stret insait long Gerehu kantri soka salens.



KILIA: Ol Uni Bulldogs mangi i laik pasim dispela pilaia bilong Difens long kik tasol em strong tumas.

PULIM BAL: Wol kap i mekim na intres bilong soka i go bikpela olsem ol mangi long Gerehu kantri soka.

Ol Foto Andrew Molen.

NRL Dro
Raun 19
Fraide 14/07/06

7:30 Dragons vs Bulldogs

Sarere 15/07/06

5:30 Warriors vs Eels
 7:30 Panthers vs Cowboys
 7:30 Rabbits vs Sea Eagles

Sande 16/07/06

2:30 Knights vs Storm
 3:00 Raiders vs Tigers
 3:00 Roosters vs Sharks
 Bai: Broncos

SP Kap Dro
Raun 11

Sande 16/07/06

3:00 Gurus vs Warriors (Lae)
 3:00 Bulldogs vs Mloks (Wabag)
 3:00 Raiders vs Cowboys (Mt Hagen)
 3:00 Bombers vs Muruks (Madang)

POMNA WEEKEND DRAWS

Week 7 (seven) - Season Proper
Date: Saturday 12th July, 2006

JUNJORS

| Division | Time | Teams | Courts |
|----------|-------|---|--------|
| U10A | 08:00 | Ted Diro 1 Vs Monier Paramana 1 | 1 |
| U10A | 08:00 | Esco Telstars 1 Vs Kingston Sparrows 1 | 2 |
| U10A | 08:00 | Pharmacy Rebels 1 Vs Snax Mermaids | 3 |
| U10B | 08:00 | Kingston Sparrows 2 Vs St Theresa's Primary | 4 |
| U10B | 08:00 | Gerehu Primary Vs Monier Paramana 1 | 5 |
| U10B | 08:00 | Philip Aravure Vs Esco Telstars 2 | 6 |
| U13A | 09:00 | Monier Paramana 1 Vs Gerehu Primary | 1 |
| U13A | 09:00 | Kingston Sparrows 1 Vs Snax Mermaids 1 | 2 |
| U13A | 09:00 | Esco Telstars 1 Vs City Pharmacy Rebels 1 | 3 |
| U13A | 09:00 | Bye Vs Aroma Coast | |
| U13B | 09:00 | St Theresa's Primary Vs June Valley | 4 |
| U13B | 09:00 | Ted Diro 1 Vs Kingstons Sparrows 2 | 5 |
| U13B | 09:00 | Snax Mermaids 2 Vs Wardstrip Primary | 6 |
| U13B | 09:00 | Bye Vs Esco Telstars 2 | |
| U13C | 09:00 | Gerehu Primary Vs Bavaroko | 7 |
| U13C | 09:00 | Philip Aravure Vs St Michaels | 8 |
| U13C | 09:00 | Snax Mermaids 3 Vs Sevese Morea | 9 |
| U13C | 09:00 | Bye Vs Waigani Primary | |
| U15A | 10:00 | Monier Paramana Vs Esco Telstars | 1 |
| U15A | 10:00 | June Valley Vs City Pharmacy Rebels | 2 |
| U15A | 10:00 | Sevese Morea Vs Snax Mermaids | 3 |
| U15B | 10:00 | Ted Diro Vs St Michaels Primary | 4 |
| U15B | 10:00 | Bavaroko Primary Vs St Theresas Primary | 5 |
| U15B | 10:00 | Aroma Coast Vs Kingston Sparrows | 6 |
| U15C | 10:00 | Wardstrip Primary Vs Waigani Community | 7 |
| U15C | 10:00 | Gerehu Primary Vs Snax Mermaids 2 | 8 |
| U15C | 10:00 | Kingston Sparrows 2 Vs Philip Aravure | 9 |
| U17A | 11:00 | City Pharmacy Rebels 1 Vs Esco Telstars | 1 |
| U17A | 11:00 | Monier Paramana Vs PRK Amoana | 2 |
| U17A | 11:00 | Snax Mermaids Vs Kingston Sparrows | 3 |
| U17B | 11:00 | Sevese Morea Vs Hohola Youth | 4 |
| U17B | 11:00 | Snax Mermaids 2 Vs Bavaroko Primary | 5 |
| U17B | 11:00 | Waigani Community Vs Kila Kila Secondary | 6 |
| U21A | 12:00 | Monier Paramana Vs PRK Amoana | 3 |

| | | | |
|------|-------|---------------------------------------|---|
| U21A | 12:00 | Saturday 2 Ltd Vs Esco Telstars | 4 |
| U21A | 12:00 | City Pharmacy Rebels Vs Snax Mermaids | 5 |
| U21B | 12:00 | Kingston Sparrows Vs Hohola Youth | 6 |
| U21B | 12:00 | Taraga Dragons Vs Kila Kila Secor | 7 |
| U21B | 12:00 | Boku Vs Veupuna | 8 |

NOTE: ALL TEAMS ARE UMPIRES FOR DIVISIONS SO WILL RESULT IN DEDUCTION FROM POINTS TABLE PER PROVIDE RE TO DO F 1 POINT

SENIORS

| | | | |
|------------------------------|--------|------------------------------------|------|
| Premier | 12:00 | Kingston Sparrows Vs Snax Mermaids | 2 |
| Premier | 1:30pm | Esco Telstars Vs Monier Paramana | 2 |
| Premier | 3:00pm | City Pharmacy Rebels Vs PRK Amoana | 2 |
| Div 1 | 1:00pm | Kingston Sparrows Vs City Pharmacy | 3 |
| Div 1 | 2:00pm | Kawaimini Vs Snax Mermaids | 3 |
| Div 1 | 3:00pm | Monier Paramana Vs Esco Telstars | 3 |
| Div 2 | 1:00pm | Saturday 2 Ltd Vs Esco Telstars | 4 |
| Div 2 | 2:00pm | PRK Amoana Vs Saina Hauna | 4 |
| Div 2 | 3:00pm | Snax Mermaids Vs KIS 1 | 4 |
| Div 3 | 1:00pm | Poinimo Vs Boku | 5 |
| Div 3 | 2:00pm | Veupunama 1 Vs Esco Telstars | 5 |
| Div 3 | 3:00pm | Island Girls Vs Saturday 2 Ltd 2 | 5 |
| Div 4 | 1:00pm | KIS 2 Vs Veupunama | 6 |
| Div 4 | 2:00pm | Aroma Coast Vs Monier Paramana | 6 |
| Div 4 | 3:00pm | PNG Sports Comm 1 Vs PRK Amoana | 6 |
| Div 5 | 12:00 | Taraga Dragons 1 Vs Gerehu Snrs | 1 |
| Double-up game | | | |
| Div 5 | 1:00pm | PNG Sports Comm 2 Vs Gerehu Snrs | 7 |
| Div 5 | 2:00pm | Lucky Stars Vs Taraga Dragons | 7 |
| Div 5 | 3:00pm | Marokele Vs Dolphins | 7 |
| Div 5 | 4:00pm | Gavuone 1 Vs Lucky Stars | |
| Double-up game | | | |
| Div 6 | 12:00 | Veupunama 3 Vs Amoana | 8 |
| Double-up game | | | |
| Div 6 | 1:00pm | Amoana 4 Vs Aroma Coast 2 | 8 |
| Div 6 | 2:00pm | MT Gaidis Vs Gavuone 2 | 8 |
| Div 6 | 3:00pm | Taraga Dragons Vs Seagulls | 8 |
| Div 6 | 4:00pm | Tipuhe Vs Veupunama 3 | 8 |
| 1668 SPOT DRO | | | |
| RAGBI | | | |
| POT MOSBI | | | |
| Sarere Julai 15, 2006 | | | |
| PRL 1 | 9:30 | Hawks vs Waliya | U19 |
| | 10:30 | Dobo Warriors vs Puma | B |
| | 12:00 | Hawks vs Waliya | A |
| | 01:30 | Dobo Warriors vs Puma | A |
| | 03:00 | Tarangau vs Wests | A |
| PRL 2 | 09:00 | Souths vs Kone Tigers | U/19 |
| | 10:30 | Tarangau vs Wests | U/19 |
| | 11:00 | Souths vs Kone Tigers | B |
| | 12:00 | Tarangau vs Wests | B |
| Sande Julai 16, 2006 | | | |
| PRL 1 | 09:30 | Dobo Warriors vs Puma | U/19 |
| | 10:30 | Royals vs Paga Panthers | A |
| | 12:00 | Souths vs Kone Tigers | A |
| | 01:00 | Defence vs Butterflies | A |
| | 03:00 | Brothers vs Magani | A |
| PRL 2 | 09:30 | Brothers vs Magani | U19 |
| | 10:30 | Hawks vs Waliya | B |

| | | | |
|-------|--------------------|-------------------------|------|
| 12:00 | Brothers vs Magani | B | |
| PRL 3 | 09:00 | Royals vs Paga Panthers | U/19 |
| | 10:30 | Defence vs Butterflies | U/19 |
| | 11:00 | Royals vs Paga Panthers | B |
| | 12:00 | Defence vs Butterflies | B |

SOKA PMSA

Sarere Julai 15, 2006

| | | | |
|----------|-------|----------------------------|------------|
| Bisini 1 | 08:00 | Souths Utd vs Naniu | Hills U/21 |
| | 09:10 | UBOG vs Markham Yarangs | D2 |
| | 10:20 | Blue Kumuls vs LBC Defence | PR |
| | 11:20 | Kuruti Andra vs Los Negros | D1 |
| | 12:30 | PS Rutz vs Guria | U/21 |
| | 01:30 | Telikom vs Guria | WP |
| | 02:30 | Rapatona vs Hills Naniu | PREM |
| Bisini 2 | 08:00 | Blue Kumuls vs LBC Defence | U/21 |
| | 09:10 | Sunset vs Verave | D1 |
| | 10:20 | PS Rutz vs Guria | PR |
| | 11:20 | Lamana vs Souths.Utd | WP |
| | 12:30 | LBC Defence vs Sobou | W1 |
| | 01:20 | University vs PS Rutz | WP |
| | 02:30 | Souths Utd vs LBC Defence | PREM |

Sande Julai 16, 2006

| | | | |
|----------|-------|----------------------------|------|
| Bisini 1 | 08:00 | Maset vs Nuania | D3 |
| | 09:10 | Manambu vs Bavaroko | D1 |
| | 10:20 | University vs Mirel Momase | U/21 |
| | 11:20 | B Mobile vs Badili Utd | D1 |
| | 12:30 | PNG Gardener vs Los Negros | WP |
| | 01:20 | Cosmos vs Rapatona | PR |
| Bisini 2 | 08:00 | Cosmos vs Rapatona | U/21 |
| | 09:10 | Murat vs Tawala | W1 |
| | 10:00 | Mungkas vs Tawala | D1 |
| | 11:10 | University vs Mirel Momase | PR |
| | 12:00 | WMI vs Rapatona | WP |
| | 01:20 | University vs Blue Kumuls | PREM |
| | 02:20 | Cosmos vs Guria | PREM |

Sir John Guise Stadium

| | | | |
|--------|-------|----------------------------|------|
| Oval 1 | 08:00 | Badili Utd vs Los Negros | U21 |
| | 09:00 | Hills Naniu vs LBC Defence | W1 |
| | 10:00 | Telikom vs Mclarance | D2 |
| | 11:00 | Tarangau vs PNG Gardner | D2 |
| | 12:00 | Jaha vs Fernor | D2 |
| | 01:00 | Los Negro vs POMIS | U/21 |
| | 02:00 | Bavaroko vs Badili Utd | U/21 |
| | 03:00 | Apex vs DBTI | D3 |
| | 04:00 | Nuani vs Moonbi | D3 |
| Oval 2 | 08:00 | POM Tech Coll vs Sobou | U/21 |
| | 09:00 | Maset vs Sobou | D3 |
| | 10:00 | Manabu vs Jaha | W1 |
| | 11:00 | Apex vs Eastern | D3 |
| | 12:00 | Maset vs Moonbi | D3 |
| | 01:00 | Markham Yarangs vs Mungkas | W1 |
| | 02:00 | POM Tech vs BMobile | U/21 |
| | 03:00 | Sobou vs Raitman | D3 |
| | 04:00 | Sobou vs Los Negros | U/21 |

Sande Julai 16, 2006

| | | | |
|--------|-------|----------------------------|------|
| Oval 1 | 08:00 | Apex vs Jovu Extracts | D3 |
| | 09:00 | DBTI vs Eastern | D3 |
| | 10:00 | Nomads vs Raitman | D3 |
| | 11:00 | Sobou vs DBTI | W1 |
| | 12:00 | Souths vs Hills Naniu | PR |
| | 01:00 | Sunset vs Tawala | W1 |
| | 02:00 | PNG Gadener vs Manambu | U/21 |
| | 03:00 | Sobou vs LBC Defence | W1 |
| | 04:00 | Aigob vs Raitman | D3 |
| Oval 2 | 08:00 | Manabu vs Mungkas | U/21 |
| | 09:00 | Papita vs Sobou | D3 |
| | 10:00 | Nuaini vs Raitman | D3 |
| | 11:00 | Moonbi vs Eastern | D3 |
| | 12:00 | Nuaini vs Apex | D3 |
| | 01:00 | Papita vs Watuluma | D3 |
| | 02:00 | BMobile vs Markham Yarangs | U/21 |
| | 03:00 | Apex vs Watuluma | D3 |
| | 04:00 | DBTI vs Moonbi | D3 |

Bai: Ela Utd (D2), Sunset (W1), Mungkas (U/21)

Namel long wik:

| | | | |
|----------|-------|-------------------------|------|
| Bisini 2 | 04:00 | PS Rutz vs Mirel Momase | PREM |
|----------|-------|-------------------------|------|

GEREHU COUNTRY FOOTBALL ASOC.

Sarere Julai 15, 2006

| | | | |
|----------|-------|----------------------------|----|
| Ground 1 | 09:00 | Taritos vs Bradlies | D1 |
| | 10:00 | Nubai vs Cousins | D1 |
| | 11:00 | Gerehu Secondary vs Kaputs | PR |
| | 12:00 | Guni Ema vs Sovenor | D1 |
| | 01:00 | Out Cast vs Masecas | W1 |
| | 02:00 | Gerehu Secondary vs Kaputs | P |
| | 03:40 | Out Cast vs Masecas | P |

Ground 2

| | | |
|-------|------------------------------|----|
| 09:00 | MG2 vs DS United | PR |
| 10:00 | Masecas vs Out Cast | PR |
| 11:00 | Saints vs VKS | W1 |
| 12:00 | Guni Ema vs Gerehu Secondary | W1 |
| 01:00 | Wari Knights vs Lae Biscuits | W1 |
| 02:00 | MG3 vs Lae Biscuits | WP |
| 03:00 | Moale Youths vs VKS | D1 |

Sande Julai 16, 2006

Ground 1

| | | |
|-------|--------------------------|----|
| 11:00 | Yamaros vs Hard Rocks | PR |
| 12:00 | Cloudy Bay vs Sainths | D1 |
| 01:00 | Nari Knights vs Koigaibu | D1 |
| 02:00 | Yamaros vs Hard Rocks | P |
| 03:40 | MG3 vs DS United | P |

Ground 2

| | | |
|-------|--------------------------|----|
| 11:00 | Cloudy Bay vs Laurator | W1 |
| 12:00 | Taritos vs Bradlies | W1 |
| 01:00 | Yamros vs Moale Youths | WP |
| 02:00 | Koigaibu vs Kaputs | WP |
| 03:00 | Lauretor vs Lae Biscuits | D1 |

Bai: Hard Rocks (WP), Sovenor (W1)

BASKETBOL

KAPITEL BASKETBAL LIG

Sarere Julai 15, 2006

| | | | |
|-------|-------|------------------|---------|
| Kot 1 | 10:00 | Saints vs Souths | U19B |
| | 11:15 | Saints vs Souths | U19G |
| | 12:30 | Saints vs Souths | Res Wom |
| | 01:45 | Saints vs Souths | Res Men |
| | 03:15 | Saints vs Souths | A Wom |
| Kot 2 | 10:00 | Titans vs Exodus | U19B |
| | 11:15 | Titans vs Exodus | U19G |
| | 12:30 | Titans vs Exodus | Res Wom |
| | 01:45 | Titans vs Exodus | Res Men |
| | 03:15 | Titans vs Exodus | A Wom |

Sande Julai 16, 2006

| | | | |
|-------|-------|-----------------|---------|
| Kot 1 | 10:00 | Charlot vs Jazz | U19B |
| | 11:15 | Charlot vs Jazz | Res Wom |
| | 12:30 | Charlot vs Jazz | A Wom |
| | 01:45 | Charlot vs Jazz | A Men |
| Kot 2 | 10:00 | Charlot vs Jazz | U19G |
| | 11:15 | Charlot vs Jazz | Res Men |
| | 12:30 | Charlot vs Jazz | A Men |
| | 01:45 | Charlot vs Jazz | A Men |

VOLIBOL

FAIRFAX

Taurama Lesa Senta

Sande Julai 15, 2006

| | | | |
|-------|-------|---------------------------|----|
| Kot 1 | 08:30 | Fire Defence vs Telikom | MB |
| | 09:50 | Kakidos vs Romez Flyers | MA |
| | 11:10 | Esi Loan Giro vs TI Doria | MP |
| | 12:30 | Vearima vs GIG Neibas | MP |
| | 01:50 | Telikom vs Freeway Hox | MP |

Kot 2

| | | |
|-------|-------------------------------|----|
| 08:30 | Romanz Flyers vs Fire Defence | WB |
| 09:50 | TI Doria vs Vearimo | WA |
| 11:10 | GIG Neibas vs Dolphines | WP |
| 12:30 | Telikom vs Freeway Hox | WP |
| 01:50 | Trans Hiway vs Esi Loan Giro | WP |

Kot 3

| | | |
|-------|-------------------------------|----|
| 08:30 | Romez Flyers vs TI Doria | MB |
| 09:50 | Vearimo vs Freeway Hox | MB |
| 11:10 | Kakidos vs Lagoons | MA |
| 12:30 | Dolphines vs Highway Dust | MA |
| 01:50 | Trans Highway vs Coastfield</ | |

SAMPELA BIKPELA MAK BIHAIN LONG PILAI

- 32 tim i bin kamap long Jemeni 2006 FIFA Wol Kap pilai
- ITALI winim 2006 FIFA Wol Kap
- FRANS kepten Zinedine Zidane winim vot bilong adidas Golden Bal
- JEMENI Miroslav Klose winim vot bilong adidas Golden (soka) But
- ITALI Gianluigi Buffon winim vot bilong Lev Yashin Awot long kamap olsem namba wan gol kipa
- BRAZIL na Spain winim vot bilong Fea Pilai Tim awot
- OL top gol skora Miroslav Klose (Jem) 5, Hernan Crespo (Arg) 3, Ronaldo (Bra) 3, Zinedine Zidane (Fra) 3, David Villa (Spain) 3, Fernando Torres (Spain) 3, Maxi Rodriguez (Arg) 3, Thierry Henry (Fra) 3 na Lukas Podolski (Jem) 3 na
- HET toktok bilong dispela FIFA Wol Kap pilai em "Taim Bilong Mekim Pren" na dispela long ai bilong ol ogeaisa i karim kaikai taim olgeta lain i kamap i stap gut, pilai wantaim na mekim pren.

Podolski, pilaiia em ai bai stap long en

TUPELA yia i go pinis Podolski i straika bilong Jemeni Anda 19 tim tasol kain gutpela pilai bilong em na Jemeni i kisim em long sinia tim bilong em.

Em i skoaim tripela gol olgeta long dispela FIFA Wol Kap na long dispela en i kisim vot long win na kamap namba wan pilaiia long Gillette Yangpela Pilaia.

Na em i 21 na aste yet dispela manki i mekim planti Yuropian klab i seksek long kisim em long pilai long sait bilong em. Nau yet em i pilai long FC Cologne Yut tim.

Tasol em i tok bihain long Cologne em i tingting long joinim Spain klab em FC Barcelona long 2007. Barcelona em tim wol biknem pilaia Brazil Ronaldihno i pilai long en. Narapela Spain klab

FC Madrid em ol arapela wol biknem soka pilaia olsem Frans Zinedine Zidane, Ingran David Beckham na Brazil Ronaldo.

Long taim em i wok long gat kain tingting nem bilong em i wok long pairap strong namel long ol yangpela na planti ol soka manmeri.

"Em i yangpela yet tasol pilai bilong em i luk olsem em i wanpela bikpela soka pilaia," Bayern kosa Felix Magath i tok. "Em i gat planti strong yet long kamapim."

Na long Podolski yet em i tok, "Long wanem ol taim mi stap wantaim Jemeni skwat mi save lukluk gut long ol pilaia olsem Oliver Kahn na Michael Ballack. I gat planti samting em mi mas lainim long ol."




MI KAM: Bihain long em i bung wantaim wanpilaia Miroslav Klose long skorim tripela gol long dispela FIFA Wol Kap na kain pilai em i kamapim ai bilong planti wol soka lain bai stap long em long dispela taim i go.

2006 FIFA WOL KAP RIVIU LONG SAMPELA TIM

WINA - Itali

Itali Azzuri tim i winim 2006 FIFA Wol Kap long namba foa taim bihain long ol i traim olgeta strong inap long penolti sut aut. Long mak bilong pilai bilong ol long raun 16, kwata fainol, semi fainol na gren fainol planti ol sapota bilong soka bai tok stret olsem tim bilong kosa Marcello Lippi i mas kamap wina.

RANAP - Frans



SORI TUMAS: Frans kepten Zinedine Zidane i wok-about go aut long pilai graun bihain long em i kisim ret kat long referi long em i mekim asua long bengim fohet bilong em i go long bros bilong Itali midfila Marco Materazzi.

Bihain long ol i kisim strong long Zinedine Zidane inap long em i kisim ret kat na go aut dispela kala blu tim i mekim planti i manmeri i kirap nogut long ol i mas i go moa inap long las hap bilong pilai em long go insait long penolti sut aut long dispela wik Mande moning. Ol i no bin luk strong long ol pilai long grup bilong ol tasol bihain long dispela ol i kisim strong na pilai gut long ol nokau raun we ol i winim ol tim olsem Spain, Brazil na Portugal.

Namba tri- Jemeni

Tim we i kamapim bikpela mak bilong skoa long dispela tonamen i stilim tingting bilong planti manmeri long wei ol i pilai wantaim dispela strongpela tingting bilong go yet maski pilai i hat.

Namba foa- Portugal

Tim bilong kosa Luiz Felipe Scolari i mekim planti manmeri i kirap nogut long kamap bilong ol long 2006 Jemeni pilai we ol i winim Mexico, Holan na Ingran bipo long ol i go daun long semi fainol long Frans

Kawata fainolis

Argentina

Bihain long sampela gutpela pilai i kamapim taim ol i winim Mexico long raun 16 ol Albiceleste i

go daun long Jemeni long penolti sut aut.

Brazil

Dispela wol sempion we i pilai long painim namba sik FIFA Wol Kap i go daun long Frans. Ol i bin fevoret bilong kap na dispela ol Seiecao bai i no inap long lus tingting.

Ingran

Ol i bungim planti hevi wantaim ol bagarap long ol pilaia bilong ol na olsem dispela i no bin helpim ol long go moa. Na gen penolti sut aut i wanpela samting em ol Ingran i no gutpela long en, dispela i lukim ol i no bihainim tingting em planti manmeri i gat long ol olsem ol i wanpela gutpela tim long win.

Ukraine

Kosa Oleg Blokin na fes taim FIFA Wol Kap tim bilong em i bin kamapim ol gutpela pilai inap long ol i bungim Itali we i hat moa long ol i winim long Hamburg.

Raun 16

Australia

Tim we planti manmeri i no ting bai i no inap long kamapim strongpela ol pilai na we i stap long ol tim olsem Brazil, Kroesia (Croatia) na Japan dispela tim bilong Holan kosa Guus Hiddink i mekim ai bilong planti manmeri i op long wei em ol Socceros i pilai.

Ecuador

Bipo long tonamen i stat sampela lain i tok ol Saut Afrika bai i no inap pilai gut taim ol i stap longwe long ples bilong ol tasol dispela tingting bilong ol rong taim ol i kamap na pilai.

Ghana

Olsem em i wanpela tim tasol we i makim olgeta kantri long Afrika em i no rong taim ol i tok Ghana tim i "Lewa bilong Afrika" taim ol i go insait long raun 16. Win bilong ol egensim Amerika (USA) na Ripablik bilong Sek (Czech) soim tru dispela tok.

Mexico

Kosa El Tri i no amamas long pinis bilong ol long dispela raun tasol lus bilong ol i go daun long Argentina 2-1 long ekstra taim bai stap long tingting bilong ol olsem em i wanpela namba pilai bilong ol stret.

Holan

Bihain long ol i kwalifai long wanpela grup we i strong tru, tim bilong Marco van Basten i kam klostu long winim Portugal sait long go insait long kwata fainol.

Spain

Wanpela tim em i stap fevoret tu long stap bilong pilai na gutpela mak bilong ol egensim Ukraine, Tunisia na Saudi Arabia Spain i go daun long las minit egensim Frans

Sweden

Bihain long ol i go daun 2-0 long fes 12 minit bilong pilai egensim Jemeni i pinisim ron bilong ol long go moa.

Switzerland

Dispela wina bilong Grup G i no inap long kamapim gutpela mak long tripela penolti sut aut bilong ol egensim Ukraine na olsem ol i mas go aut.

Itali winim 2006 FIFA Wol Kap



YAH: Itali Andrea Pirlo (namel) wantaim tupela wanpilaia Simone Perrotta (rait han) na Fabio Grosso i hapim Wol Kap i go antap long taim ol i kisim welkam amamas long Rom Circle Maximus pilai graun long Tunde dispela wik. Itali i winim namba foa wol kap bilong em long Sande taim em i winim Frans 5-3 long penolti sut aut.

ITALI i winim Frans 5-3 long penolti sut aut long kisim 2006 FIFA Wol Kap taitol long Mande moning dispela wik.

Dispela em bihain long tupela tim wantaim i dro 1-1 long ful 90 minit bilong pilai na bihain long tupela wantaim i dro 0-0 long 10 minit ekstra taim. Na bikpela amamas i kamap long Itali taim tim i go bek long kantri. Long stat planti manmeri i no ting olsem Itali bai go insait long fainol na bihain winim kap tasol dispela ol tingting i lus taim Itali i

soim olsem em inap long go.

Wankain amamas tu i kamap long Frans taim tim i go bek long kantri long Tunde dispela wik maski ol i lus.

Insait long pilai bilong 10 minit ekstra taim na klostu bipo long tupela tim i go insait long penolti sut aut sapos nogat wanpela bilong ol i skoa i lukim Frans kepten Zinedine Zidane i bengim fohet bilong em long bros bilong Itali midfila Marco Materazzi husat i pundaun go daun. Referi i givim ret

kat long Zidane na em i go aut. Na long dispela sampela lain i tok sapos em i no mekim dispela asua na sapos em i stap yet Frans inap long winim. Tasol turangu dispela ol tingting i lus na olsem Itali i mas winim dispela wol kap.

FIFA Wol Kap i save kamap foapela yia bihain na 2010 pilai bai kamap long Saut Afrika.

Las pilai i bin kamap long Saut Korea na Japan long 2002 na dispela em Brazil i winim Jemeni long gren fainol 2-0.

Johns brukim rekot


AUSTRALIA Nesenel Ragbi pilaia long dispela taim Andrew Johns i bin gat planti tingting long las wik Sande bihain long em i brukim rekot bilong skorim bikpela namba bilong poin long NRL resis histri em 2, 107.

Olpela rekot em 2,105 em Jason Taylor i skorim. Dispela long wanem Johns i bin hop long amamasim nupela rekot bilong em wantaim gutpela mak bilong pilai long las wiken tasol dispela i no bin kamap.

Abrus em wantaim tim bilong em Newcastle Knights i go daun long Parramatta Eels 46-12. Na dispela Johns i pilim i no gutpela na i no gutpela long anamas.

Em i tok sapos em i save olsem ol bai lus em bai i no inap long kikim tupela poin tasol bikos em i namel bilong pilai em i mas mekim.

"Mi pilim bikpela sem. Mi no bin save



MEKIM REKOT: Hap bek Andrew Johns i brukim rekot olsem top NRL poin skora. *AAP/Michael Chambers.*

olsem dispela kain mak bai kamap," Johns i tok. "Mi save bal i stap na olsem mi mas kisim tasol leva bilong mi i bruk na mi laik lusim olgeta samting."


"Mi save dispela rekot bai bruk long liklik taim yet long wanem sampela ol pilaia i wok long kisim gut ol poin. Ol pilaia olsem Hazem El Masri," Johns i tok.

Panthers lusim Gower tasol lukim win

PENRITH Panthers i lusim NSW hapbek Craig Gower long namba wan hap yet tasol i pait hat long winim Canberra Raiders

24-12 long pilai bilong ol long las wik pilai. Gower husat i kepten bilong Panthers i kisim bagarap long lek bilong em. Ol opisel bilong

Panthers i wari olsem Gower i wok long kisim planti bagarap long bodi bilong em long sisen na olsem em i no bin pilai long dispela ol taim.



LAIK LUSIM: Pilai meka bilong Cowboys Brett Firman i traim long rausim bal i go long wan pilaia bilong em taim tim bilong em i pilaim Panthers lonf wanpela NRL gem. *AAP/Grant Trouville.*

Rabbitohs Webb no amamas long referi

MASKIM ol i go daun long St George Illawara Dragons 38-28 Saut Sidni Rabbitohs Stuart Webb i tok wei em referi na vidio referi i mekim i lukim ol i lus long Dragons.

Em i tok i gat wanpela trai we poin bilong em i bikpela long helpim ol i go moa long win tasol kain jas bilong vidio referi i mekim na ol i lus. Long dispela taim tupela wantaim i putim sikspela taim.

Laspela trai bilong Dragons i mekim em i putim sevenpela trai olgeta. Na win bilong Dragons i mekim ol i kamapim sevenpela stret win bilong ol long sisen.

Schifcoske kisim ofa

CANBERRA Raiders i ofaim fulbek Clinton Schifcoske i pait hat strong long pasim em long em i no ken lusim ol na go long narapela klab. Nau yet Schifcoske i wok long tingting long lusim ol na go joinim Supa 14 ragbi yunion tim em Kwinnsen Reds long stap pilai long tripela yia olgeta. Tasol ol Raiders i luk olsem bai traim long hapim pe bilong em i go antap long stopim em long em i no ken lusim ol i go. Em i wanpela man husat i helpim Kwinnsen Maroons long winim Nu Saut Wels long namba tri na fainol 2006 Orijin pilai long Trinde i go pinis.

Bihain long raun 17

Bihain long raun 18 em i taim bilong brukim ol tim i go long tripela grup- ol lain tim we i stap bilong mak bilong go insait long fainol, ol tim we i gat liklik sans long go insait na ol tim we i nogat hop bilong go insait.

Long dispela taim ol top 8 tim

em Storm we ol i ron wantaim 30 poin, Dragons (26), Broncos (24), Bulldogs (24), Sharks (22), Cowboys (20), Sea Eagles (20) na Knights (20).

Ol tim we i gat liklik sans em Tigers, Raiders na Panthers we olgeta i serim 18 poin. Ol arapela tim we i ron bihain em Eels (16),

Warriors (14) na ron bihain tru em Rabbitohs (14).

I gat eitpela raun wantaim dispela wiken pilai i stap yet bipo long ol top eit tim tasol i pilai long raun robin long go insait long fainol long Semptemba.

Ben Roberts helpim Bulldogs winim Warriors

GUTPELA Benji Marshall-stail flik pas i go long senis pilaia Ben Roberts i em i putim trai long mekim Bulldogs i go moa yet long winim Nu Silan Warriors 22-18 long las Sande pilai.


Tupela tim i lok 18-18 long haptaim we skoa i stap olsem inap long klostu pinis bilong pilai i lukim trai bilong Roberts i kisim ol win.

Bulldogs pilai-meka Sonny Bill Williams i tok amamas long Roberts long trai bilong em. Na wanpela samting em i lainim long dispela namba wan NRL pilai bilong em olsem yu no ken kros sapos Mark O'Meley i singaut strong long yu.

Na tru yet O'Meley em man husat i lukautim ron bilong pilai bilong ol Bulldogs long dispela pilai.

Tigers i gat hop o nogat?

NRL primia difening sempion West Tigers i mekim olgeta samting long mekim long klostu top 8 tim long long NRL resis long taim ol i winim Cronulla Sharks 22-10 las Sande. Na lus bilong ol Cronulla lusim ol long namba faiv ples. Tasol askim nau i stap yet wantaim ol Tigers, inap long ol i go moa yet wantaim lus bilong pilai-meka Benji Marshall? Na yes pilai bilong las wik i tokaut olsem ol inap. Dispela long wanem ol i gat sampela ol gutpela pilaia long go pas long ol. Ol i gat fulbek Brett Hodgson na hapbek Scott Prince.



MI STAP YET: Melbon Storm bipo fulbek Billy Slater i kambek long fes gret long pilai las Fraide nait we i lukim em i helpim ol Storm gut long winim Brisben Broncos 10-4.

Storm wasim Broncos

BIPO Storm fulbek Billy Slater i mekim gutpela kambek long las Fraide nait pilai long helpim ol Storm i pasim strongpela Broncos sait 10-4. Na dispela i lukim tu bikpela namba bilong ol manmeri we i sanap olsem 15,479 long kamap long Olimpik Pak long Melbon long lukim pilai.

Kain namba bilong ol manmeri i no bin kamap bipo. Na kambek bilong Slater i lukim em i setim wanpela trai we Steve Turner i skoa na narapela em yet i skorim. Ol Broncos i traim planti taim long skoa tasol oltaim ol Storm i sanapim strongpela banis we i lukim ol Storm i win.

As bilong Firman i laik lusim Cowboys

COWBOYS pilai-meka Brett Firman i wari long go long ples na olsem em i laik long lusim dispela AUS\$130,000 (K300,000). Dispela 24-yia hapbek i no amamas long em i bin kamap long 7-pela NRL pilai tasol long dispela sisen. Nau yet em i tingting long lusim ol, maski dispela i min olsem em i mas lusim hap pe bilong kontrak mani em i sainim wantaim Cowboys menesmen.

"Mi no amamas long wanpela wiken mi stap insait na narapela wiken mi stap aut," Firman i tok. "Mi pilim olsem wok bilong mi olsem profesinol pilaia i stap long bung rot, go bagarap o nogat."

"Kain mak olsem i save daunim spirit tasol mi save mi gat inap strong long helpim tim."

Ol referi no kisim gutpela sapot: Harrigan



LAIKIM SAPOT: Bipo Australia NRL biknem referi Bill Harrigan no amamas long ol toktok.

AUSTRALIA bipo biknem referi Bill Harrigan i no amamas long kain ol toktok em manmeri i givim long ol long wok bilong ol olsem ol referi.

I no longtaim nau planti ol tok krangki i wok long kam long ol televisen man olsem Phil Gould, Bob Fulton, Peter Sterling na Ray Hadley.



EM BAI STAP: Ful bak bilong West Tigers Brett Hodgson i bai holim yet posisen bilong em na i no nap surik i go olsem hapbek.

Hodgson i bikpela mangi tumas

WEST Tigers kosa Tim Sheens i tok fulbek Brett Hodgson i bikpela manki tumas long NRL moa long Kiwi pilaia em Benji Marshall husat i stap pilai wantaim ol. Marshall i wanpela pilai-meka bilong Tigers long dispela taim tasol nau yet i kisim bikpela bagarap na olsem em bai i no inap pilai long olgeta bilong dispela sisen. Tasol Sheen husat i gat foapela primiasip taitol aninit long nem bilong em olsem kosa i tok Hodgson bai i no inap long bihainim lek bilong Brisben Broncos pilaia Darren Lockyer long lusim fulbek ples na go long faiv eit ples.

SPOT RAUN



wantaim

SCOTT VAVINE

Soka klab sempionsip

POT Mosbi Yunivesiti Klab nau i kamap nupela sempion bilong PNG bihain long ol i autim tiket bilong Sobou bilong Lahi soka asosiesen bilong Lae long penolti sut au long las wiken.

Na John Davani klab i mas wet 6-pela yia olgeta bipo long ol i lukim kaikai bilong hatwok bilong ol. Sobou i wok long holim dispela taitol dispela ol yia.

Na Sobou husat i bin lukautim dispela taitol long planti ol yia i gat nem tu long kantri na long Saut Pasifik. Tasol moa yet long nesenol level. Na long ol pilai bilong ol long narapela kantri Sobou i no bin mekim gut tumas.

Las taim ol i go em long dispela yia we ol i go long Nu Silan we ol i kisim bikpela bagarap long han bilong ol arapela Saut Pasifik kantri na Nu Silan wantaim.

Tasol maski long dispela long lokol level Sobou i bin soim ol arapela klab olsem sapos ol i laik win ol i mas pulim soken bilong ol. Sapos nogat ol bai godaun. Na dispela i tru bikos planti ol arapela klab i no pilai long mak bilong ol.

Nau Yunivesiti i gat nem tu. I tru em i tim bilong bikpela skul tasol sampela pilaia i no ol skul manki. Em ol wokman husat i joinim klab na pilai. Na mi gat bilip long kosa Davani husat i gat bikpela save long strongim ol tim bai helpim klab long kamapim ol gutpela mak long nesenol level na long ol pilai bilong ol long narapela kantri.

Long helpim ol yumi mas lukluk long sampela ol hap we i ken givim tingting long ol.

Sampela long dispela ol samting em:

- KOSA i mas givim inap taim long ol pilaia na klab bilong em long save gut long ol;
- EM i mas kamapim gutpela tim spirit namel long ol pilaia. Dispela em olsem ol pilaia i mas save gut long ol yet tu na kosa wantaim na long ples bilong ol long pilai insait long tim;

Na sapos ol i laik go long narapela kantri long pilai olsem OFC klab sempionsip dispela i min olsem:

- KOSA i mas givim gutpela trening long ol. Dispela i min olsem tim i pilai long kompetisen level we i stap antap;
- DISPELA i min tu olsem menesmen i mas kisim ol i go pilai long ol arapela kantri tu olsem ol tim long Jayapura long West Papua, Solomon Ailan o ol top tim long Cairns na Townsville long Australia.

Taim ol i kamap long kain kompetisen ol bai save gut long wanem level bilong pilai em ol i pilai long en.

Moa yet dispela bai givim strong long wanwan pilaia long tim long kisim ekspirians na save. Sapos ol i go long ol bikpela pilai olsem OFC ol i save wanem mak em ol i stap long en na ol i gat save long pilai wantaim ol tim long narapela kantri.

Tasol dispela i no isi. Em i min olsem klab i mas gat mani na samting long helpim ol long mekim kain wokabout olsem.

Tasol gen sapos klab i gat wei long toktok long sponsasip na wei bilong mekim mani dispela bai i no hat long mekim.

Kain trening em klab i kisim i mas sut i go long kain level bilong tonamen o kompetisen em klab bai pilai long em.

Long dispela wei trening bilong klab i no go lus nating tasol i save long wanem samting em i mas mekim.

Lahanis i stap lida

Bustin Anzu i raitim

COCA-COLA Lahanis nau i lida bilong SP Kap resis insait long kantri bihain long ol i winim Toyota Mioks 44-16.

Dispela em i wanpela bikpela lus bilong Mioks long histri bilong ol long stap.

Lahanis i no soim sampela sori pasin long ol manki Wabag taim ol i bagarapim sindaun bilong ol long Goroka las wik.

Ol "kaimo" i bin mekim sampela gutpela senis long lainap na tu soim strong tru kala bilong ol long Lae bihain long ol i winim ol Bombers long wiken i go pinis tasol dispela wankain strong i no bin stap taim ol i go bungim ol "apo."

Long ol narapela SP Kap pilai, Pagini Warriors i dastim Bombers long Kundiawa 31-10, Agmark Rabaul Gurias i kukim Wari Vele Raiders 44-12 long Pot Mosbi, Mabey na Johnson Muruks i stopim Chemica Cowboys 18-14 long Kagamuga So Graun.

Na win bilong Lahanis nau i mekim ol i go pas long SP Kap resis poin lata. Olgeta win bilong Lahanis i soim olsem ol i winim ol birua bilong ol wantaim ol bikpela mak

na long narapela sait bilong boda; Pagini Warriors i wok long slekim olgeta tim husat i soim pes long graun bilong ol long Kundiawa.

Pagini i kisim pasin bilong Guria na winim olgeta tim ausait husat i go long hom taun bilong ol long pilai. Tasol long soim strong ol tru ol i mas traim long winim ol tim taim ol i go aut long taun bilong ol tu.

Tupela pilai bilong ol ausait, namba wan taim wantaim Bombers long Lae na Lahanis long Goroka tasol em ol i bin lus. Tasol ol narapela pilai em insait long Kundiawa yet olsem na wantaim bikpela luksave bilong ol sapos, ol i wokim bikpela win.

Bihain long ol i winim Mioks long Wabag, Muruks i bihainim olgeta liklik mak bilong Lahanis isi isi tasol. Bihain long bikpela sapos long spona, Muruks i winim planti ol gem insait long raun wan na putim presa long Lahanis long ol i mas lusim sampela pilai bilong ol.

Dispela bai givim sampela gutpela posisen long Muruks long wokabout bilong ol wantaim ol poin lata.

Guria tu i wok long sekim long sait bilong em yet. Maski em i lus long Bulldogs long wik i go pinis long Pot Mosbi, em i go bek na bagarapim wantok bilong ol, Wari Vele Raiders.

Guria i bin wokim planti senis long lain ap na kisim planti nupela pes na dispela i wok gut.

Bulldogs i malolo gut tru long wiken olsem na long dispela wiken, em bai kam wantaim planti strong long putim mak.

Bombers i no winim wanpela pilai yet ausait na dispela em wanpela ware bilong olgeta sapota. Wanpela is win bilong ol em wantaim Kundiawa we em i namba wan taim bilong ol Warriors long kam insait long SP Kap resis. Bihain long dispela ol i no winim wanpela pilai bilong ol.

Ol manki Mosbi i kisim tupela poin isi tru long las wik na dispela i mekim ol i strong liklik long bungim Mioks long Wabag.

Nupela tim insait long resis Wari Vele Raiders, mas stat isi isi na mekim mak bilong ol insait long dispela resis. Planti manmeri i tok em i strong tasol ol i kisim sampela taim bipo long ol i ken soim stret strong bilong ol.

Bai/Gene i kisim Ron Albert mekim bagarap na malolo pati long lig pilai

Paul Zuvani i raitim

TUPELA PNG biknem ragbi lig pilaia Marcus Bai na Stanley Gene i kisim bagarap long skru bilong ol.

Nau yet tupela wantaim i pilai wantaim bikpela Ingran Supa Lig klab na 2005 sempion Bradford Bulls.

Tasol Bai bai kambek pilai gen long tumora Fraide we ol Bulls bai pilai egensim Catalans Dragons. Marcus i kisim bagarap taim tim ol Bulls i pilai egensim Leeds Rhinos Me 26. Rhinos em tim Bai i bin pilai wantaim long 2004 na 2005 sisen.

Na Gene bai kambek long pilai long tupela wik bihain. Gene i kisim bagarap taim ol Bulls i pilai egensim Huddersfield Giants long Jun 23.

Long imel em *Wantok Spot* i salim i go long Bai na askim sapos tupela Gene i stap gut o nogat em i bekim na tok tupela i stap orait tasol na Bai bai pilai gen long dispela wiken.

"Tenk yu long askim. Mitupela wantaim i stap orait," Bai i rait. "Mi bin kisim bagarap na stap malolo inap long eitpela wik olgeta tasol mi bai kam bek long pilai long dispela wiken (tumora Fraide).

"Mi stretim rop long rait skru bilong mi na Gene i wankain long lep skru bilong em."

"Gene bai go bek long pilai long tupela wik taim. Tupela wik i go pinis."

"Tasol sapos nogat mitupela wantaim i stap orait. Mitupela olgeta de i save sekim skru bilong mitupela na i traim long stretim."

Em i tok tu olsem tupela arapela PNG pilaia Johns Wilshere husat i pilai wantaim Wigan klab long Supa Lig resis na Makali Aizue husat i pilai long wanpela namba tu lig resis long Ingran i kisim bagarap tu na olsem olgeta i wok long malolo long dispela taim.

Bai i kisim 2006 SP Awot olsem Spot Ambasada bilong kantri na dispela i namba wan taim kain awot em ol i givim i go long pilaia.

Verolyn Nombri na Salome Vincent i raitim (DWU sumatin)

MADANG Ron Albert ragbi lig pilai graun long narapela wiken bai kalap kalap long planti ragbi lig pilai stat long PNG Ragbi Futbol Lig Noten Jon Anda 19 sempionsip.

Dispela sempionsip bai stat long Fraide Julai 21 na pinis long Sande 23.

Na fainol bilong dispela pilai bai kamap olsem keten resa bilong SP Kap resis namel long Mendi Mabey na Johnson Muruks na Pot Mosbi Brian Bell Bulldogs.

Long dispela ol Madang ragbi lig sapota i putim bikpela was long kamap na lukim dispela ol pilai.

Long jon sempionsip Madang i kamapim tupela tim sinia tim na tupela junia tim. Ol tim em Madang sinia Yelo na Madang sinia

Grin. na long Anda 19 divisen em Madang Anda 19 Yelo na Madang Anda 19 Grin. Na ol arapela tim bai kam long Ramu, Lae na Bulolo. Wewak na Vanimo i no kamapim tim.

Madang Yelo em John Samato bai go pas long en olsem kepten na Madang Grin em Paul Poka bai go pas long en.

Long taim Noten jon sempionsip i kamap long Madang wankain jon sempionsip bai kamap long Hailans na Niugini Ailans. Hailans sempionsip bai kamap long Goroka na Ailan pilai bai kamap long Rabaul.

Dispela ol pilai i mas kamap long las wiken tasol dispela i no bin kamap na olsem PNGRFL i surukim i go bek long narapela wiken.

Bihainim dispela ol sempionsip PNGRFL bai holim Anda 19 Nesenol Jon sempionsip long Madang.



I GO YET: Wari Vele Raiders seken roa Raphael Mua i kisim bal i go long mak bilong Agmark Guria taim Oscar Tonga (lep han) na Ricky Sibiya wantaim arapela pilaia i takolim em long pilai bilong ol long Lloyd Robson pilai graun long las Sande. Guria win 44-12.

WIKEN MAK

Warriors 31 winim Bombers 10
Muruks 18 winim Cowboys 14
Lahanis 44 winim Mioks 16
Guria 44 winim Raiders 12
Bai: Brian Bell Bulldogs

SP KAP 2006 POIN LATA

| Klab | P | W | D | L | B | T | PTS |
|----------|---|---|---|---|---|---|--------|
| Lahanis | 9 | 8 | 0 | 1 | 1 | | 127 18 |
| Guria | 9 | 7 | 0 | 2 | 1 | | 144 16 |
| Muruks | 9 | 7 | 0 | 2 | 1 | | 93 16 |
| Warriors | 9 | 6 | 0 | 3 | 1 | | 25 14 |
| Bulldogs | 8 | 4 | 0 | 4 | 2 | | 12 |
| Mioks | 9 | 4 | 0 | 5 | 1 | | 20 10 |
| Bombers | 9 | 2 | 0 | 7 | 1 | | 72 6 |
| Cowboys | 9 | 1 | 0 | 8 | 1 | | 121 4 |
| Raiders | 9 | 1 | 0 | 8 | 1 | | -183 4 |

Tok klia: P = namba bilong pilai, W = win, D = dro, L = Lus, B = bai, T = totel namba bilong ol poin bilong foa na egensim tim na PTS = poin.

Namatani makim skwat

Spot tonamen
James Kila i raitim

NAMATANAI Distrik long Nu Ailan provins i tokaut pinis long wanpela tren-on skwat bilong en long makim ol long Papindo PNG Nesinol Gems we bai kamap long 2007.

Dispela makim bilong tim em ol i bin mekim bihain long bikpela tonamen we i bin kamap long liklik taun Namatanai long las mun tasol.

Dispela tonamen i lukim planti ol spotmanmeri long distrik na kaunsil wod i go soim ol stail bilong ol long pilai.

Man husat i go pas long kamapim dispela tonamen em Provinsol Gavman Yut Representativ na biknem Kykushen Karate paitman, Walter Schnaubelt.

Na ragbi tas tonamen long Namatanai i bin kamap anit long gutpela lukaut bilong tupela spots kodineta bilong PNG Spots Komisn, Moses Tolingling na Kila Dick, husat i bin stap long kari-maut wok long sait bilong referi na



REDI: Tim bilong Tabar husat i bin pilai long tas tonamen long Namatanai.

kosing. Bihain long dispela Tolingling husat bilong Niu Ailan provins i stap insait tu long selesen komiti long makim tren-on-skwat tim.

Fainol bilong Namatanai tas

tonamen i lukim ol bagaros bilong Is Kos Sentral i kamap namba wan. Ol i kisim K1000 wantaim Yut Rep Kap. Tim i kam namba tu em Tanga, husat i kisim K650 na Lihir i kamap namba tri na i kisim

K350. Olgeta narapela tim husat i pilai insait long dispela resis i bin kisim K100. Ol dispela tim em Suta, Lak, East Coast Namatanai, Anir, Tabar, West Coast Namatanai, West Coast Central na Kandas.

Dispela tren-on skwat bilong Namatanai em Bruno Kalasaman, Alois Toisiat (Lihir constituency), Jahmo Tiso, Kelly Tami (Suta), Rumigius Fite, Luks Necker (Tanga), Sam Pakeai, Joel Abel (East Coast Central), Hosea Tibo, Wally Tom (Lak), Michael Kati, Chris Kap (East Coast Namatanai), Lovengeis Rangrang, Charles Salle (Tabar), John Remi, Albert Kiaplom (Anir), James Ianharus, Sade Kupe (West Coast Namatanai), Stanis Toniarins, Sylvester Siosi (West Coast Central), Joachim Beke na Elias Henry (Kandas).

Volibal tonamen i lukim ol man bilong Lihir i soim tru strong bilong ol na winim ol lain bilong Is Kos Sentral. Na fainol bilong meri i lukim ol meri nogut bilong Tanga i soim stret stail bilong ol na rausim tiket bilong ol meri Is Kos Sentral insait long fainol.

Hap hap spot

Ela helpim Diwai

DIWAI ragbi lig klab bilong Madang i kam bek strong gen insait long kompetisen na pilai bilong ol i winim tu nupela sponsa. Ela Enterprise long las wik Sarere i givim nupela yunifom long klab we klab presiden, Rex Sos na ol manki bilong em i amamas tru long kisim. Sos i tok Ela Enterprises i tokaut olsem em bai givim K100 shopping vauasa sapos ol i win. Em i tok kain sponsa bai strongim tingting na kirapim bel bilong ol pilaia long pilai strong. Diwai klab husat i tim bilong Divain Wod Yunivesiti (DWU) i winim tupela primiasip long 2003 na 2004 tasol long las yia planti ol hevi i kamap na olsem ol i no bin pinisim sisen long pilai bilong ol. Dispela yia ol i kam bek.

Wabag soka skul

WANPELA OFC opisel husat i stap long Nu Silan bai kam raun long Wabag long dispela wik long sekim graun long kamapim Hailans rijon soka ekedemi ol skul. Glen Turner husat i OFC developmen opisa bai go long Wabag wantaim PNGFA presiden David Cheung na sekreteri jenerol Dimirit Mileng. Dispela bai namba wan taim kain wokabout bilong Turner i kamap na soka famili long Wabag na long Hailans rijon bai amamas long bungim gem.

Peter Sowaip- Pia i raitim

Gerehu Kantri Soka

WOK bilong NCD Bai-ileksen long las wiken i lukim planti ol spot i no holim ol pilai bilong ol. Na dispela i wankain long ol pilai bilong Gerehu Country Soka Asosiesen. Presiden Charles Aopi i tok ol i surukim ol dro i go bek na long dispela ol pilai bilong las wik bai kamap bai long dispela wiken. Na long ronim GCSA OFC Futsal Progreem we i karim nem Futbol bilong Gutpela Laipstail na Hop we i makim ol manki kris-mas bilong ol i stap long 8 i go inap long 14 bai i no inap kamap inap long Dem Carol Kidu i kamap long olim. Nau yet em i gat arapela wok.

Sentrel soka kamap

SENTREL provins soka sempionsip bai kamap long Semtemba 11 i go inap long 15 bihain long dispela yia. Faunda na kodineta Scott Vavine i tok i ol tim we i laik kamap long dispela ol pilai i mas salim nem bilong ol i kam long opis bilong em. "Mi laik lukim olsem dispela tonamen i go het bai mipela i ken kirapim na developim soka long provins," Vavine i tok. Sampela ol ples olsem Omond, Mt. Brown, Kwikila, Cloudy Bay, Ganimarupu na Alepa i soim laik pinis long kamap. Long pilai tim rejistresen fi em K100, pilaia K2. Namba bilong ol pilaia long tim em 20 na opisel em 2-4. Pinis de bilong rejistresen em Ogas 31.

Nupela Asosiesen

NUPELA soka asosiesen i kamap na afiliet long PNGFutbol Asosiesen. Dispela em Yokoro Soka Asosiesen long Erave long Sauten Hailans provins. Dispela Asosiesen i afiliet long PNGFA long las wik. Interim presiden em Tony Augustine na petron em Christopher Papiali. Augustine i tok nem long tokples Erave i min "bringim wanbel" na olsem ol i laik yusim soka long kamapim wanbel na beli isi sindaun long ples bilong ol. I gat planti hevi i stap bilong ol i mas stretim.

Yunivesiti king bilong klab sempionsip

soka

Bustin Anzu i raitim

Ol i bin winim Sobou, namba wan soka klab tim bilong Papua Niugini long penolti sut-aut 2-0, bihain long tupela tim wantaim i no skoa long fultaim.

Sobou i bin holim dispela taitol longpela taim na makim kantri long pilai insait long Osenia na ol narapela pilai insait long kantri.

Long sait bilong ol meri, PNG Pawa bilong Lahi i winim Pot Mosbi Telikom 2-1 long kamap kwin bilong soka insait long kantri.

Ol meri pawa i kamapim wanpela strongpela na gutpela gem long kamap kwin bihain long ol i winim meja semi fainol wantaim Madang Momase long kamap namba wan.

Las yia kwin Lekii bilong Kimbe yet i ron namba foa insait long dispela pilai resis.

Kosa bilong Yunivesiti John Davani i tok ol i bin wet insait long siks pela yia long winim dispela pilai na em i amamas long ol manki bilong em long putim kamap dispela bikpela pilai. Hatwok bilong em nau i karim kaikai bihain long ol dispela yia i kam.

Yunivesiti i bin pilai wantaim 10-pela man taim narapela pilaia bilong ol Paulo Patterson i bin kisim ret kat na i go ausait long fil. Long wankain taim sampela ol narapela pilaia bilong tupela tim wantaim i kisim yelo kat long taim bilong pilai.

Gol kipa Ben Kaihah i holim tupela kik bilong Sobou, bihain long ol i nopainim umben bilong Yunivesiti na dispela i givim tiket long ol long kisim ples bilong Sobou long wokabout long ol bikpela pilai insait long kantri.

Tupela tim wantaim i traim planti taim long kik i go insait long gol

bilong narapela tasol ol i no inap long wanem gol kipa bilong tupela tim wantaim i strong tru.

Insait long ekstra taim, Yunivesiti i bin i gat gutpela sans long skoa tasol lek bilong ol i hevi long wanem Sobou i kaikaim tit na sanapim strongpela banis.

Kepten bilong Yunivesiti Trevor Ire na Paul Patterson i bin kikim dispela tupela gol bilong Yunivesiti long win. Kepten bilong Papua Niugini soka tim Richard Daniels na Quinto Bafinu i no kik gut long helpim Sobou.

Long pilai, Daniels i bin tokim Wantok Spot olsem ol i bin igat planti sans long skoa tasol ol i misim ol dispela sans.

Long ol narapela pilai, LFA Blue Kumuls i kamap namba tri bihain long ol i winim PS Rutz 3-0 na namba wan difenda awot i go long Tua Haro bilong PS Rutz na namba wan straika awot bilong

tonamen i go long Edmund Lalo bilong Lae Blue Kumuls.


Long ol meri, Daisy Winas bilong PNG Pawa i kisim prais olsem top straika na Madang Momase Joan Gaimiandu i kisim awot bilong namba wan difenda. Momase Madang i kamap namba tri bihain long ol i winim Lekii.

Fea pilaia awot i go long Mount Hagen Blue Kumuls na Lekii Watio Baki i winim meri Pilaia-Bilong-Tonamen awot.

Olgeta tim husat i pilai insait long dispela tonamen bai lusim Kimbe nau Fonde Julai 13 long wanem i nogat rot bilong sip i go long Lae we ol pilaia bai kisim sip i go.

Ol tim em Blue Kumuls (Mount Hagen), Blue Kumuls (LFA), PNG Pawa (Lahi), Sobou (Lahi), Momase (Madang) na Chauka (Goroka). Ol tim em 7-pela tim bilong man na 7-pela tim bilong ol meri.

Narapela sempion



KAMAP: Rita Kari husat i bihainim lekmak bilong wantok Hanuabada meri Dika Toua long kamap sempion long wetlifting. Nau yet em tren hat long 2007 Samoa Saut Pasifik Gem na Osenia Gem. Em i sempion bilong Saut Pasifik rijon long 58 kilogram long dispela taim.

United go pas long Goroka lig

ragbi

James Kila i raitim

KOMPETISEN lida insait long Goroka ragbi lig kompetisen BB Treding United i soim tru pawa bilong en long las wiken taim em i wilwilim stret ACM Souths 24-nil insait long A gret competition.

Dispela gem i kamap bifo long SP Inta-siti kap gem namel long ol stail mangi bilong Coca Cola Goroka Lahanis wantaim Toyota Enga Mioks. Dispela bikpela gem tu i lukim Lahanis i bagarapim sindaun bilong Enga Mioks 44-18 long stap top yet insait long SP Kap kompetisen.

Kambek bilong huka bilong ol BB Treding United, NATHAN HOYATO wantaim ol strongpela fowat na beklain bilong ol boi Sipiga i paulim tru ol boi bilong Sauts na ol trai i ron olsem wara stret.

Winga bilong United Henry Seka i soim tru spit bilong em long sait-lain na abrusim

planti ol birua bilong na kamapim gutpela gem tru. Em i kisim gutpela helpim na sapot i kam long Batu wantaim ol narapela olsem Slain long fowat lain long givim bikpela hetpen long ol boi bilong Souths.

Dispela gem i lukim stret gutpela pilai long fowat na beklain bilong United na em i soim tru olsem ating dispela yia em ol bai gohet yet long fainol bilong kompetisen.

Bihain long raun-11 bilong GRL ragbi lig kompetisen, BB Treding United i go pas long 18 poin, Jones West i kam namba tu long 17 poin, EDZ Cowboys long 15, ODA Norths long 12, Nowek Royals 11, MM Tarangau 6, ACM Souths 4, Options Sharks 4 na Okapa Hawks 2.

Insait long risev gret BB Treding Souths i go pas wantaim 16 poin, ODA Norths 13, Royals 12, EDZ Cowboys 11, MM Tarangau 8, Okapa Hawks 8, Jones Wests 6 na ACM Souths na Option Sharks long 4-poins.

Point lata bilong anda 17 i lukim EDZ Cowboys na United igo pas long 16 poin, Jones West na Royals i stat long 12-poin, Okapa Hawks 10-poin, ODA Norths8, MM Tarangau 6, Option Sharks 2 na ACM Souths 0.

Presiden bilong GRL, Pat Siwi wantaim Kompetisen kodineta Nathan Mote i tokaut olsem i gat 5-pela raun bilong kompetisen o gems i stap yet bifo long fainols i stat.

Insait long wanpela notis ol i putim aut ol i tok olsem dispela ol 6-pela top tim insait long kompetisen bai go insait long fainols.

Mista Siwi wantaim Mista Mote i tokaut olsem fes semi-fainols bai kamap long Ogas 26-27.

Na seken semi-fainols bai kamap long Septemba 2-3. Ol i tokaut tu olsem gren fainol bilong GRL sapos olgeta samting igo orait tasol bai kamap long Septemba 10.

LAE BISCUIT CO.

WANTOK

SPOTS

LAE BISCUIT CO.




FIFA WOL Kap:
 ¥ Saut Afrika long holim 2010
 FIFA Wol Kap pilai
 ¥ Itali 2006 wol kap sempion,
 ¥ Jemeni Pedoloski pilala long
 lukluk long ol pilai i kam na
 ¥ ol wol kap poto .



SEMPION: Tim Itali we i winim 2006 FIFA Wol Kap long dispela wik Mande moning bihain long ol i winim Frans 5-3 long penolti sut aut.

STAP MALOLO: Tupela PNG biknem ragbi li pilala Marcus B na Stanley Gene i kism bagarap na i stap malolo.
 Lukim stori pes 30

NRL NIUS
 ¥ Priviu bilong ol pilai
 ¥ Johns brukim rekot
 ¥ Bill Harragan no amamas long toktok
 Lukim long pes 29



World Class Products from PNG's No.1 Automotive & Marine Dealer

Ela Motors

Your First Choice

www.elamotors.com.pg

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.